

**En¹nta³ xi³ t²a³ts²e⁴Cristo
jo³-s²in²Marcos qui³squi³**

*Juan Bautista qui³nchja⁴ya³
(Mt. 3:1-12; Lc. 3:1-9, 15-17; Jn. 1:19-28)*

1 C²oa⁴-s²in² qui³to²ts²in³cao⁴ en¹nta³ xi³ t²a³ts²e⁴
Jesucristo xi³ nti¹-le⁴ Ni³na¹. 2 Jo³-s²in² nca³
qui³squi³ je² cho⁴ta⁴ xi³ Isaías xi³ qui³nchja⁴ya³
t²a³ts²e⁴ Ni³na¹: Coe⁴-ni³, an³ si³ca³sen¹ ti¹tjon²-
le² je² cho⁴ta⁴-na⁴ xi³ fi²cao⁴ en¹, xi³ coa⁴nta³
ti¹tjon²-li² ntia⁴li⁴. 3 Tjin¹ xi³ n²ion¹ nchja⁴
ya⁴ nte³t²a³xin²t²a³: Tja³ntao³ ntia⁴ xi³ t²a³ts²e⁴
Nai³-na¹. Tja³qui²xio⁴ ntia⁴ nti¹-le⁴. 4 Juan
tsa³ca³te¹nta¹ ya⁴ jña³ nte³t²a³xin²t²a³. C²oa⁴-s²in²
qui³nchja⁴ya³ cjoa⁴sa³te¹nta¹ xi³ t²a³ts²e⁴ cho⁴ta⁴
nca³ si⁴c²a³ntjai²ya³ cjoa⁴fa³ai³tsjen³-le⁴, jme¹-ni³
nca³ cha⁴t²a³-si¹ni³ je¹-le⁴. 5 Ji³tjo³con³-le⁴ nca³ts²i³
cho⁴ta⁴ xi³ tjin¹ jña³ nca³ Judea² mi², cao⁴ cho⁴ta⁴
xi³ tjin¹ Jerusalén. Juan tsa³ca³te¹nta¹ cho⁴ta⁴-ve⁴
ya⁴ nta¹je⁴xi³ Jordán²mi², nca³qui³si³qui²xi⁴ya³nta³
je¹-le⁴. 6 Juan tsa³c²a³cja¹ na³jño³ntsja⁴-le⁴ camello,
c²oa⁴ jnco³ čhjoa⁴xin¹ tji¹cja¹ cja¹ntia³-le⁴. Tsa³cjen²
cho⁴va⁴ cao⁴ ntsjen¹-le⁴ cho⁴ntsjen¹ya¹ xi³ tjin¹
nqui³jña¹. 7 C²oa⁴-s²in² qui³nchja⁴ya³: Ja⁴ve³
cjoa⁴ai¹ jnco³ xi³ nqui²sa⁴ nta³ ma³-le⁴ cao⁴-
ni³ tsa² an³, sa³nta³ li²coi³ va³quin²-na³ nca³
coa²sen⁴nia³ nca³ sco³jnta¹ čhjoa⁴xin¹-le⁴ jte¹-le⁴.

8 Xi³ cjoa⁴qui²xi⁴ an³-vi⁴ to⁴na³nta¹ tsa³ca³te³nta¹³-ni³no³, to⁴nca³ je² xi³ cjoa⁴?ai¹, Espíritu Santo coa⁴te²nta¹-ni³no³.

*Juan tsa³ca³te¹nta¹ Jesús
(Mt. 3:13-17; Lc. 3:21-22)*

9 Coi³ ni⁴čhjin³-ve⁴ Jesús ja³?ai³-ni³ Nazaret xi³nchja⁴-ni³ Galilea. Juan tsa³ca³te¹nta¹ Jesús ya⁴nta¹je⁴ xi³ Jordán ?mi². **10** Nti⁴ton⁴ nca³ ji³tjo³ca²jin³-ni³ na³nta¹, c?ia⁴ tsa³ve³ nca³ ti¹tjo³?ai² nc?a³jmi³. Je² Espíritu Santo ji³nčhoa³jen³ne²-le⁴ Jesús jo³-ni³ni⁴se³ paloma. **11** Jnco³ jta⁴ qui³no²?ya²-ni³le⁴ nc?a³jmi³ xi³ c?oa⁴tso²: Ji³ ni¹xi³ ?nti¹-na⁴ xin³-le². Ji³ ni¹xi³ tsjoa³que⁴-le², jo³ nta³ s?e³coan³ xi³t?a³tsi⁴.

*Satanás me³-le⁴ nca³ ch?ao³ si⁴cao⁴ Jesús
(Mt. 4:1-11; Lc. 4:1-13)*

12 Je² Espíritu Santo qui³cao⁴ nti⁴ton⁴ Jesús jňia³?nte³t?a³xin²t?a³. **13** Ňa³chan² ni⁴čhjin³ tsa³c?e²jna³ Jesús ya⁴?nte³t?a³xin²t?a³. Satanás coan³me³-le⁴ nca³ ch?ao³ si⁴cao⁴. Ňa³tjen⁴ tji¹ cho⁴jňia¹cao⁴ Jesús. A²ncje⁴ qui³si³sin³-le⁴ Jesús. **14** C?ia⁴ nca³ je³qui³cha³ni² nto⁴ya¹ Juan, Jesús ja³?ai³-ni³ya⁴ Galilea. Qui³nchja⁴ya³ en¹nta³ xi³ t?a³ts?e⁴cjoa⁴te¹xo³ma³-le⁴ Ni³na¹. **15** C?oa⁴qui³tso²: Ni⁴čhjin³-vi⁴ je³coan³jnco³, c?oa⁴ je² cjoa⁴te¹xo³ma³-le⁴ Ni³na¹ je³nčhoa¹ ma³čhian³. Ti⁴c?a³ntjai²ya³cjoa⁴fa³?ai³tsjen³-no³, ca²ta³ma³cjain¹-no³ en¹nta³-vi⁴.

*Jesús qui³nchja⁴ le⁴ cho⁴ta⁴ xi³ ma³-le⁴ si¹c?en³jt⁴
(Mt. 4:18-22; Lc. 5:1-11)*

16 C'ia⁴ nca³ ja^{3?}a³ ntai³-le⁴ nta¹chi³con³ ya⁴ Galilea, Jesús tsa³ve³ Simón, cao⁴ nts²e⁴ Andrés xi³ tjiō¹si¹c²a³tjen⁴ na^{4?}ya³ ja⁴jin³ nta¹chi³con³. Jti⁴ ma³-le⁴ si¹c²en³. **17** Jesús c²oa⁴qui³tso²-le⁴: Nčhoa¹tjen⁴nqui³-nao¹³, c²oa⁴ an³ tsjao³-no³ xa¹ nca³ c²oe¹xco¹³ cho⁴ta⁴. **18** Simón cao⁴ Andrés tsa³ca³tio¹ nti⁴ton⁴ na^{4?}ya³-le⁴. Qui³tjen⁴nqui³-le⁴ Jesús. **19** Qui³ntai³-sa³ nta¹chi³con³. Tsa³ve³ Jacobo cao⁴ nts²e⁴ Juan xi³ ja⁴xti³-le⁴ Zebedeo. Tjiō¹ya³ chi³tso³. Ya⁴ tjiō¹-v²e¹jčho³ na^{4?}ya³-le⁴ xi³ ca³ni¹ya³ jti⁴. **20** Jesús qui³nchja⁴ nti⁴ton⁴-le⁴ Jacobo cao⁴ Juan. Ya⁴ qui³si³ca³tio¹ n²ai³-le⁴ Zebedeo cao⁴ cho⁴nta³-le⁴ ja⁴ya³ chi³tso³-ve⁴. Qui³tjen⁴nqui³-le⁴ Jesús.

Jnco³cho⁴ta⁴xi³tjin¹-le⁴ntjao⁴xi³nta³jin³
(Lc. 4:31-37)

21 Jesús ji³cho² ya⁴ ?nte³ jñā³ nca³ Capernaum ?mi². C'ia⁴ nca³ ji³cho² ni⁴čhjin³ ni²cja¹ya³, ja^{3?}a³s²en³ nt²ia³ sinagoga. Ya⁴ tsa³ca³co¹ya³. **22** To⁴coan³xcon¹-le⁴ cho⁴ta⁴ jñā³-le⁴ cjoa⁴fa^{3?}ai³tsjen³ xi³ qui³nchja⁴ Jesús nca³ tsa³ca³co¹ya³-le⁴ jo³-ni³ tsa² jnco³ cho⁴ta⁴ xi³ cjoa⁴te¹xo³ma³ ntsja³, li²coi³ jo³-ni³ tsa² xi³ to⁴cho⁴ta⁴ scribano ma³. **23** Ya⁴ nt²ia³ sinagoga ti¹jna³ jnco³ cho⁴ta⁴ xi³ tjin¹-le⁴ ntjao⁴ xi³ nta³jin³. N²ion¹ qui³nchja⁴ cho⁴ta⁴ xo⁴cji³-ve⁴. **24** C²oa⁴qui³tso²: Jain^{42!} Jme¹ xi³ tjin¹-na³jin⁴ xi³ cao⁴ ji³, ji³ ni¹³ Jesús xi³ cho⁴ta⁴ nazareno ?mi²-li². A³ ca²fa^{2?}ai⁴ ni²cji³tson¹-na³jin⁴. An³ ?ve³-le²³ ?ya³-ni³ve⁴ ji³. Ji³ ni¹³ xi³ tsjai³ xi³ ts²e⁴ Ni³na¹. **25** Jesús qui³nchja⁴ti³cao⁴ ntjao⁴ xi³ nta³jin³. Jyo¹ ti⁴jnai³, qui³tso²-le⁴. Ti²tjo⁴xin²-lai⁴ nca³ je². **26** Jo³

qui³si³tin³ya³ cho⁴ta⁴. Je² ntjao⁴ xi³ nta³jin³ xi³ qui³si³cao⁴. Jo³ qui³squi³nta¹, c²ia⁴ ji³tjo³xin²-le⁴. ²⁷ Jo³ coan³xcon¹-le⁴ nca³ts²i³, jo³ nca³ i⁴ nca³ jan¹ qui³sco²na³nqui³-le⁴ xi¹ncjin¹: Jme¹ xi³ cji³ma³ nt²ai⁴-vi⁴. A³ s²a⁴ cjoa⁴cho⁴tse⁴ xi³ ti¹va³co¹ya³, nca³ je² cho⁴ta⁴ c²oa⁴-s²in² tjin¹-le⁴ cjoa⁴te¹xo³ma³ nca³ va³te¹xo³ma³-le⁴ nta³ tsa² je² ntjao⁴ xi³ nta³jin³. Je² ntjao⁴-ve⁴ si¹cji³tjo³son² xi³ tso² Jesús. ²⁸ Qui³son² en¹ xi³ t²a³ts²e⁴ Jesús nca³qui³jnta² Galilea.

*Jesús qui³si³nta³ na⁴cha¹-le⁴ Simón
(Mt. 8:14-15; Lc. 4:38-39)*

²⁹ C²ia⁴ ji³tjo³-ni³ Jesús nt²ia³ sinagoga. Ji³nčhoa³ nti⁴ton⁴ nt²ia³-le⁴ Simón cao⁴ Andrés. Ņa³tjen⁴ qui³ Jacobo cao⁴ Juan. ³⁰ Je² na⁴cha¹-le⁴ Simón ti¹qui³jna³, ch²in³nt²ai⁴ tjin¹-le⁴. Je² xti³-le⁴ c²oa⁴qui³tso² nti⁴ton⁴-le⁴ Jesús xi³ t²a³ts²e⁴ na⁴cha¹-le⁴. ³¹ C²ia⁴ ja³a³s²en³ Jesús, qui³scoe¹ ntsja³, qui³si³qui³so¹tjen⁴. Ji³tjo³xin² nti⁴ton⁴-le⁴ ch²in³nt²ai⁴-le⁴, qui³si³sin³-ni³le⁴ Jesús cao⁴ cho⁴ta⁴ xi³c²a³.

*Ncjin² ma³-ni³ cho⁴ta⁴ xi³ coan³nta³
(Mt. 8:16-17; Lc. 4:40-41)*

³² C²ia⁴ nca³ coan³xon² nca³ qui³sca³ntjai² ts²oi¹, ja³ai³ ca³ni¹-le⁴ nca³ts²i³ xi³ tjo¹m²en³, xi³ tjin¹-le⁴ nai⁴ xi³ nta³jin³. ³³ Nca³ts²i³ cho⁴ta⁴ xi³ tjo¹ ya⁴-ve⁴ qui³tse³jčho² xo⁴ntjоa⁴. ³⁴ Ncjin² ma³-ni³ cho⁴ta⁴ xi³ tjo¹m²en³ xi³ Jesús qui³si³nta³. Qui³si³nta³ to⁴jme³-ni³ ch²in³ xi³ tjin¹-le⁴. Ncjin² ma³-ni³ nai⁴ xi³ nta³jin³ xi³ tsa³c²a³sje³xin²-le⁴. Li²coi³ qui³tsjoa³nte²-le⁴ nai⁴-ve⁴ nca³ coi⁴nchja⁴ nca⁴ je² nai⁴-ve⁴ tsa³ve³ Jesús.

Jesús qui³, qui³nchja⁴ya³
(Lc. 4:42-44)

35 Cjai¹nca³ ta⁴njion² ji³so¹tjen⁴ Jesús, njion²ya³-sa³ ji³tjo³, qui³ jña³ t⁷a³xin²t⁷a³. Ya⁴-ve⁴ tsa³c⁷e¹ts⁷oa³-le⁴ Ni³na¹. **36** Simón cao⁴ xi³ tgio¹cao⁴, qui³tjen⁴nqui³-le⁴ Jesús. **37** C⁷ia⁴ nca³ tsa³ve³ cho⁴ta⁴ jña³ ti¹jna³ Jesús, c⁷oa⁴qui³tso²-le⁴: Nca³ts⁷i³ cho⁴ta⁴ tgio¹va¹sjai³-li². **38** Jesús qui³tso²-le⁴: Tjian¹ na⁴xi⁴na³nta¹ jña³ nca³ čhian³, jme¹-ni³ nca³ c⁷oa⁴-ti⁴ coi³nchja²ya³-si¹nia³ ya⁴-ve⁴. Coi³ cjoa⁴ nca³ ji²tjo⁴-nia³. **39** Qui³nchja⁴ya³ ya⁴ nt⁷ia³ xi³ sinagoga ⁷mi². Tsa³c⁷a³mjen³jin³jnta² Galilea. Tsa³c⁷a³sje³xin²-le⁴ je² nai⁴² xi³ nta³jin³ xi³ tgio¹jin³ ni⁴ma⁴-le⁴ cho⁴ta⁴.

Jesús qui³si³tsje³jnco³cho⁴ta⁴
(Mt. 8:1-4; Lc. 5:12-16)

40 Jnco³ cho⁴ta⁴ xi³ jo³ ti¹fi³nto³jon³ yao³-le⁴, ji³cho²con³-le⁴, tsa³c⁷e¹ts⁷oa³-le⁴, tsa³ca³sen²xco¹nch⁷in³-le⁴, qui³tso²-le⁴: Tsa² me³-li² coan⁴ si⁴tsje³-nai¹³. **41** C⁷oa⁴ Jesús coan³ma⁴que³. Tsa³cjen¹ ntsja³, qui³si³cao⁴, qui³tso²-le⁴: Me³-na³, ca²ta³ma³tsjai³. **42** C⁷ia⁴ nca³ je³qui³nchja⁴, nt⁷ton⁴ ji³tjo³xin² ch⁷in³-le⁴ cho⁴ta⁴-ve⁴. Coan³tsje³. **43** C⁷ia⁴ Jesús tsa³qui³ncha¹a³. T⁷in³, qui³tso² nt⁷ton⁴-le⁴. **44** Jesús qui³tso²-le⁴: Ji³, a³li²ya³-jin² xi³ jo³ ⁷mi²-lai⁴, to⁴nca³ t⁷in³, ta⁴co²-lai⁴ yao³-li⁴ na⁴mi³. T⁷ai²t⁷a³-lai⁴ xi³ Moisés tsa³ca³te¹xo³ma³ nca³ coan³tsjai³. C⁷oa⁴-s⁷in² c⁷oai⁴-lai⁴ cjoa⁴qui²xi⁴ jo³-s⁷in² coan³ntai³. **45** To⁴nca³ je² cho⁴ta⁴-ve⁴ qui³. C⁷oa⁴ tsa³c⁷e¹ts⁷ia⁴ nca³ qui³nchja⁴ ncjin² en¹. Qui³sca³ni¹son² cjoa⁴nta³-le⁴ Jesús, sa³nta³

li²coi³ ti⁴coan³-ni³le⁴ nca³ ja^{3?}a³s⁷en³tsen³ ya⁴jin³ na⁴xi⁴na³nta¹. To⁴ ya⁴ jñna³ t⁷a³xin²t⁷a³ tsa³c⁷e²jna³. Ya⁴ ja^{3?}ai³con³-le⁴ nca³ts⁷i³.

2

Jesús qui³si³nta³ cho⁴ta⁴yo⁴ma⁴

(Mt. 9:1-8; Lc. 5:17-26)

1 Xi³ coan³nchaon³ coan³jnqui³-ni³, ja^{3?}a³s⁷en³-nca¹ni³ ?nte³ jñna³ nca³ Capernaum ?mi², ya⁴ tsa^{3?}ya³-le⁴ nca³ ti¹jna^{3?}ya³ ni^{3?}ya³. **2** A³li² to⁴c⁷oa⁴cji³ ncjin² cho⁴ta⁴ xi³ ja^{3?}ai³ ma³xco¹t⁷a³-le⁴ Jesú, sa^{3?}nta³ li²coi³ ti⁴ti^{3?}nte²-ni³ ja⁴jcho³ xo⁴ntjoa⁴-le⁴ ni^{3?}ya³. C⁷oa⁴ ya⁴ qui³nchja⁴ya³jin³-le⁴ en¹-le⁴ Ni³na¹. **3** C⁷ia⁴ ja^{3?}ai³cao⁴ jnco³ cho⁴ta⁴yo⁴ma⁴. Ño³ cho⁴ta⁴ tsa³c⁷a³nc⁷a³. **4** Li²coi³ qui³tjo^{3?}nte²-le⁴ ji³cho²s⁷en³con³-le⁴ Jesú, nca³ c⁷oa⁴-s⁷in² chon³ cho⁴ta⁴ncjin² xi³ qui³tse^{3?}ya² ni^{3?}ya³. Ya⁴ qui²xi⁴ jñna³ nca³ ti¹jna³ Jesú, tsa³cja^{3?}a¹xin²te²ja⁴-le⁴nc⁷a¹. Ya⁴ qui³sca³ni¹jen³ne²-ni³le⁴ na⁴chan³ xi³ tsa³ca³jna³ne² je² xi³ ti¹m⁷en³. **5** C⁷ia⁴ nca³ tsa³ve³ Jesú jo³-s⁷in² nca³ coan³cjain¹-le⁴, c⁷oa⁴qui³tso²-le⁴ cho⁴ta⁴yo⁴ma⁴: ?nti¹ mi²yo⁴na⁴, i⁴ ca²cha³t⁷a³-li² je¹-li⁴ nt⁷ai⁴. **6** Ya⁴ tjio¹chian³ c⁷a³ cho⁴ta⁴ scribano xi³ tjio¹ma³ si¹cja³-?ai³tsjen³jin³ ni⁴ma⁴-le⁴. **7** C⁷oa⁴tso²: A¹-ni³ nca³ c⁷oa⁴tso²-si¹ni³ je²-vi⁴, nca³ Ni³na¹ nchja⁴aon³-ni³le⁴. ?ya¹-ni³ xi³ coan⁴-le⁴ si⁴cha³t⁷a³-na¹ je¹-na¹, a³ tsi² tsa² to⁴jnco³ Ni³na¹ xi³ coan⁴-le⁴. **8** Jesú tsa³ve³ nti⁴ton⁴ ni⁴ma⁴-le⁴ nca³ c⁷oa⁴-s⁷in² cho⁴ta⁴-ve⁴ tjio¹ma³ si¹cja^{3?}ai³tsjen³jin³

ni⁴ma⁴-le⁴. C⁷oa⁴qui³tso²-le⁴: A¹-ni³ nca³ c⁷oa⁴-s²in² si¹cja³?ai³tsjen³jin³-si¹ni³ ni⁴ma⁴-no³. ⁹ Jñña¹-le⁴ xi³ li²coi³ to⁴jo³ ñ⁷ain³, tsa² c⁷oa⁴xin¹-le⁴ cho⁴ta⁴yo⁴ma⁴-ve⁴: Je¹-li⁴ cha³t²a³-li² nt⁷ai⁴, a³xo⁴ tsa² c⁷oa⁴xin¹-le⁴: Ti²so⁴tjain⁴, chjoai¹³ na⁴chan³-li⁴, ti⁴to¹mjamin³. ¹⁰ To⁴nca³ coi³ cjoa⁴-vi⁴ jme¹-ni³ nca³ jcha⁴-si¹nio³ nca³ je² ?nti¹-le⁴ cho⁴ta⁴ tjin¹-le⁴ ?nte³ i⁴ son³?nte³-vi⁴ nca³ si¹cha³t²a³ je¹-le⁴ cho⁴ta⁴, c⁷ia⁴ c⁷oa⁴qui³tso²-le⁴ cho⁴ta⁴yo⁴ma⁴-ve⁴: ¹¹ C⁷oa⁴xin¹-le²³ nca³ ji³: Ti²so⁴tjain⁴, chjoai¹³ na⁴chan³-li⁴, t⁷in³ ni³?ya³-li⁴. ¹² C⁷ia⁴ tsa³qui³so¹tjen⁴ cho⁴ta⁴yo⁴ma⁴-ve⁴, qui³scoe¹ nti⁴ton⁴ na⁴chan³-le⁴, ji³tjo³jin³ nqui³xcon⁴ nca³ts?i³ cho⁴ta⁴. Nca³ts?i³ to⁴coan³xcon¹-le⁴. N?ion¹ nc²a³ tsa³c²a³sje³ Ni³na¹, c⁷oa⁴qui³tso²: Ni⁴sa³jnco³-jin² ni⁴chjin³ tsa³?ya³?xi³ c⁷oa⁴ma³.

*Jesús qui³nchja⁴ le⁴ Leví
(Mt. 9:9-13; Lc. 5:27-32)*

¹³ Jesús ji³tjo³-ni³ ni³?ya³. Qui³-nca¹ni³ ja⁴ntai³ nta¹chi³con³. Ya⁴ ja³?ai³con²-le⁴ nca³ts?i³ cho⁴ta⁴. C⁷oa⁴ tsa³ca³co¹ya³-le⁴. ¹⁴ C⁷ia⁴ nca³ Jesús ja³?a³to³, tsa³ve³ Leví, ti³-le⁴ Alfeo, xi³ ti¹jna³ ya⁴ jñña³ nca³ v⁷e¹ñña³ taon⁴va³sen³. C⁷oa⁴qui³tso²-le⁴: Nčhoa¹tjen⁴nqui³-nai¹³. Je² Leví tsa³ca³sen²nto³, c⁷oa⁴ qui³tjen⁴nqui³-le⁴. ¹⁵ C⁷oa⁴ xi³ coan³-ni³ c⁷ia⁴ nca³ Jesús ti¹jna³t²a³ ya¹mi²xa⁴ ya⁴?ni³?ya³-le⁴ Leví, ncjin² cho⁴ta⁴ xi³ v⁷e¹ñña³ taon⁴va³sen³, c⁷oa⁴ ncjin² cho⁴ta⁴ts?en⁴, ya⁴ ñña³tjen⁴ tjiot¹t²a³ ya¹mi²xa⁴ cao⁴ Jesús, c⁷oa⁴ cao⁴ cho⁴ta⁴ xi³ ts?e⁴, nca⁴ li²to⁴ ncjin² cho⁴ta⁴ xi³ ja³?ai³tjen⁴nqui³-le⁴. ¹⁶ C⁷ia⁴ nca³ cho⁴ta⁴ scribano cao⁴ cho⁴ta⁴ fariseos tsa³ve³ nca³ Jesús

ti¹cjen²cao⁴ cho⁴ta⁴ xi³ v⁷e¹ñna³ taon⁴va³sen³ cao⁴ cho⁴ta⁴ts⁷en⁴, c⁷oa⁴qui³tso²-le⁴ cho⁴ta⁴-le⁴: A¹-ni³ nca³ je² cjen²cao⁴-si¹ni³, c⁷oa⁴nca³ je² vi³cao⁴-si¹ni³ cho⁴ta⁴ xi³ v⁷e¹ñna³ taon⁴va³sen³ cao⁴ cho⁴ta⁴ts⁷en⁴. ¹⁷ C⁷ia⁴ nca³ Jesús qui³nch⁷oe¹ je²-vi⁴, qui³tso²-le⁴: Je² cho⁴ta⁴ xi³ nta³, a³li² chji⁴ne⁴xqui³-jin² ma³chjen¹-le⁴, to⁴je² xi³ tjio¹m⁷en³ xi³ ma³chjen¹-le⁴ chji⁴ne⁴xqui³. A³li²coi³ je²e⁴ nca³ an³ nca³ coi³nchja²³-le⁴ cho⁴ta⁴ xi³ tjin¹-le⁴ cjoa⁴qui²xi⁴, to⁴je² cho⁴ta⁴je¹ xi³ coi³nchja²³-le⁴.

Xi³ t'a³ts⁷e⁴ cjoa⁴vi³jna³nchjan³
(Mt. 9:14-17; Lc. 5:33-39)

¹⁸ Cho⁴ta⁴-le⁴ Juan cao⁴ cho⁴ta⁴-le⁴ cho⁴ta⁴ fariseos va³tio²nchjan³. C⁷oa⁴ ja³ai³ xi³ qui³tso²-le⁴ Jesús: A¹-ni³ nca³ va³tio²nchjan³-si¹ni³ cho⁴ta⁴-le⁴ Juan cao⁴ cho⁴ta⁴-le⁴ cho⁴ta⁴ fariseos, c⁷oa⁴ tsi² tsa² va³tio²nchjan³ cho⁴ta⁴ xi³ tsi⁴. ¹⁹ Jesús c⁷oa⁴qui³tso²-le⁴: A³ ma³² nca³ va³tio²nchjan³ mi²yo⁴-le⁴ x⁷in⁴ xi³ ti¹vi³xan³, tjen⁴ nca³ to⁴jo³ ti¹jna³ xi³ x⁷in⁴. Tjen⁴ nca³ ti¹jna³cao⁴ xi³ x⁷in⁴ li²coi³ ma³ va³tio²nchjan³. ²⁰ To⁴nca³ cjoa⁴ai¹ ni⁴čhjin³ c⁷ia⁴ nca³ je² x⁷in⁴ coi⁴tjo³t⁷a³xin²-le⁴. C⁷ia⁴ je² ni⁴čhjin³-ve⁴ coa⁴tio²nchjan³ mi²yo⁴-le⁴. ²¹ Li²ya³ xi³ na³jño³ cho⁴tse⁴ v⁷e¹jcho³ya³-ni³ na³jño³jchi¹nca³. Tsa² tjin¹ xi³ c⁷oa⁴-s²in² s²in¹ je² na³jño³ cho⁴tse⁴ fa³ai³xco¹, c⁷oa⁴ to⁴xi³jnta²-sa³ na³jño³ jchi¹nca³. ²² Li²ya³ xi³ vino cho⁴tse⁴ v⁷e¹ya³ čhjoa⁴ jchi¹nca³. Tsa² tjin¹ xi³ c⁷oa⁴-s²in² s²in¹, va³sen¹jnta³-ni¹ čhjoa⁴-ve⁴, c⁷oa⁴ vi³tjo³xi¹jten³ vino-ve⁴. Ya⁴ si¹cha³ čhjoa⁴-ve⁴. To⁴nca³ vino cho⁴tse⁴ ma³ s²e³ya³ čhjoa⁴ cho⁴tse⁴.

*Ni⁴čhjin³ ni²cja¹ya³ qui³sco³ne² na⁴tin¹-le⁴ trigo
(Mt. 12:1-8; Lc. 6:1-5)*

23 C⁷ia⁴ ni⁴čhjin³ ni²cja¹ya³, Jesús ja³a³ ya⁴ jňa³ nca³ tji¹ntje² trigo. C⁷oa⁴ nca³ tgio¹fi² cho⁴ta⁴-le⁴ tsa³c⁷e¹ts⁷ia⁴cao⁴ nca³ qui³sco³ne² na⁴tin¹-le⁴ trigo. *24 C⁷ia⁴ cho⁴ta⁴ fariseos c⁷oa⁴qui³tso²-le⁴: Ne²-ni³ntai⁴, a¹-ni³ nca³ c⁷oa⁴s⁷in¹-si¹ni³ jnco³ cjoa⁴ xi³ tsi² tjo³nte³ coi³ ni⁴čhjin³-vi⁴ nca³ ni²cja¹ya³.* *25 Jesús qui³tso²-le⁴: A³ tsi² tsa³c⁷e²xquiao⁴ jme³ xi³ qui³s⁷in³ David c⁷ia⁴ nca³ coan³vao³-le⁴ cao⁴ je² xi³ ſa³tjen⁴ tsa³ca³tio², 26 jo³-s⁷in² nca³ ja³a³s⁷en³ David ya⁴ ni³ya³-le⁴ Ni³na¹ c⁷ia⁴ nca³ Abiatar coan³ na⁴mi³ti¹tjon². To⁴je² na⁴mi³-ve⁴ xi³ tjin¹-nte³ nca³ cjen² nio⁴xti²la⁴ xi³ ya⁴ ncha³tsen³ nqui³xcon⁴ Ni³na¹. To⁴nca³ je² David tsa³cjen² nio⁴xti²la⁴-ve⁴, c⁷oa⁴-ti⁴ qui³tsjоa³-le⁴ je² xi³ ſa³tjen⁴ tsa³ca³tio².* *27 Jesús qui³tso²-sa³: Je² ni⁴čhjin³ ni²cja¹ya³ qui³ni²nta³ xi³ t⁷a³ts⁷e⁴ cho⁴ta⁴. A³li² cho⁴ta⁴-jin² xi³ qui³ni²nta³ xi³ t⁷a³ts⁷e⁴ coi³ ni⁴čhjin³-vi⁴.* *28 C⁷oa⁴-s⁷in² nca³ je² nti¹-le⁴ cho⁴ta⁴ Nai³-le⁴ ma³ ni⁴čhjin³ ni²cja¹ya³.*

3

*Je² cho⁴ta⁴ xi³ qui³xi²t⁷a³jnco³ntsja³
(Mt 12:9-14; Lc 6:6-11)*

1 Ja³a³s⁷en³ Jesús nqui²jnco³c⁷a² nt⁷ia³ sinagoga. Ya⁴ ti¹jna³ jnco³ cho⁴ta⁴ xi³ qui³xi²t⁷a³ jnco³ntsja³. *2 Cho⁴ta⁴ tgio¹co²tsen³-le⁴ Jesús, tsa² si⁴nta³ cho⁴ta⁴-ve⁴ coi³ ni⁴čhjin³ ni²cja¹ya³.* *C⁷oa⁴-s⁷in² qui³s⁷in³ cho⁴ta⁴ nca³ me³-le⁴ nca³ coa⁴nqui³ Jesús.* *3 C⁷ia⁴ Jesús c⁷oa⁴qui³tso²-le⁴ je² cho⁴ta⁴-ve⁴ xi³ qui³xi²t⁷a³*

ntsja³: Ti²so⁴tjain⁴, ti⁴sen³nto³ ?ncho²va³sen³-lai⁴. ⁴C'ia⁴ Jesú斯 qui³tso²-le⁴ cho⁴ta⁴ xi³ tgio¹ntai³-le⁴: A³ tjo^{3?}nte³-ni¹ c'ia⁴ nca³ ni⁴chjin³ ni²cja¹ya³ nca³ nta³ s'ian⁴, a³xo⁴ nca³ ch²ao³ s'ian⁴, nca³ ch²a³sje³ntje² jnco³ cho⁴ta⁴, a³xo⁴ nca³ ni²c'en³² cho⁴ta⁴. ⁵Jesú斯 qui³sco²tsen³ntai³-le⁴, coan³jti³-le⁴. Aon³ coan³-le⁴ nca³ xi¹jin³ ni⁴ma⁴-le⁴ cho⁴ta⁴-ve⁴. Qui³tso²-le⁴ cho⁴ta⁴x²in⁴-ve⁴: Tjain³ ntsai⁴. Tsa³cjen¹ ntsja³, ntsja³ xi³ qui³xi²t²a³ coan³nta³. ⁶C'ia⁴ ji³tjo³ cho⁴ta⁴ fariseos, coan³ña³ cao⁴ cho⁴ta⁴ herodianos. Tsa³cjao¹ya³-ni³ jo³-s²in² nca³ coan⁴-ni³ si⁴²c'en³ Jesú斯.

Cho⁴ta⁴ncjin²ya⁴ja⁴ntai³-le⁴nta¹chi³con³

⁷To⁴nca³ Jesú斯 tsa³ca³sen²xin² cao⁴ cho⁴ta⁴-le⁴. Qui³ ya⁴ ja⁴ntai³-le⁴ nta¹chi³con³. Qui³tjen⁴nqui³-le⁴ ncjin² cho⁴ta⁴ xi³ ts²e⁴ Galilea, cao⁴ xi³ ts²e⁴ Judea, ⁸cao⁴ xi³ ts²e⁴ na⁴xi⁴na³nta¹ Jerusalén, cao⁴ xi³ ts²e⁴ na³nqui³ Idumea, cao⁴ xi³ ts²e⁴ na³nqui³ xi³ncoa³t²a³ nta¹je⁴ Jordán, cao⁴ xi³ ts²e⁴ ja⁴ntai³-le⁴ na⁴xi⁴na³nta¹ Tiro cao⁴ na⁴xi⁴na³nta¹ Sidón. C'oa⁴-s²in² coan³-ni³ nca³ ja³?ai³con²-ni³le⁴ cho⁴ta⁴ xi³ qui³nch²oe¹ cjoa⁴ xi³ qui³s²in³ Jesú斯. ⁹Jesú斯 qui³tso²-le⁴ cho⁴ta⁴-le⁴ nca³ ja⁴nta³ ca²ta³jna³ntsjai² xi³ t²a³ts²e⁴ jnco³ chi³tso³ ?nti¹jme¹-ni³ nca³ tsi²tsa² si⁴²c²e¹jna³?ncho²n?ion¹-si¹ni³ cho⁴ta⁴. ¹⁰Nca⁴ Jesúś qui³si³nta³ ncjin² cho⁴ta⁴. Coi³ cjoa⁴ nca³ts²i³ xi³ tgio¹m²en³ qui³si³c²e¹jna³?ncho²n?ion¹ jme¹-ni³ nca³ si⁴²cao⁴-si¹ni³ Jesúś nca³ts²i³. ¹¹C'oa⁴ je² ntjao⁴ xi³ nta³jin³, to⁴C'ia⁴-ni³ nca³ qui³sco²tsen³-le⁴ nca³ je², n?ion¹ qui³nchja⁴: Ji³ ni¹?nti¹-le⁴ Ni³na¹. ¹²To⁴nca³

Jesús cjai¹nca³ n²ion¹ tsa³c⁷e¹ne²-le⁴ nca³ tsi² tsa² coi⁴tso⁴ya³-le⁴ cho⁴ta⁴ ⁷ya³-ni³ve⁴ nca³ je².

*Jesús tsa³cja³a¹jin³ te³jao² cho⁴ta⁴
(Mt 10:1-4; Lc 6:12-16)*

¹³ C⁷ia⁴ Jesús qui³mi³jon³ jnco³ ni³nto³. Qui³nchja⁴ma³ña³-le⁴ cho⁴ta⁴ xi³ je² coan³me³-le⁴ nca³ ja³ai³con³-le⁴. ¹⁴ Tsa³cja³a¹jin³ te³jao² cho⁴ta⁴ xi³ coa⁴ti²cao⁴ nca³ je², xi³ je² sca⁴ni²son² nca³ coi⁴nchja⁴ya³, ¹⁵ c⁷oa⁴ xi³ s⁷e⁴-le⁴ ⁷nte³ nca³ coan⁴-le⁴ si⁴nta³ cho⁴ta⁴ xi³ ch⁷in³ tjin¹-le⁴, c⁷oa⁴ nca³ c⁷oa⁴sje³xin² nai⁴ xi³ nta³jin³ xi³ tjio¹jin³ ni⁴ma⁴-le⁴ cho⁴ta⁴. ¹⁶ Je² xi³ te³jao²-ve⁴ xi³ Jesús tsa³qui³ncha¹: Je² Simón xi³ Pedro qui³tso²-le⁴, ¹⁷ cao⁴ Jacobo xi³ ti³-le⁴ Zebedeo, cao⁴ Juan xi³ nts⁷e⁴ Jacobo. Apellido-le⁴ Boanerges qui³tso²-le⁴, xi³ tso²-ni³ nca³ ⁷nti¹-le⁴ ch⁷aon⁴, ¹⁸ cao⁴ Andrés, cao⁴ Felipe, cao⁴ Bartolomé, cao⁴ Mateo, cao⁴ Tomás, cao⁴ Jacobo xi³ ti³-le⁴ Alfeo, cao⁴ Tadeo, cao⁴ Simón xi³ cho⁴ta⁴ cananita, ¹⁹ cao⁴ Judas Iscariote xi³ tsa³c⁷e¹t⁷ain³ na⁴jmi¹ xi³ t⁷a³ts⁷e⁴ Jesús.

*Tsa² tjin¹ xi³ nchja⁴aon³-le⁴ Espíritu Santo
(Mt 12:22-32; Lc 11:14-23)*

C⁷ia⁴ nca³ je³tsa³cja³a¹jin³ cho⁴ta⁴ xi³ te³jao²-ve⁴, Jesús ja³ai³-nca¹ni³ ni³ya³-le⁴. ²⁰ Coan³xco¹-nca¹ni³ cho⁴ta⁴ncjin², sa³nta³ li²coi³ coan³ tsa³cjen². ²¹ C⁷ia⁴ nca³ qui³nch⁷oe¹ xi¹ncjin¹ Jesús, ji³nčhoa³tsoa³ nca³ qui³tso²: A³li²coi³ nta³ tjin¹con³. ²² Cho⁴ta⁴ scribano xi³ ja³ai³jen³-ni³ na⁴xi⁴na³nta¹ Jerusalén c⁷oa⁴qui³tso² nca³ Beelzebú ti¹jna³jin³ ni⁴ma⁴-le⁴ Jesús. Coi³ nca³ Jesús coan³ tsa³c⁷a³sje³xin²-le⁴ nai⁴ xi³ nta³jin³ xi³

tjio¹jin³ ni⁴ma⁴-le⁴ cho⁴ta⁴ nca³ je² xi³ nca³jco⁴-le⁴ nai⁴² xi³ qui³tsjoa³?nte²-le⁴, tso²-sa³. ²³ Jesús qui³nchja⁴-le⁴ cho⁴ta⁴ scribano, tsa³cja¹cao⁴ jnco³ cjoa⁴xco¹son²: Jo¹-s²in² ma³-le⁴ Satanás nca³ ti⁴je²-ni³v²a³sje³xin²-ni³le⁴je² xi³ti⁴je²-ni³Satanás. ²⁴Tsa² jnco³ cjoa⁴te¹xo³ma³ ma³jao²ya³, tsa² co²ntran⁴ tjio¹-le⁴ xi¹ncjin¹, a³li²coi³ coan⁴ c⁷oe¹jna³-ni³. ²⁵Tsa² jnco³ familia ma³jao²ya³, tsa² co²ntran⁴ tjio¹-le⁴ xi¹ncjin¹, je² familia a³li²coi³ coan⁴ c⁷oe¹jna³-ni³. ²⁶Tsa² Satanás coi⁴so¹tjen⁴ne² yao³-le⁴, tsa² jao² ya³ coan⁴, ni⁴to⁴c⁷ia³-jin² coan⁴ c⁷oe¹jna³-ni³, to⁴sa³ ña³qui³ si¹cha³ yao³-le⁴. ²⁷Ni⁴?ya³-jin² xi³ coan⁴ cjoa⁴?a³s²en³ ni³?ya³-le⁴ cho⁴ta⁴ xi³ tjin¹-le⁴ nca³n²ion¹ nca³ si⁴che¹ tso³jmi²-le⁴, tsa² tsi² ti¹tjon² v²e¹t²a³n²ion¹ je² xi³ tjin¹-le⁴ nca³n²ion¹. To⁴c⁷ia⁴ nca³ coan⁴ si⁴che¹ tso³jmi²-le⁴. ²⁸Xi³ cjoa⁴qui²xi⁴ xi³ xin³-no³ nca³y¹je³ je¹-le⁴ cha⁴t²a³-le⁴ cho⁴ta⁴, c⁷oa⁴-ti⁴ en¹ xi³ nchja⁴?aon³-le⁴ Ni³na¹, to⁴jme³-ni³-ve⁴ en¹ xi³ nchja⁴?aon³, cha⁴t²a³-le⁴. ²⁹To⁴nca³ to⁴?ya³-ni³ve⁴ xi³ nchja⁴?aon³-le⁴ Espíritu Santo, ni⁴to⁴c⁷ia³-jin² cha⁴t²a³-le⁴, to⁴nca³ ti¹jna³-le⁴ cjoa⁴?ñ²ain³ nca³ntsjai². ³⁰Coi³ cjoa⁴ nca³ je² cho⁴ta⁴ scribano c⁷oa⁴qui³tso²-le⁴: Ntjao⁴ xi³ nta³jin³ ti¹jna³jin³ ni⁴ma⁴-le⁴ Jesús.

*Nts²e⁴ cao⁴ na⁴-le⁴ Jesús
(Mt 12:46-50; Lc 8:19-21)*

³¹ C⁷ia⁴ ja³?ai³ nts²e⁴ cao⁴ na⁴-le⁴ Jesús. Tjio¹nti³tsin³. Qui³si³ca³sen¹cjoa⁴-le⁴ Jesús nca³ qui³nchja⁴-le⁴. ³²Ncjин² cho⁴ta⁴ tjio¹ntai³-le⁴ Jesús, qui³tso²-le⁴: Coe⁴-ni³, na⁴-li⁴ cao⁴ nts²?ai³ ja⁴ncha³ ja⁴nti³tsian³². Ji³ xoi¹³, tgio¹va¹sjai³-li². ³³Jesús

qui³nchja⁴cao⁴, qui³tso²-le⁴: ?ya¹-ni³ xi³ na⁴-na⁴, c²oa⁴ ?ya¹-ni³ xi³ nts²e³. ³⁴ Qui³sco²tsen³-le⁴ xi³ tji¹ntai³-le⁴, qui³tso²: Coe⁴-ni³, je²-vi⁴ xi³ na⁴-na⁴, c²oa⁴ xi³ nts²e³. ³⁵ To⁴?ya³-ni³ve⁴ xi³ c²oa⁴-s²in² s²in¹ jo³-s²in² me³-le⁴ Ni³na¹, je²-vi⁴ xi³ ña³qui³ nts²e³, xi³ ti²chja³, c²oa⁴ xi³ na⁴-na⁴.

4

Xi³ t'a³ts²e⁴je² xi³ co³jnti² na⁴xin⁴

(Mt 13:1-23; Lc 8:4-15)

¹ Nqui²jnco³c²a² Jes^ús tsa³c²e¹ts²ia⁴cao⁴ nca³ tsa³ca³co¹ya³ ya⁴ ntai³ nta¹chi³con³. Ncjn² cho⁴ta⁴ coan³xco¹t'a³-le⁴ sa³nta³ Jes^ús ja³a³s²en³ jnco³ chi³tso³ xi³ tsa³c²e²jna³ya³ ja⁴jin³ nta¹chi³con³. Nca³ts²i³ cho⁴ta⁴ tsa³ca³tio² jñna³ nca³ qui³jna³ na³nqui³ ja⁴ntai³ nta¹chi³con³. ² Ncjn² cjoa⁴ tsa³ca³co¹ya³-le⁴ cho⁴ta⁴ Jes^ús. Tsa³ca³co¹ya³-le⁴ cao⁴ cjoa⁴xco¹son². C²oa⁴-s²in² tsa³ca³co¹ya³-le⁴: ³ Ti⁴no¹?yao³: Coe⁴-ni³, jnco³ xi³ co³jnti² na⁴xin⁴ qui³ co³jnti². ⁴ C²oa⁴coan³ c²ia⁴ nca³ ti¹co³jnti², jnco³ c²a³ qui³tsao³ntai³ ntia⁴, c²oa⁴ ni⁴se³ xi³ si¹ma³tjen⁴ jin³sen¹ qui³squi³ne³. ⁵ Xi³ nqui²jnco³ c²a³ qui³tsao³ jñna³ la⁴jao⁴ chon³, jñna³ nca³ to⁴choa³ na³nqui³ chon³. Coan³ntje² nti⁴ton⁴-ni¹ nca³ tsi²coi³ na⁴nca⁴ na³nqui³ xi³ tjin¹-le⁴. ⁶ To⁴nca³ c²ia⁴ nca³ ji³tjo³ ts²oi¹, qui³ti² nca³ tsin²-le⁴ ja⁴ma⁴-jin². ⁷ Tjin¹ c²a³ xi³ qui³tsao³jin³ na³ya¹. Je² na³ya¹ chi³so², tsa³c²e¹chjoa²jin³-le⁴, c²oa⁴ li²jme³ xi³ qui³tsjoa³. ⁸ C²oa⁴ tjin¹ c²a³ xi³ nta³ na³nqui³ qui³tsao³jin³. Cjai¹nca³ nta³ qui³tsjoa³, nta³ coan³nc²a³, n²ion¹ coan³ncjin²ya³. Jnco³ xi³

can³te² c⁷a³ qui³tsjoa³ ntje⁴-le⁴, jnco³ xi³ jan²can³
 c⁷a³ qui³tsjoa³, xi³jnco³ sa³?nta³ jnco³ ciento c⁷a³
 qui³tsjoa³. ⁹ C⁷ia⁴ Jesús qui³tso²-le⁴: Je² xi³ tjin¹
 xo⁴ñ^o³ xi³ nčh⁷oe¹-ni³, nta³ ca²ta³va³sen¹ñ^o³.
¹⁰ C⁷ia⁴ nca³ je³t⁷a³xin² ti¹jna³ Jesús, je² xi³ čhian³
 tgio¹t⁷a³-le⁴ cao⁴ xi³ te³jao²-ve⁴ qui³sco²na³nqui³-le⁴:
 Jo¹ tso²-ni³ je² cjoa⁴-vi⁴. ¹¹ Jesús c⁷oa⁴qui³tso²-
 le⁴: Nca³ jon² qui³ts⁷ai²-no³ nca³ jchao⁴ je²
 cjoa⁴ma³-le⁴ cjoa⁴te¹xo³ma³-le⁴ Ni³na¹, to⁴nca³
 je² xi³ tsi²coi³ tgio¹cao⁴-na³, c⁷oa⁴xin¹-le⁴ nca³yi³je³
 cjoa⁴ cao⁴ en¹ xi³ to⁴cjoa⁴xco¹son², ¹² jme¹-ni³
 nca³ li²coi³ scoe⁴-si¹ni³, nta³ tsa² nta³ sco¹tsen³,
 c⁷oa⁴ jme¹-ni³ nca³ li²coi³ coan⁴cho⁴ya³-si¹ni³le⁴
 nta³ tsa² nta³ cjo⁴nčh⁷oe¹, c⁷oa⁴ jme¹-ni³ nca³
 tsi² si⁴2c⁷o¹fa³ya³t⁷a³-si¹ni³le⁴ yao³-le⁴, nca³ tsi² tsa²
 coi³ cha⁴t⁷a³-si¹ni³le⁴ je¹-le⁴. ¹³ Jesús qui³tso²-le⁴:
 A³ tsi² tsa² ma³cho⁴ya³-no³ je² cjoa⁴xco¹son²-vi⁴.
 Jo¹-s²in² coan⁴cho⁴ya³-no³ tso²c⁷oa⁴, nca³yi³je³
 cjoa⁴xco¹son². ¹⁴ Je² xi³ co³jnti² na⁴xin⁴, je² ni¹
 xi³ v⁷e¹ntje² en¹nta³-le⁴ Ni³na¹. ¹⁵ Je² xi³ qui³tsao³
 ya⁴ ntia⁴, c⁷oa⁴cjoan³ cho⁴ta⁴ xi³ nčh⁷oe¹ je²
 en¹nta³-vi⁴, to⁴nca³ nca³ nčh⁷oe¹-le⁴, c⁷oa⁴ ja⁴cjoan²
 nčhoa¹ Satanás, fa³?a¹xin² en¹nta³ xi³ tji¹ntje²jin³
 ni⁴ma⁴-le⁴. ¹⁶ C⁷oa⁴ti⁴s²in²ni³ je² xi³ qui³s⁷e³ntje²jin³
 jňa³ nca³ la⁴jao⁴ chon³. C⁷oa⁴cjoan³ cho⁴ta⁴ xi³
 tjin¹-le⁴ cjoa⁴tsjoa³ nca³ cjo¹ nti⁴ton⁴ je² en¹ xi³
 nčh⁷oe¹. ¹⁷ To⁴nca³ tsin²-le⁴ ja⁴ma⁴-jin². To⁴xqui⁴
 ni⁴čhjin³ ma³tse³-le⁴. C⁷ia⁴ nca³ fa³?ai³ cjoa⁴si³,
 a³xo⁴ c⁷ia⁴ nca³ fa³?a¹ cjoa⁴ñ⁷ain³ xi³ t⁷a³ts⁷e⁴
 en¹nta³-vi⁴, nti⁴ton⁴ tsjion¹ ntia⁴2-le⁴ Ni³na¹. ¹⁸ Je²
 xi³ qui³s⁷e³ntje² jin³ na³?ya¹, c⁷oa⁴cjoan³ cho⁴ta⁴

xi³ qui³nch⁷oe¹ en¹nta³, 19 to⁴nca³ je² cjoa⁴va³ xi³ ts²e⁴ coi³ ni⁴čhjin³-vi⁴, cao⁴ cjoa⁴ch⁷a¹na⁴cha⁴ xi³ ts²e⁴ cjoa⁴nchi⁴na¹, cao⁴ cjoa⁴xi²ta³con², nca³yi³je³ coi³ cjoa⁴-vi⁴ nca³ fa³a³s²en³jin³-le⁴ v⁷e¹chjoa²-le⁴ en¹nta³-vi⁴, li²jme³ xi³ tsjoa¹. 20 Je²-vi⁴ xi³ qui³s²e³ntje² jñia³ nca³ nta³ na³nqui³, c⁷oa⁴cjoan³ cho⁴ta⁴ xi³ nch⁷oe¹ en¹nta³, cjoe¹ya³-ni¹, c⁷oa⁴ si¹-ncjin²ya³-ni³, jnco³ sa³?nta³ can³te² c⁷a³, xi³jnco³ sa³?nta³ jan²can³ c⁷a³, xi³ nqui²jnco³ sa³?nta³ jnco³ ciento c⁷a³ tsjoa¹.

*Je² l⁷i¹ xi³ s²e³jna³nqui³ ca²xa⁴choa⁴
(Lc 8:16-18)*

21 Jesúz qui³tso²-sa³le⁴: A³ fa³?ai³cao⁴ ca³nti² cho⁴ta⁴ jme¹-ni³ nca³ v⁷e¹jna³nqui³-si¹ni³ ca²xa⁴choa⁴, a³xo⁴ nqui³na⁴chan³. A³ tsi² tsa² v⁷e¹jna³nc⁷a³. 22 Li²jme³ xi³ tjin¹ xi³ tji¹?ma³ xi³ tsi² s²e⁴son²tsen³, ni⁴cjoa⁴che¹-jin² xi³ tsi² jcha⁴-le⁴. 23 Tsa² ?ya³ xi³ tjin¹ xo⁴ñno³ xi³ nch⁷oe¹-ni³, nta³ ca²ta³-va³sen¹ñno³. 24 Jesúz qui³tso²-sa³le⁴ cho⁴ta⁴-ve⁴: Ti⁴coi²ntao⁴ jo³-s²in² no²yao²³: Je² xi³ ti⁴coi³-ni³ choa⁴ xi³ v⁷e²choao⁴3, s²e⁴cho⁴ya³-ni³no³, c⁷oa⁴ nqui²sa⁴ tse³ s²e⁴-no³ nca³ jon². 25 Je² xi³ tjin¹-le⁴, c⁷oai⁴-sa³le⁴, c⁷oa⁴ je² xi³ li²jme³ xi³ tjin¹-le⁴, tjo¹xin²-le⁴ sa³?nta³ je² xi³ tjin¹-le⁴.

Xi³ t⁷a³ts²e⁴ nca³ ma³jcha¹ ni⁴jin⁴

26 Jesúz c⁷oa⁴qui³tso²: C⁷oa⁴-s²in² ma³nco¹son² je² cjoa⁴te¹xo³ma³-le⁴ Ni³na¹, jo³-ni³ tsa² jnco³ cho⁴ta⁴ xi³ v⁷e¹tsao³ na⁴xin⁴-le⁴ tso³jmi²ntje² ja⁴jin³ na³nqui³. 27 Va³jna³fe² nca³ ni⁴tjen⁴, vi³so¹tjen⁴ nca³ ni⁴čhjin³. Je² na⁴xin⁴ ma³ntje², ma³jcha¹, to⁴nca³

li²coi³ ve³ cho⁴ta⁴-ve⁴ jo³-s²in² ma³-ni³. ²⁸ To⁴ya⁴ ma³ntje² jin³na³nqui³ nca³ to⁴je². Ti¹tjon² vi³tjo³ je⁴e⁴, c²ia⁴ ma³ ncho⁴tin⁴, ja⁴scan³ ma³ ni⁴jin⁴. ²⁹ C²ia⁴ nca³ je³coan³jcha¹ ni⁴jin⁴, nti⁴ton⁴ vi³cha²-ni³ qui⁴cha⁴, nca³ je³ji³cho² ni⁴čhjin³-le⁴ nca³ s²e⁴xco¹.

*Xi³ t²a³ts²e⁴ na⁴xin⁴-le⁴ mostaza
(Mt 13:31-32; Lc 13:18-19)*

³⁰ Jesúz qui³tso²: Jme¹ xi³ nco¹son² coan⁴-na¹ je² cjoa⁴te¹xo³ma³-le⁴ Ni³na¹, a³xo⁴ jme¹ en¹ xi³ coi⁴no²cjoa⁴ xi³ ma³nco¹son². ³¹ Je² ma³nco¹son² jo³-ni³ jnco³ na⁴xin⁴-le⁴ mostaza. C²ia⁴ nca³ s²e³ntje² jin³na³nqui³, je²-sa³ xi³ nqui²sa⁴ nti¹ cji³ cao⁴-ni³ tsa² nca³yi³je³ na⁴xin⁴ xi³ tjin¹ son³nte³-vi⁴. ³² To⁴nca³ c²ia⁴ nca³ fe³ s²e³ntje², ma³jcha¹, nqui²sa⁴-sa³ ma³nc²a³ cao⁴-ni³ tsa² nca³yi³je³ tso³jmi²ntje². Cjai¹nca³ to⁴te³jnca² ma³, sa³nta³ ma³ fa³yo²t²ain²a³ ni⁴se³ xi³ fi²tjen⁴ jin³sen¹. ³³ Cao⁴ ncjin² en¹ xi³ cjoa⁴xco¹son² xi³ c²oa⁴2tjin¹, Jesúz qui³tso²ya³-le⁴ en¹nta³, jo³ tjin¹ xi³ ji³cho¹cjoa⁴-le⁴ nca³ qui³nčh²oe¹. ³⁴ To⁴cao⁴ en¹ xi³ cjoa⁴xco¹son² tsa³cja²cao⁴, to⁴nca³ c²ia⁴ nca³ ti¹jna³cao⁴ t²a³xin² cho⁴ta⁴-le⁴, qui³tso²ya³nta³-le⁴ nca³yi³je³.

*Jesúz tsa³c²e¹chjoa²-le⁴ ntjao⁴
(Mt 8:23-27; Lc 8:22-25)*

³⁵ Ti⁴coi³-ni³ ni⁴čhjin³-ve⁴ nca³ coan³xon², c²oa⁴qui³tso²-le⁴: Coi⁴tja¹ xi³ncoa³t²a³ nta¹chi³con³. ³⁶ Cho⁴ta⁴-le⁴ qui³si³ca³tio¹tjen⁴nqui³ nca³ts²i³ jo³ tjin¹ ma³-ni³ cho⁴ta⁴ncjin². Qui³cao⁴ Jesúz jo³-s²in² nca³ ti¹jna³ya³ ja⁴ya³ chi³tso³. C²oa⁴ti⁴ tjin¹-sa³ chi³tso³ nti¹ xi³ qui³tse³ntai³-le⁴. ³⁷ A³li² to⁴jo³ xi³ coan³ ntjao⁴xcon¹. Tsa³qui³ncha¹ na³nta¹ ja⁴ya³

chi³tso³, jo³ me³qui³tse³ntjai² na³nta¹ chi³tso³-ve⁴. ³⁸ Jesús qui³jna³fe² ya⁴ to²ts⁷in³-le⁴ chi³tso³. Qui³jna³fe² tjin¹nqui³jco³ jnco³ na³jñō³fa³nqui³jco³. Qui³si³cja³a¹-le⁴ qui³tso²-le⁴: Maestro, a³ tsi² jo³coan⁴-li² tsa² ti³ncha³m⁷ain³-jin⁴. ³⁹ Tsa³qui³so¹tjen⁴ Jesús, tsa³c⁷e¹chjoa²-le⁴ ntjao⁴-ve⁴, qui³tso²-le⁴ nta¹chi³con³: Jyo¹ ti⁴jnai³. Qui³s⁷e³jyo¹ nti⁴ton⁴ ntjao⁴-ve⁴. Coan³nta³chon³-ni³. ⁴⁰ Jesús qui³tso²-le⁴: A¹-ni³ nca³ c⁷oa⁴-s⁷in² jcon³-si¹nio³. A¹-ni³ nca³ tsi² tsa² ma³cjain¹-si¹ni³no³. ⁴¹ Cho⁴ta⁴-le⁴ cjai¹nca³ qui³tsa³cjon¹, qui³tso²-le⁴ xi¹ncjin¹: ?ya¹-ni³ve⁴ je²-vi⁴, nca³ sa³nta³ ntjao⁴-vi⁴ cao⁴ nta¹chi³con³-vi⁴ si¹tjo³son²-le⁴.

5

*Coan³nta³cho⁴ta⁴xi³nai⁴xi³nta³jin³tjin¹-le⁴
(Mt. 8:28-34; Lc. 8:26-39)*

¹ Jesús cao⁴ cho⁴ta⁴-le⁴ ji³cho² xi³ncoa³-ni³le⁴ nta¹chi³con³ ya⁴ na³nqui³-le⁴ cho⁴ta⁴ gadarenos. ² C⁷ia⁴ nca³ Jesús ji³tjo³ chi³tso³, ji³tjo³con³ nti⁴ton⁴-le⁴ jnco³ cho⁴ta⁴ xi³ ja⁴jin³ tsjo¹ ti¹jna³, xi³ cjai¹nca³ tjin¹-le⁴ ntjao⁴ xi³ nta³jin³. ³ Jnco³ c⁷a² ya⁴ ti¹jna³ntsjai² ja⁴jin³ tsjo¹-ve⁴. Ni⁴?ya³-jin² xi³ coan⁴-le⁴ c⁷oe⁴ta³n?ion¹ nca³ je², nta³ tsa² cao⁴ cadena. ⁴ Ncjин² c⁷a³ tsa³c⁷e¹n?ion¹-ni³ cadena ntso⁴co⁴ cao⁴ ntsja³, to⁴nca³ tsa³ca³te³jtsos² cadena. Ni⁴?ya³-jin² xi³ coan³-le⁴ qui³si³nt⁷e¹. ⁵ Nca³ntsjai² ni⁴čhjin³, nca³ntsjai² ni⁴tjen⁴, tso²?va³ ti¹cji³ntia¹ nqui³jñā¹ cao⁴ ya⁴jin³ tsjo¹-ve⁴. Si¹qui³aon³ yao³-le⁴ cao⁴ la⁴jao⁴. ⁶ C⁷ia⁴ nca³ tsa³ve³ Jesús nca³ cjin³, je² cho⁴ta⁴-ve⁴ qui³to²ca³,

tsa³ca³sen²xco¹nch⁷in³t⁷a³-le⁴, c⁷oa⁴ tsa³ve³xcon¹
 Jesús. ⁷N⁷ion¹ qui³nchja⁴, qui³tso²: Jme¹ xi³ tjin¹-
 na¹ xi³ cao⁴ ji³, ji³ xi³ nti¹-le⁴ Ni³na¹ xi³ n⁷ion¹
 nc⁷a³ ti¹jna³. V⁷e³ts⁷oa³-le²³ nqui³xcon⁴ Ni³na¹
 nca³ tsi² cjoa⁴ñ⁷ain³ si⁴cja³a¹-nai¹³. ⁸Nca⁴ Jesús
 qui³tso²-le⁴: Ti²tjo⁴jin³-lai⁴ je² cho⁴ta⁴-vi⁴, ntjao⁴
 xi³ nta³jin³. ⁹Jesús qui³sco²na³nqui³-le⁴: Jo¹ ⁷mi²-
 li². Je² qui³tso²: Legión ⁷mi²-na³, coi³ nca³ ncjin²
 ma³-ni³jin⁴. ¹⁰C⁷oa⁴ cjai¹nca³ tsa³c⁷e¹ts⁷oa³-le⁴ Jesús
 nca³ tsi² t⁷a³xin² ⁷nte³ sca⁴ni². ¹¹Ncjin² chi⁴nca⁴
 xi³ tjo¹ma³cjen² ya⁴ tjo¹xco¹-le⁴ čhian³-le⁴ ni³nto³-
 ve⁴. ¹²Nca³ts⁷i³ nai⁴ xi³ nta³jin³ tsa³c⁷e¹ts⁷oa³-le⁴
 Jesús, qui³tso²-le⁴: Ya⁴ ti⁴cja³a³s⁷en³jin³-na³jin⁴
 chi⁴nca⁴-ve⁴, jme¹-ni³ nca³ ya⁴ coi⁴tja¹s⁷en³jin³-
 si¹ni³lai⁴jin⁴. ¹³Jesús qui³tsjoa³⁷nte³ nti⁴ton⁴-le⁴.
 Ji³tjo³ je² nai⁴ xi³ nta³jin³, ya⁴ ja³a³s⁷en³-le⁴
 chi⁴nca⁴-ve⁴. Ña³jtin¹ chi⁴nca⁴-ve⁴ tsa³nca³jen³nqui³
 na⁴xi⁴-ve⁴, qui³tsao³jin³ nta¹chi³con³. Jao² jmi³-la⁴
 ma³-ni³ chi⁴nca⁴-ve⁴ xi³ ya⁴ c⁷en³jin³ nta¹chi³con³.
¹⁴Tsa³nca³ cho⁴ta⁴ xi³ tjo¹ma³ co³nta³ chi⁴nca⁴-
 ve⁴. Tsa³c⁷e¹ na⁴jmi¹ ya⁴ na⁴xi⁴na³nta¹ cao⁴ ya⁴
 nqui³chao³. Cho⁴ta⁴ ji³tjo³ co³tsen³-le⁴ cjoa⁴ xi³
 coan³. ¹⁵Cho⁴ta⁴ ja³a³con³-le⁴ Jesús. Tsa³ve³ je²
 xi³ qui³s⁷e³-le⁴ nai⁴ xi³ nta³jin³. To⁴nca³ nt⁷ai⁴
 ti¹jna³, y⁷a³cja¹ na³jño³-le⁴, nta³ tjin¹con³. Cho⁴ta⁴
 qui³tsa³cjon¹. ¹⁶Je² xi³ tsa³ve³ tsa³c⁷e¹-le⁴ na⁴jmi¹
 cho⁴ta⁴ jo³ coan³-le⁴ je² xi³ tjin¹-le⁴ nai⁴ xi³ nta³jin³,
 c⁷oa⁴ jo³ coan³-le⁴ chi⁴nca⁴-ve⁴. ¹⁷Cho⁴ta⁴ na³nqui³-
 ve⁴ tsa³c⁷e¹ts⁷oa³-le⁴ Jesús nca³ ca²ta³fi² cjin³-le⁴.
¹⁸Jesús ja³a³s⁷en³ ya⁴ chi³tso³. Je² xi³ nai⁴ xi³
 nta³jin³ qui³si³jt³-le⁴ tsa³c⁷e¹ts⁷oa³-le⁴ Jesús nca³

ca²ta³v²e²jna³t²a³ntsjai²-le⁴. **19** To⁴nca³ Jesús li²coi³ qui³tsjoa³nte²-le⁴, qui³tso²-le⁴: T²in³ ni³?ya³-li⁴, t²in³chon³-lai⁴ xi²nqui⁴, t²e²-lai⁴ na⁴jmi¹ jo³ nca³ tjin¹ cjoa⁴nta³ xi³ ca²s²in¹ xi³ t²a³tsi⁴ je² Nai³-na¹, jo³-s²in² nca³ ca²ma³ma⁴que³-li². **20** Qui³ cho⁴ta⁴-ve⁴, tsa³c²e¹ts²ia⁴cao⁴ nca³ qui³si³nca³son² en¹ ya⁴ ?nte³ Decápolis, jo³ nca³ tjin¹ cjoa⁴xcon¹ xi³ qui³s²in³ Jesús xi³ t²a³ts²e⁴. Nca³ts²i³ cho⁴ta⁴ jo³ coan³xcon¹-le⁴.

Jairo tsa³c²e¹ts²oa³ xi³ t²a³ts²e⁴ tso²ti³-le⁴
(Mt. 9:18-26; Lc. 8:40-56)

21 Ji³nčhoa³ nqui²jnco³c²a²-ni³ Jesús ya⁴ chi³tso³ xi³ncoa³-ni³ nta¹chi³con³. A³li² to⁴ncjin² cho⁴ta⁴ xi³ coan³xco¹t²a³-le⁴. Ya⁴ ntai³ nta¹chi³con³ ti¹jna³. **22** Ja³?ai³nčh?oe² Jesús jnco³ cho⁴ta⁴ti¹tjon² xi³ ts²e⁴ nt²ia³ sinagoga. Jairo ?mi². C²ia⁴ nca³ tsa³ve³ Jesús, tsa³ca³sen²xco¹nch?in³t²a³ ntso⁴co⁴ Jesús. **23** Cjai¹nca³ tsa³c²e¹ts²oa³-le⁴, qui³tso²-le⁴ Jesús: ?nti¹ tso²ti³-na⁴ je³me³m²en³. Nčhoai¹³ tja³son²-lai⁴ ntsai⁴, jme¹-ni³ nca³ coan⁴nta³-si¹ni³, nca³ c²oe⁴ jna³con³-si¹ni³. **24** Jesús qui³cao⁴ nca³ je². A³li² to⁴ncjin² cho⁴ta⁴ xi³ qui³tjen⁴nqui³-le⁴, jo³ nca³ tsa³c²e²jna³ncho²n?ion¹-le⁴ Jesús cho⁴ta⁴ncjin². **25** Je³coan³ te³jao² no¹ nca³ ti¹vi³tjo³ njin¹-le⁴ jnco³ chjon⁴². **26** A³li² to⁴c²oa⁴cji³ cjoa⁴ñ?ain³ xi³ je³tsa³cja³a¹ xi³ t²a³ts²e⁴ ncjin² chji⁴ne⁴xqui³. Je³qui³si³cje³ nca³yi³je³ taon⁴-le⁴. Ni¹jme³jin² xi³ tsa³ca³sen²cao⁴, to⁴sa³ nqui²sa⁴ tao¹ coan³. **27** C²ia⁴ nca³ qui³nčh?oe² xi³ t²a³ts²e⁴ Jesús, qui³jin³-le⁴ nca³ts²i³ cho⁴ta⁴, ja³?ai³ca³sen²čhian³ ja⁴jton⁴

ya¹ts²in⁴ Jesús. Qui³si³cao⁴ na³jño³-le⁴. ²⁸ Chjon⁴²-ve⁴ c²oa⁴qui³tso²: Tsa² to⁴je² cjoan² na³jño³-le⁴ si³coa⁴, coan⁴nta³-nia¹³. ²⁹ Nti⁴ton⁴ qui³sa³te³chjoa²-le⁴ njin¹-le⁴. Chjon⁴²-ve⁴ ña³qui³ tsen³ coan³-le⁴ yao³-le⁴ nca³ coan³nta³-ni³ ch⁷in³-le⁴. ³⁰ Nti⁴ton⁴ Jesús tsa³ve³ yao³-le⁴ nca³ ji³tjo³-le⁴ xi³ nca³n⁷ion¹-le⁴, qui³si³c²o¹fa³ya³, qui³sco²tsen³-le⁴ cho⁴ta⁴ncjin² xi³ tjen⁴cao⁴, c²oa⁴qui³tso²: ³¹ ya¹-ni³ xi³ ca²si¹cao⁴ na³jño³-na⁴. Cho⁴ta⁴-le⁴ c²oa⁴qui³tso²-le⁴: Ji³ ³²yai³ nca³ c²oa⁴-s²in² cho⁴ta⁴ncjin² v⁷e¹jna³ncho²n⁷ion¹-li². A¹-ni³ c²oa⁴si³-si¹ni³, ³³ ya¹-ni³ xi³ ca²si¹cao⁴-na³. Jesú³²s qui³sco²tsen³ntai³-le⁴ nca³ scoe⁴ ³⁴ya³-ve⁴ xi³ c²oa⁴qui³si³cao⁴. C⁷ia⁴ chjon⁴²-ve⁴, qui³tsa³cjon¹, jo³ ja³tse³, nca³ ve³ jo³ coan³-ni³ ch⁷in³-le⁴. Ji³n⁷choa³n⁷ch²oe², tsa³ca³sen²xco¹nch⁷in³t⁷a³-le⁴ Jesú³s, c²oa⁴qui³tso²-le⁴ nca³yi³je³ xi³ cjoa⁴qui²xi⁴. ³⁵ To⁴jo³ ti¹nchja⁴-sa³ Jesú³s nca³ ja³ai³-ni³ cho⁴ta⁴ xi³ ts⁷e⁴ ni³ya³-le⁴ cho⁴ta⁴ti¹tjon²-le⁴ nt⁷ia³ sinagoga, c²oa⁴qui³tso²: Je² tso²ti³-li⁴ je³c²en³. A¹-ni³ nca³ to⁴jo³ ni²si³-si¹ni³lai⁴ Maestro. C⁷ia⁴ Jesú³s, nca³ qui³n⁷ch²oe¹ je² cjoa⁴qui²xi⁴ xi³ ja³ai³-le⁴, qui³tso²-le⁴ cho⁴ta⁴ti¹tjon²-ve⁴: A³li² jcon³-jin²³, to⁴ca²ta³ma³cjain¹-li². ³⁷ To⁴je² Pedro, cao⁴ Jacobo, cao⁴ Juan nts²e⁴ Jacobo xi³ Jesú³s qui³tsjoa³nte²-le⁴ nca³ ji³n⁷choa³tjen⁴nqui³-le⁴, ni⁴ya³-jin²sa³ xi³ cja⁴ai¹. ³⁸ Ja³ai³ ni³ya³-le⁴ cho⁴ta⁴ti¹tjon²-ve⁴, c⁷ia⁴ tsa³ve³ nca³ li² to⁴jo³ xi³ cji³ma³. Cjai¹nca³ tjio¹v⁷e¹jta³, tjio¹cji³ntia¹. ³⁹ Jesú³s ja³a³s⁷en³

c⁷oa⁴qui³tso²-le⁴: A¹-ni³ nca³ c⁷oa⁴-s⁷in² si³
 n⁷ian²-si¹nio³, c⁷oa⁴ ti³chi³ntao¹³. ⁷nti¹ tso²ti³-
 ve⁴ a³li² ca²m⁷en³jin², to⁴qui³jna³fe²-ni¹. ⁴⁰ Jo¹
 to⁴tsa³qui³jno²que³ Jesús cho⁴ta⁴. To⁴nca³ c⁷ia⁴
 nca³ je³tsa³c⁷a³sje³ nti³tsian³² nca³ts⁷i³ cho⁴ta⁴-ve⁴,
 qui³scoe¹ n⁷ai³-le⁴ na⁴-le⁴ ⁷nti¹ tso²ti³-ve⁴ cao⁴ je²
 xi³ tjio¹cao⁴ nca³ je², ja³a³s⁷en³ jña³ nca³ ti¹jna³
⁷nti¹ tso²ti³-ve⁴. ⁴¹ Qui³scoe¹ ntsja³ ⁷nti¹ tso²ti³-ve⁴,
 qui³tso²-le⁴: Talita cumi xi³ tso²-ni³: Tso²ti³, ji³ xi³
 xin³-le²³, ti⁴so²tjain⁴-ntai⁴. ⁴² ⁷nti¹ tso²ti³ ji³so¹tjen⁴
 nti⁴ton⁴. Tsa³c⁷a³mjen³, nca³ te³jao² no¹ tjin¹-le⁴.
 Cho⁴ta⁴ to⁴coan³xcon¹-le⁴. ⁴³ To⁴nca³ Jesús cja¹nca³
 n⁷ion¹ tsa³c⁷e¹ne²-le⁴ nca³ ni⁴?ya³-jin² xi³ scoe⁴ je²-
 vi⁴. Qui³tso²-le⁴ nca³ ca²ta³tsjoa¹-le⁴ xi³ squi⁴ne⁴
 tso²ti³-ve⁴.

6

Taon³tsa³ve³Jesús ya⁴Nazaret

(Mt. 13:53-58; Lc. 4:16-30)

¹ Jesús ji³tjo³-ni³ ya⁴-ve⁴. Ja³?ai³-ni³ na³nqui³-
 le⁴. Cho⁴ta⁴-le⁴ tjen⁴nqui³tsao³-le⁴. ² Ji³cho²ca³
 ni⁴čhjin³ ni²cja¹ya³, Jesús tsa³c⁷e¹ts⁷ia⁴cao⁴ nca³
 tsa³ca³co¹ya³ ya⁴ nt⁷ia³ sinagoga. Ncjn² cho⁴ta⁴
 nca³ qui³nčh⁷oe¹-le⁴, jo³ to⁴coan³xcon¹-le⁴,
 qui³tso²: Jña¹-ni³ nca³ tjin¹-le⁴ coi³ cjoa⁴-vi⁴. Jme¹
 cjoa⁴chji⁴ne⁴ xi³ tsa³c⁷ai²-le⁴ nca³ to⁴cao⁴ ntsja³
 s⁷in¹ cjoa⁴xcon¹ xi³ c⁷oa⁴chon³. ³ A³ tsi² tsa² je²-
 vi⁴ xi³ chji⁴ne⁴ya¹, xi³ ⁷nti¹-le⁴ María, xi³ nts⁷e⁴
 Jacobo, cao⁴ José, cao⁴ Judas, cao⁴ Simón. A³ tsi²
 tsa² c⁷oa⁴-ti⁴ i⁴ tjio¹cao⁴-na¹vi⁴ je² nti³chja³. To⁴
 jti³ coan³-le⁴ cho⁴ta⁴ xi³ t⁷a³ts⁷e⁴ Jesús. ⁴ To⁴nca³

Jesús c²oa⁴qui³tso²-le⁴: Nca³ts²i³ xi³ nchja⁴ya³
 t²a³ts²e⁴ Ni³na¹ tjin¹-le⁴ xi³ ve³xcon¹ nca³ je².
 To⁴ya⁴ na³nqui³-le⁴ jñia³ nchja⁴-ni³, c²oa⁴ ya⁴ jin³-
 le⁴ xi¹ncjin¹, c²oa⁴ ya⁴ ni³ya³-le⁴ li²coi³ ya³xcon¹.
 5 Ni⁴jme³-jin² cjoa⁴xcon¹ coan³-le⁴ Jesús ya⁴-ve⁴.
 To⁴choa³ cho⁴ta⁴ xi³ tjio¹m²en³, xi³ je² qui³si³nta³
 nca³ tsa³ca¹yo³son²-le⁴ ntsja³. 6 Jo¹to⁴coan³xcon¹-le⁴
 Jesús nca³ tsi² coan³cjain¹-le⁴ cho⁴ta⁴. Tsa³c²a³mjen³
 ya⁴ nqui³chao³-ve⁴ xi³ tgio¹ntai³-le⁴, tsa³ca³co¹ya³-le⁴.

Je² xa¹-le⁴ cho⁴ta⁴ xi³ te³jao²-ve⁴
(Mt. 10:5-15; Lc. 9:1-6)

7 Qui³nchja⁴-le⁴ xi³ te³jao² cho⁴ta⁴-le⁴ve⁴.
 Jao²jao² qui³si³ca³sen¹. Qui³tsjoa³-le⁴ nte³ nca³
 coa⁴te²xo³ma³-le⁴ ntjao⁴ xi³ nta³jin³. 8 Jesús
 tsa³ca³te¹xo³ma³-le⁴ nca³ tsi²jme³ xi³ c²oa⁴ nca³
 coai⁴ ya⁴ ntia⁴, ni⁴na⁴ya³-jin², ni⁴nio⁴xti²la⁴-jin²,
 to⁴je² ya¹ni³se³-le⁴ xi³ c²oa⁴, ni⁴taon⁴-jin² coi⁴ncha³
 xi³jtsa³-le⁴. 9 To⁴nca³ čhjoa⁴jte¹ ca²ta³va¹ya³, to⁴jnco³
 chi⁴nca³ ca²ta³v²a³cja¹, a³li² jao²-jin². 10 Jesús
 c²oa⁴qui³tso²-le⁴: To⁴jñia³-ni³ nca³ coi⁴tja¹s²aon³
 jnco³ ni³ya³, to⁴jnco³ c²a² ti⁴yo³ jo³ sa³nta³ nca³
 coi²tjo⁴nio³ ya⁴ nte³-ve⁴. 11 Je² nca³ts²i³ xi³ tsi²
 tsjoa¹-no³ nte³, c²oa⁴ xi³ tsi² nch²oe¹-no³, c²ia⁴
 nca³ coi²tjo⁴-nio³ ya⁴ nte³-ve⁴, t²e²tsao³jnao³ chao³-
 le⁴ ntso⁴co³, nca³ c²oa⁴-s²in² c²oai⁴-lao⁴ en¹ nca³
 tsi² nta³ cjoan³ ni⁴ma⁴-le⁴. Xi³ cjoa⁴qui²xi⁴ xi³
 xin³-no³ nca³ c²ia⁴ ni⁴čhjin³ nca³ tsjoa¹ cjoa⁴ñ²ain³
 nqui²sa⁴ts³cjoa⁴ñ²ain³ cjoa⁴a³ coi³ na⁴xi⁴na³nta¹-
 ve⁴ cao⁴-ni³ tsa² ts²e⁴ na⁴xi⁴na³nta¹ Sodoma a³xo⁴
 xi³ ts²e⁴ na⁴xi⁴na³nta¹ Gomorra. 12 Cho⁴ta⁴-le⁴
 ji³tjo³, qui³nchja⁴ya³ nca³ ca²ta³si¹c²a³ntjai²ya³

cho⁴ta⁴ cjoa⁴fa³ai³tsjen³-le⁴. **13** Ncjin² nai⁴² xi³ nta³jin³ tsa³c²a³sje³xin². Si²ti⁴ qui³tso²jon³ ncjin² xi³ tjio¹m⁷en³, coan³nta³-ni¹.

*Qui³ni²c²en³Juan Bautista
(Mt. 14:1-12; Lc. 9:7-9)*

14 Je² cho⁴ta⁴ti¹tjon² xi³ Herodes ?mi² qui³nch⁷oe¹ xi³ t²a³ts⁷e⁴ Jesús, nca³ nca³qui³jnta² qui³no²ya²-le⁴ jan³ain¹-le⁴ Jesús. C²oa⁴qui³tso² Herodes: Je² Juan xi³ tsa³ca³te¹nta¹, ja³a³ya²jin³-ni³le⁴ c²en³, coi³ nca³ c²oa⁴-s²in² tjin¹ cjoa⁴xcon¹ xi³ ma³-le⁴. **15** C²oa⁴ cho⁴ta⁴ xi³c²a³ qui³tso²: Je² Elías. Xi³c²a³-nca¹ni³ qui³tso²: Jnco³ xi³ nchja⁴ya³ t²a³ts⁷e⁴ Ni³na¹ jo³-ni³ tsa² xi³ qui³nchja⁴ya³ nca³s²a⁴. **16** C²ia⁴ nca³ Herodes qui³nch⁷oe¹ je²-vi⁴, qui³tso²: Je²-vi⁴ je² Juan xi³ an³ tsa³ca³te³sian³. Ja³a³ya²jin³-ni³le⁴ c²en³. **17** Nca⁴ ti⁴je²-ni³ Herodes xi³ qui³si³ca³sen¹ cho⁴ta⁴ xi³ qui³tsoa³ Juan, xi³ qui³sca³ni¹ nto⁴ya¹ Juan to⁴t²a³ts⁷e⁴ Herodías. Je² xi³ chjon⁴²-le⁴ nts⁷e⁴ xi³ Felipe ?mi². Herodes chi³xan³cao⁴ je² chjon⁴²-le⁴ nts⁷e⁴. **18** Juan c²oa⁴qui³tso²-le⁴ Herodes: Ni⁴to⁴i⁴tse¹-jin² tjo¹nte³-li² nca³ ji³ coi⁴jna³coai⁴ chjon⁴²-le⁴ nts⁷ai³. **19** C²oa⁴ Herodías coan³jti³que³ Juan, me³-le⁴ si¹c²en³, to⁴nca³ li²coi³ c²ia⁴² coan³-le⁴ qui³si³c²en³. **20** Herodes qui³tsa³cjon¹-le⁴ Juan, nca³ ve³-ni¹ nca³ Juan jnco³ cho⁴ta⁴x⁷in⁴ xi³ tjin¹-le⁴ cjoa⁴qui²xi⁴, xi³ tsje³, coi³ cjoa⁴ nca³ tsa³ve³cho⁴ta⁴ nca³ je². C²ia⁴ nca³ qui³nch⁷oe¹-le⁴ ncjin² cjoa⁴ xi³ qui³s²in³. Cjai¹nca³ to⁴nta³ qui³nch⁷oe¹-le⁴ cao⁴ cjoa⁴tsjoa³. **21** Ja³ai³ jnco³ ni⁴čhjin³ xi³ nta³, c²ia⁴ nca³ Herodes tsa³c²a³sje³ s²oi¹-le⁴ ni⁴čhjin³ nca³ qui³tsin³. C²ia⁴ nca³ coan³xon²

tsa³cjen²cao⁴ cho⁴ta⁴ti¹tjon^{2-le⁴}, cao⁴ xi³ nca³jco^{4-le⁴} so³nta²do⁴, cao⁴ cho⁴ta⁴ti¹tjon^{2-le⁴} ya⁴ jñia³ nca³ Galilea ²mi². ²² Ji³cho²s^{en}³ tso²ti^{3-le⁴} Herodías, qui³te², qui³sa³sen^{3-le⁴} Herodes cao⁴ je² xi³ tgio¹t^a³ ya¹mi²xa⁴ cao⁴ nca³ je². Je² cho⁴ta⁴ti¹tjon² qui³tso^{2-le⁴} tso²ti^{3-ve}: Ti⁴je^{1-nai¹³} to⁴jme^{3-ni³} xi³ me^{3-li²}, tsjoa^{3-le²³}. ²³ Herodes qui³tsjoa³ en^{1-le⁴}: Nca³yi³je³ xi³ si⁴je^{1-nai¹³} tsjoa^{3-le²³}, sa³nta³ va³sen³ xi³ an³ va³te³xo³ma^{3-le⁴}. ²⁴ Tso²ti³ ji³tjo³, c⁷oa⁴qui³tso^{2-le⁴} na⁴-le⁴: Jme¹ xi³ si³je^{1-le⁴}. Na⁴-le⁴ c⁷oa⁴qui³tso^{2:} Ti⁴je^{1-lai⁴} jco⁴ Juan Bautista. ²⁵ Tso²ti^{3-ve⁴} ja⁴cjoan² ja³a³s^{en}³nčh²oe² Herodes, c⁷oa⁴-sⁱⁿ² qui³si³je^{1-le⁴}: Coi³ xi³ me^{3-na³} nca³ nt⁷ai⁴cjoan² c⁷oai⁴ya^{3-ni³nai¹³} jnco³ čhoa⁴ jco⁴ Juan Bautista. ²⁶ Cjai¹nca³ coan³fao^{1-le⁴} Herodes, to⁴nca³ to⁴coi³ nca³ je³qui³tsjoa³ en^{1-le⁴}, c⁷oa⁴-ti⁴ coi³ nca³ cho⁴ta⁴ tgio¹cao⁴ ya⁴t^a³ ya¹mi²xa⁴, a³li²coi³ coan³me^{3-le⁴} nca³ mai³ qui³tso^{2-le⁴}. ²⁷ Herodes qui³si³ca³sen¹ nti⁴ton⁴ jnco³ so³nta²do^{4-le⁴} nca³ ca²tji³nčhoa³cao⁴ jco⁴ Juan. ²⁸ Je² so³nta²do⁴ qui³ ca³te³sin³ Juan ya⁴ nto⁴ya¹. Ja³ai³cao⁴ jco⁴ ja⁴ya³ jnco³ čhoa⁴. Qui³tsjoa^{3-le⁴} tso²ti^{3-ve⁴}. Je² tso²ti^{3-ve⁴} qui³tsjoa³ nqui²ntia^{3-le⁴} na⁴-le⁴. ²⁹ C⁷ia⁴ nca³ qui³nčh²oe¹ cho⁴ta^{4-le⁴} Juan nca³ c⁷oa⁴coan³, ja³ai³ qui³scoe¹ yao^{3-le⁴}, tsa³ca¹ñai³.

Aon²jmi³ma^{3-ni³}xi³Jesús qui³si³cjen².

(Mt. 14:13-21; Lc. 9:10-17; Jn. 6:1-14)

³⁰ Pa²stro⁴ coan³xco¹t^a^{3-le⁴} Jesús, tsa³c⁷e¹yi³je^{3-le⁴} na⁴jmi¹ jñia^{3-le⁴} cjoa⁴ xi³ qui³sⁱⁿ³, cao⁴ nca³yi³je³ xi³ tsa³ca³co¹ya³. ³¹ Jesús c⁷oa⁴qui³tso^{2-le⁴}: Nčhoao¹³ nca³ jon² jñia³ ?nte³t^a³xin²t^a³. Ya⁴ ti⁴cja¹yao³

jnco³ tjo², nca⁴ ncjin² cho⁴ta⁴ xi³ tgio¹fi², xi³ tgio¹fa^{3?}ai³con²-le⁴, sa^{3?}nta³ li²coi³ tjo^{3?}nte³-le⁴ nca³ cjen². ³² Qui³ ya⁴ chi³tso³ jin³nta¹chi³con³ sa^{3?}nta³ ya⁴ ?nte³t²a³xin²t²a³. ³³ Ncjn² xi³ tsa³ve³ nca³ tgio¹fi², c²oa⁴ ncjin² xi³ tsa³ve³xcon³ nca³ je². Ya⁴-jan¹ qui³-ni³ ntso⁴co⁴ ncjin² xi³ ts²e⁴ nca³yi³je³ na⁴xi⁴na³nta¹ xi³ ya⁴čhian³. Ji³cho² ti¹tjon²-le⁴ nca³ je², coan³xco¹t²a³-le⁴ Jesús. ³⁴ C²ia⁴ nca³ Jesús ji³tjo³-ni³ chi³tso³-ve⁴, tsa³ve³ cho⁴ta⁴ncjin². Coan³ma⁴que³ nca³ je², nca⁴ je² jo³-ni³ tsa² va³rre² xi³ tsin²-le⁴ xi³ co^{3?}nta³. Tsa³c²e¹ts²ia⁴cao⁴ nca³ tsa³ca³co¹ya³-le⁴ ncjin² cjoa⁴. ³⁵ C²ia⁴ nca³ je³coan³xon², ji³cho²con³-le⁴ cho⁴ta⁴-le⁴, qui³tso²: Cjai¹to⁴ t²a³xin²t²a³ ?nte³-vi⁴, c²oa⁴ je³coan³xon². ³⁶ C²oa⁴t²in²-lai⁴ cho⁴ta⁴-ve⁴ nca³ ca²ta³fi², jme¹-ni³ nca³ coai⁴-si¹ni³ jñia³-ve⁴ nqui³chao³ jñia³-ve⁴ na⁴xi⁴na³nta¹ ?nti¹ xi³ čhian³, jme¹-ni³ nca³ ya⁴ coa⁴tse³-si¹ni³le⁴ yao³-le⁴ xi³ coa⁴cjen⁴. ³⁷ Jesús qui³nchja⁴, qui³tso²-le⁴: T²ai²-lao⁴³ nca³ jon² xi³ coa⁴cjen⁴. Cho⁴ta⁴-le⁴ qui³tso²-le⁴: A³ coa⁴nquin¹ qui³ntai¹³-jin⁴ jao² ciento vi²xo⁴ nio⁴xti²la⁴ nca³ c²oai⁴-le⁴² xi³ coa⁴cjen⁴. ³⁸ Jesús qui³tso²-le⁴: Jo¹ tjin¹ nio⁴xti²la⁴ tjin¹-no³. Ta⁴nquin¹cho⁴tsen³-lao⁴³. C²ia⁴ nca³ tsa³ve³, qui³tso²: Aon² ma³-ni³, c²oa⁴ jao² jti⁴. ³⁹ C²ia⁴ tsa³c²e¹xa¹-le⁴ nca³ qui³si³ca³tio² nca³ts²i³cho⁴ta⁴ya⁴jin³li⁴ji⁴xcoen¹. Tsa³ca³tio²jtin¹ jnco¹jnco¹ ?nte³. ⁴⁰ Jnco¹jnco¹ ciento tsa³ca³tio²jtin¹, c²oa⁴ ña³chan²te³ ña³chan²te³ tsa³ca³tio². ⁴¹ Jesús qui³scoe¹ xi³ aon² nio⁴xti²la⁴ cao⁴ xi³ jao² jti⁴-ve⁴, qui³sco²tsen³nc²a², qui³si³chi³con³t²ain³, qui³si³xcoa⁴ nio⁴xti²la⁴-ve⁴, qui³tsjoa³-le⁴ cho⁴ta⁴-

le⁴ jme¹-ni³ nca³ si⁴ c²a³ vi¹-si¹ ni³ le⁴. Ti⁴c²oa⁴-s²in²ni³ qui³si³c²a³vi¹-le⁴ nca³ts²i³ je² jao² jti⁴-ve⁴. **42** Tsa³cjen² nca³ts²i³, coan³squi³. **43** Tsa³c²e¹xco¹nio⁴xti²la⁴čh²oa¹, cao⁴ čh²oa¹-le⁴ jti⁴. Te³jao² ma³-ni³ ni⁴sin⁴ xi³ qui³tse³. **44** Aon² jmi³ cho⁴ta⁴x⁷in⁴tsa³cjen².

Jesús tso²va³son² nta¹chi³con³

(Mt. 14:22-27; Jn. 6:15-21)

45 Jesús tsa³c²e¹ne² nti⁴ton⁴-le⁴ cho⁴ta⁴-le⁴ nca³ja³a³s²en³ chi³tso³-ve⁴, nca³ qui³ti¹tjon²-le⁴ sa³nta³na⁴xi⁴na³nta¹ Betsaida ya⁴ xi³ncoa³-ni³. Tjen⁴nca³ tji¹fi² nca³ je², ti¹je²-ni³ Jesús tsa³c²e¹ne²-le⁴ cho⁴ta⁴ncjin² nca³ ca²ta³fi² nca³ts²i³. **46** C²ia⁴nca³ je³c²oa⁴-s²in² tsa³c²e¹ne²-le⁴ nca³ts²i³, qui³c²e¹ts²oa³ t²a³xin². **47** Xi³ je³coan³xon², je² chi³tso³-ve⁴ ti¹jna³ nca³va³sen³-le⁴ jin³ nta¹chi³con³. Jesús ti¹jna³ nca³ to⁴je² ya⁴ na³nqui³qui³xi². **48** Jesús tsa³ve³ nca³ je³coi³jta² cho⁴ta⁴-le⁴ nca³ tji¹cjen³nta¹chi³tso³-ve⁴, nca⁴ je² ntjao⁴-ve⁴ cjai¹nca³ cja⁴?ai¹-s²in² ti¹fa³a³. Jo³-ni³ tsa² las tres nca³ ta⁴nzion²ya³, Jesús ji³cho²con³-le⁴ cho⁴ta⁴-le⁴ nca³ tso²va³son²nta¹chi³con³ jo³-ni³ tsa² me³-le⁴ fi² ti¹tjon². **49** C²ia⁴nca³ cho⁴ta⁴-le⁴ tsa³ve³ nca³ tso²va³son²nta¹chi³con³, qui³si³cja³?ai³tsjen³ nca³ tsa³ve³ xi³c²oa⁴cji³ sen¹-le⁴ cho⁴ta⁴ cji³. Qui³squi³ntia¹xcon¹cho⁴ta⁴-le⁴. **50** Nca³ts²i³ cho⁴ta⁴-le⁴ tsa³ve³ nca³je², to⁴qui³jma²-le⁴ ch²in³xcon¹. To⁴nca³ Jesús tsa³cja¹cao⁴ nti⁴ton⁴ cho⁴ta⁴-le⁴. C²oa⁴qui³tso²-le⁴: Ti⁴n⁷ion¹ta³con², an³nia¹, a³li²jcon³jion². **51** Jesús ja³a³s²en³con³-le⁴ ya⁴ chi³tso³-ve⁴, qui³s²e³jyo¹

ntjao⁴. Je² cho⁴ta⁴-le⁴ jo³ nca³ li²coi³ ti⁴ve³-jin²ni³ yao³-le⁴, jo³ coan³xcon¹-le⁴, ⁵² nca⁴ li²coi³ coan³cho⁴ya³-le⁴ je² cjoa⁴-le⁴ nio⁴xti²la⁴, to⁴nca³ xi¹jin³ ni⁴ma⁴-le⁴.

*Jesús qui³si³nta³je²xi³tjio¹m²en³ya⁴ Genesaret
(Mt. 14:34-36)*

⁵³ C⁷ia⁴ nca³ je³ja^{3?}a³to³t⁷a³ nta¹chi³con³, ji³cho²ya⁴ na³nqui³ jña³ Genesaret ²mi². Tsa³qui³ncha¹ chi³tso³-ve⁴. ⁵⁴ C⁷ia⁴ nca³ ji³tjo³-ni³ chi³tso³-ve⁴, cho⁴ta⁴ xi³ ya⁴ tjio¹ tsa³ve³ nti⁴ton⁴ Jesús. ⁵⁵ Si¹ma³ nca³qui³jnta² ja^{4?}nte³ xi³ ya⁴ čhian³-le⁴. Ja^{3?}ai³cao⁴ qui³jnta²-ni³ xi³ tjio¹m²en³, xi³ tjio¹son²-ni³le⁴ ni³jña³, to⁴jña³-ni³ nca³ nčh⁷oe¹ nca³ ti¹jna³ Jesús. ⁵⁶ To⁴jña³-ni³ve⁴ nca³ ja^{3?}a³s²en³ nca³ je², nta³ tsa² na⁴xi⁴na³nta¹ ²nti¹, nta³ tsa² na⁴xi⁴na³nta¹ y⁷ai³, nta³ tsa² nqui³chao³, qui³si³ca³tio¹ jin³sen¹ ya⁴ nti³tsin³ je² xi³ tjio¹m²en³. Tsa³c⁷e¹ts²oa³-le⁴ nca³ to⁴coi³ cjoan² si⁴cao⁴ tjon³ je² na³jño³-le⁴. Nca³ts²i³ xi³ c⁷oa⁴-s²in² qui³si³cao⁴ coan³nta³-ni³.

7

*Xi³ vi³tjo³jin³-ni³ ni⁴ma⁴-le⁴, coi³ xi³ si¹cji³tson¹ cho⁴ta⁴
(Mt. 15:1-20)*

¹ Coan³xco¹t⁷a³-le⁴ Jesús cho⁴ta⁴ fariseos, cao⁴ c⁷a³ xi³ ts²e⁴ cho⁴ta⁴ scribano xi³ ja^{3?}ai³-ni³ Jerusalén. ² Qui³sco²tsen³-le⁴ c⁷a³ cho⁴ta⁴-le⁴ Jesús nca³ tjio¹cjen² nio⁴xti²la⁴ cao⁴ ntsja³ xi³ li²coi³ tsje³ nca³ cje³ va³ne¹jon³jin², tsa³cja^{3?}a¹nqui³jmi¹. ³ (Nca⁴ je² cho⁴ta⁴ fariseos cao⁴ nca³ts²i³ cho⁴ta⁴

judíos c'oa⁴-s⁷in² qui³si³tjo³son² costumbre-
 le⁴ n⁷ai³jcha¹cjin³-le⁴, nca³ tsa² tsi² ncjin²
 c'a³ coa⁴ne²jon³ ntsja³ li²coi³ cjen². **4** C⁷ia⁴
 nca³ fe³fa³?ai³-ni³ nti⁴tsian⁴, tsa² tsi² ti¹tjon²
 coa⁴nco²ya³, li²coi³ cjen². C⁷oa⁴-ti⁴ ncjin²-sa³
 cjoa⁴ xi³ cja⁴?ai¹ xi³ qui³s⁷e³-le⁴ nca³ va³ne¹ya³
 cho⁴tsin¹ xi³ ?vi³ya², cao⁴ xo²lo⁴, cao⁴ ti⁴qui⁴cha⁴,
 cao⁴ ni³jña³-le⁴.) **5** Cho⁴ta⁴ fariseos cao⁴ cho⁴ta⁴
 scribano qui³sco²na³nqui³-le⁴ Jesú: A¹-ni³ nca³ tsi²
 si¹cj³tjo³son²-si¹ni³ cho⁴ta⁴-li⁴ je² costumbre-le⁴
 n⁷ai³jcha¹cjin³-na¹, to⁴nca³ cjen² nio⁴xti²la⁴ cao⁴
 ntsja³ xi³ li²coi³ tsje³. **6** Jesú c'oa⁴qui³tso²-le⁴:
 Nta³ qui³nchja⁴ya³ Isaías xi³ t⁷a³tsaon⁴ xi³ cho⁴ta⁴
 jao²ncjain¹ ?mi²-no³. C⁷oa⁴-s⁷in² tji¹t⁷a³: Je² cho⁴ta⁴-
 vi⁴ ve³xcon¹-na³ cao⁴ en¹-le⁴, to⁴nca³ ni⁴ma⁴-le⁴
 xin² tjio¹-na³. **7** Li²jme³ xi³ chji¹-le⁴ nca³ ve³xcon¹-
 na³, nca⁴ va³co¹ya³ jo³-ni³ cjoa⁴fa³?ai³tsjen³ xi³
 ts²an⁴, cjoa⁴ xi³ to⁴xquia⁴ cjoa⁴te¹xo³ma³-le⁴ cho⁴ta⁴.
8 Qui³nzion² cjoa⁴te¹xo³ma³-le⁴ Ni³na¹, ni²tjo³son²-
 lao⁴ costumbre-le⁴ cho⁴ta⁴: Nca³ va³ne¹ya³
 xo²lo⁴, cao⁴ cho⁴tsin¹ xi³ ?vi³ya². Ncjin²-sa³ cjoa⁴
 xi³ c'oa⁴-s⁷in² n⁷iaon²³. **9** Jesú qui³tso²-sa³le⁴:
 Ni²cji³tson²³ cjoa⁴te¹xo³ma³-le⁴ Ni³na¹ jme¹-ni³ nca³
 ni²tjo³son²-si¹ni³lao⁴ costumbre-no³ xi³ tsaon⁴.
10 Moisés c'oa⁴qui³tso²: Jcha⁴xcoin¹³ n⁷ai³-li⁴ na⁴-
 li⁴. C⁷oa⁴ je² xi³ nchja⁴aon³-le⁴ n⁷ai³-le⁴ na⁴-le⁴
 ntia³ ca²ta³m⁷en³. **11** To⁴nca³ jon² vi³xon¹³ nca³
 nta³-ni¹ tsa² jnco³ cho⁴ta⁴ c'oa⁴tso²-le⁴ n⁷ai³-le⁴
 a³xo⁴ na⁴-le⁴: To⁴jme³-ni³ve⁴ xi³ coan⁴chjen¹-no³ xi³
 ts²an⁴, Corbán ni¹, xi³ tso²-ni³: Je³qui³ts⁷ai²t⁷a³-
 le⁴ Ni³na¹. **12** Jon² li²coi³ ti⁴v⁷ai²nte³-ni³lao⁴

nca³ jme³-sa³ xi³ s⁷in⁴² xi³ t⁷a³ts⁷e⁴ n⁷ai³-le⁴ a³xo⁴ xi³ t⁷a³ts⁷e⁴ na⁴-le⁴. ¹³ Jon² ni²cji³tson²³ en¹-le⁴ Ni³na¹ nca³ li²jme³ chji¹-le⁴ xi³ to⁴cjoa⁴ t⁷a³ts⁷e⁴ costumbre-no³. C⁷oa⁴-ti⁴s⁷in² n⁷iaor²³ ncjin² cjoa⁴ jo³-ni³ tsa² je²-vi⁴. ¹⁴ Jesús qui³nchja⁴-le⁴ cho⁴ta⁴ncjin², qui³tso²-le⁴: Nta³ ti⁴no¹?ya³-nao¹³ nca³ts⁷io³, ca²ta³ma³cho⁴ya³-no³. ¹⁵ Li²jme³ xi³ tjin¹ xi³ fa³?a³s⁷en³jin³-le⁴ cho⁴ta⁴ xi³ coan⁴ si⁴2cji³tson¹ nca³ je², to⁴je² xi³ vi³tjo³jin³-ni³ ni⁴ma⁴-le⁴, to⁴je²-ve⁴ xi³ si¹cji³tson¹ cho⁴ta⁴. ¹⁶ Tsa² ?ya³ xi³ tjin¹-le⁴ xo⁴ño³ xi³ nčh?oe¹-ni³, nta³ ca²ta³va³sen¹ño³. ¹⁷ Jesús ji³tjo³xin²-le⁴ cho⁴ta⁴, ja³?a³s⁷en³ jnco³ ni³?ya³, cho⁴ta⁴-le⁴ qui³sco²na³nqui³-le⁴ xi³ t⁷a³ts⁷e⁴ je² cjoa⁴xco¹son². ¹⁸ Jesús qui³tso²-le⁴: C⁷oa⁴-ti⁴ jon² a³ tsi² ma³cho⁴ya³-no³. A³ tsi² ma³cho⁴ya³-no³ nca³ nca³yi³je³ xi³ fa³?a³s⁷en³jin³-le⁴ cho⁴ta⁴ li²coi³ coan⁴ si⁴2cji³tson¹ ni⁴ma⁴-le⁴. ¹⁹ Li²coi³ fa³?a³s⁷en³jin³ ni⁴ma⁴-le⁴, to⁴ya⁴ ts⁷oa⁴, c⁷oa⁴ c⁷ia⁴ vi³tjo³ nca³ va³jti³. Jesús c⁷oa⁴qui³tso² nca³ tsi²jme³ tso³jmi² xi³ ma³chi³ne³ xi³ si¹cji³tson¹ ni⁴ma⁴-na¹. ²⁰ To⁴nca³ qui³tso² nca³ je² cjoa⁴fa³?ai³tsjen³ xi³ vi³tjo³jin³-ni³le⁴ ni⁴ma⁴-le⁴ cho⁴ta⁴, je² ni¹ xi³ si¹cji³tson¹ cho⁴ta⁴. ²¹ Ja⁴jin³ ni⁴ma⁴-le⁴ cho⁴ta⁴ nčhoa¹-ni³ cjoa⁴fa³?ai³tsjen³ ts⁷en⁴ xi³ tsi² nta³ tjin¹, nca³yi³je³ cjoa⁴cha³jnqui³ xi³ ts⁷e⁴ x⁷in⁴ cao⁴ ya¹nchjin¹ xi³ je³chi³xan³ cao⁴ xi³ cje³ vi³xan³-jin², cao⁴ xi³ c⁷en³ si¹c⁷en³, ²² nca³yi³je³ cjoa⁴che¹, cjoa⁴xi²ta³con², cjoa⁴ts⁷en⁴, cjoa⁴ch⁷a¹na⁴cha⁴, cao⁴ xi³ tsin²-le⁴ cjoa⁴soa³-jin², cao⁴ xi³ to⁴xcon⁴ v⁷i²ma³cao⁴, cjoa⁴aon³ta³con², cjoa⁴chi⁴con¹. ²³ Nca³yi³je³ coi³ cjoa⁴ts⁷en⁴-vi⁴, ni⁴ma⁴-le⁴ nčhoa¹jin³-ni³ cho⁴ta⁴.

Je²-vi⁴ xi³ si¹cji³tson¹ cho⁴ta⁴.

Coan³cjain¹-le⁴ chjon⁴ xi³ Sirofenicia mi² na³nqui³-le⁴

(Mt. 15:21-28)

²⁴ Jesú斯 tsa³qui³so¹tjen⁴. Qui³ na³nqui³-le⁴ na⁴xi⁴na³nta¹ Tiro, cao⁴ na⁴xi⁴na³nta¹ Sidón. Ja³a³s²en³ jnco³ ni³ya³. Cai³-le⁴ nca³ ?ya³ xi³ scoe⁴, to⁴nca³ li²coi³ coan³ tsa³c²e²jna³ma³.

²⁵ Jnco³ chjon⁴ xi³ tjin¹-le⁴ jnco³ tso²ti³ ?nti¹ xi³ tjin¹-le⁴ ntjao⁴ xi³ nta³jin³. Nti⁴ton⁴ nca³ qui³nch²oe¹ xi³ t⁷a³ts⁷e⁴ Jesú斯, ja³ai³nch²oe², tsa³ca³sen²xco¹nch²in³t⁷a³-le⁴ ntso⁴co⁴ Jesúś. ²⁶ Je² chjon⁴-ve⁴ ts⁷e⁴ cho⁴ta⁴ griega to⁴nca³ Sirofenicia na³nqui³-le⁴. Je² chjon⁴-ve⁴ tsa³c²e¹ts⁷oa³-le⁴ Jesúś nca³ c⁷oa⁴sje³xin²-le⁴ tso²ti³-le⁴ je² nai⁴ xi³ nta³jin³. ²⁷ To⁴nca³ Jesúś c⁷oa⁴qui³tso²-le⁴: Ti¹tjon² ca²ta³cjen² xi³ ?nti¹xti³, nca³ li²coi³ nta³ nca³ chjoe¹ nio⁴xti²la⁴-le⁴ ?nti¹xti³ nca³ nia¹ ?nti¹ ni²c²a³tsao³-le⁴. ²⁸ Chjon⁴-ve⁴ qui³tso²-le⁴ Jesúś: Jaon³, Señor, to⁴nca³ nia¹ ?nti¹ xi³ va³tio²nqui³ ya¹mi²xa⁴ cji³ne³ xcoa⁴-le⁴ nio⁴xti²la⁴-le⁴ ?nti¹xti³. ²⁹ C²ia⁴ Jesúś qui³tso²-le⁴: Coi³ nca³ c⁷oa⁴ca²si³, t⁷in³-la²na¹ntai³. Je² nai⁴ xi³ nta³jin³ ca²vi³tjo³jin³-ni³ ni⁴ma⁴-le⁴ tso²ti³-li⁴. ³⁰ Chjon⁴ qui³ ni³ya³-le⁴. Tsa³ve³ tso²ti³-le⁴ nca³ qui³ni²ca³te³son² na⁴chan³, c⁷oa⁴ nai⁴-ve⁴ je³ji³tjo³jin³-ni³ ni⁴ma⁴-le⁴.

Coan³nta³jnco³ xi³jta³ya³, xi³li²coi³nta³ma³-le⁴ nchja⁴

³¹ Jesúś ji³tjo³ nqui²jnco³c²a²-ni³ na⁴xi⁴na³nta¹ Tiro. Ja³a³to³ na⁴xi⁴na³nta¹ Sidón. C²oa⁴ ja³a³to³jin³ jña³ nca³ Decápolis ?mi². Ja³ai³

nta¹chi³con³ Galilea. ³² Cho⁴ta⁴ ja^{3?}ai³cao⁴-le⁴
jncō³ xi³ jta³ya³, xi³ li²coi³ nta³ ma³-le⁴ nchja⁴.
Tsa³c²e¹ts²oa³-le⁴ Jesús nca³ coa⁴son²-le⁴ ntsja³.
³³Jesús qui³scoe¹ tsa³cja^{3?}a¹xin²jin³-le⁴ cho⁴ta⁴ncjin²
xi³ tgio¹. Qui³sca³ni¹s²en³ na⁴jma¹ntsja³ ya⁴ xo⁴ño³
nca³ je², tsa³c²e¹čha¹, qui³si³cao⁴ ni⁴jen⁴. ³⁴Jesús
qui³sco²tsen³nc²a², ja^{3?}a¹tse³jin³ ni⁴ma⁴-le⁴, qui³tso²-
le⁴: Efata xi³ tso²-ni³ ca²ta³tjo^{3?}ai². ³⁵Nti⁴ton⁴
qui³tjo^{3?}ai² xo⁴ño³, coan³jnta¹ya³-ni³ ni⁴jen⁴. Nta³
qui³nchja⁴. ³⁶Jesús tsa³c²e¹ne²-le⁴ nca³ ni⁴jo³-jin²
coi⁴tso⁴-le⁴ ni⁴?ya³-jin². To⁴nca³ c²ia⁴ nca³ c²oa⁴-
s²in² tsa³c²e¹ne²-le⁴, to⁴nqui²sa⁴ qui³sca³ni¹son² en¹.
³⁷A³li² to⁴c²oa⁴cji³ coan³xcon¹-le⁴ cho⁴ta⁴, qui³tso²:
Nta³ qui³s²in³ nca³yi³je³. Si¹nta³ya³-ni³ xi³ jta³ya³
nca³ nčh?oe¹, xi³ yo⁴ma⁴ nca³ nchja⁴.

8

Ño³jmi³ma³-ni³xi³Jesús qui³si³cjen²
(Mt. 5:32-39)

¹ Coi³ ni⁴čhjin³-ve⁴, cja¹ to⁴ncjin² cho⁴ta⁴
xi³ coan³xco¹. Tsi²jme³ xi³ tjin¹-le⁴ xi³ cji³ne³.
Jesús qui³nchja⁴-le⁴ cho⁴ta⁴-le⁴, c²oa⁴qui³tso²-le⁴:
² Cjai¹nca³ ma³ma⁴que⁴ cho⁴ta⁴ncjin²-vi⁴ nca³
je³coan³ jan² ni⁴čhjin³ nca³ tgio¹ma³tjen⁴nqui³-
na³, c²oa⁴ tsin²-le⁴ xi³ cji³ne³-jin². ³ Tsa²
to⁴sca³ni³nchjan³-nia¹³ ni^{3?}ya³-le⁴, to⁴coan⁴i³nta³-
ni¹ ya⁴ya³ ntia⁴, nca⁴ tjin¹ c²a³ xi³ cjin³
fa^{3?}ai³-ni³. ⁴ Je² cho⁴ta⁴-le⁴ qui³tso²-le⁴: Jo¹-ni³
coan⁴squi³-jin²ni³ nio⁴xti²la⁴ je² cho⁴ta⁴-vi⁴ i⁴
jňa³ ?nte³t²a³xin²t²a³. ⁵ Jesús qui³sco²na³nqui³-
le⁴: Jo¹ tjin¹ nio⁴xti²la⁴ xi³ tjin¹-no³. Ña³to³

ma³-ni³, qui³tso² cho⁴ta⁴-le⁴. ⁶ C⁷ia⁴ tsa³c⁷e¹ne²-le⁴ cho⁴ta⁴ncjin² nca³ ca²ta³va³tio²ne² na³nqui³. Qui³scoe¹ nio⁴xti²la⁴ xi³ ña³to³-ve⁴, c⁷oa⁴ qui³tsjoa³ cjoa⁴nta³, qui³si³xcoa⁴, qui³tsjoa³-le⁴ cho⁴ta⁴-le⁴ jme¹-ni³ nca³ si⁴c⁷a³vi¹-si¹ni³le⁴ cho⁴ta⁴ xi³ coan³xco¹. Cho⁴ta⁴-le⁴ qui³si³c⁷a³vi¹-le⁴ cho⁴ta⁴ncjin². ⁷ C⁷oa⁴-ti⁴ tjio¹jnco³jao²-le⁴ jti⁴nti¹. Jesús qui³si³chi³con³t⁷ain³. Tsa³c⁷e¹ne² nca³ c⁷oa⁴-ti⁴ ca²ta³si¹c⁷a³vi¹-le⁴ cho⁴ta⁴ xi³ coan³xco¹. ⁸ Cho⁴ta⁴ tsa³cjen², ña³qui³ coan³squi³. Tsa³c⁷e¹xco¹ čh⁷oa¹-le⁴ xi³ qui³njen²nqui³, ña³to³ ni⁴sin⁴ ma³-ni³. ⁹ Ño³-la⁴ jmi³ ma³-ni³ cho⁴ta⁴ xi³ tsa³cjen². Jesús tsa³c⁷e¹ne²-le⁴ cho⁴ta⁴ nca³ ca²ta³fi². ¹⁰ Ja³?a³s⁷en³ nti⁴ton⁴ chi³tso³ cao⁴ cho⁴ta⁴-le⁴. Ja³?ai³ ya⁴ ?nte³ Dalmanuta.

*Cho⁴ta⁴ qui³si³je¹-le⁴jnco³choa⁴
(Mt. 16:1-4; Lc. 12:54-56)*

¹¹ Ja³?ai³con³-le⁴ cho⁴ta⁴ fariseos, tsa³c⁷e¹ts⁷ia⁴cao⁴ nca³ qui³scan³cao⁴ Jesús. Qui³sco²t⁷a³ nca³ je² nca³ qui³si³je¹-le⁴ jnco³choa⁴ xi³ ts⁷e⁴ nc⁷a³jmi³. ¹² Jesús to⁴ja³?a¹tse³jin³ ni⁴ma⁴-le⁴, qui³tso²: A¹-ni³ nca³ choa⁴ si¹je¹-si¹ni³ je² na⁴xi⁴na³nta¹-vi⁴. Xi³ cjoa⁴qui²xi⁴ xi³ xin³-no³ nca³ li²coi³ c⁷oai⁴-le⁴ choa⁴ je² na⁴xi⁴na³nta¹-vi⁴. ¹³ Jesús qui³si³ca³tio¹ cho⁴ta⁴-ve⁴, ja³?a³s⁷en³ nqui²jnco³c⁷a²-ni³ chi³tso³, qui³ xi³ncoa³t⁷a³ nta¹chi³con³.

*Na⁴?yo⁴san³-le⁴ cho⁴ta⁴fariseos
(Mt. 16:5-12)*

¹⁴ Cho⁴ta⁴-le⁴ qui³cha³jin³-le⁴ nio⁴xti²la⁴, li²coi³ tsa³c⁷a³. To⁴jnco³ ma³-ni³ nio⁴xti²la⁴ xi³ y⁷a³ nca³

qui³ ya⁴ chi³tso³. ¹⁵ Jesú^s tsa³c⁷e¹ne²-le⁴ cho⁴ta⁴-le⁴, qui³tso²-le⁴: Cho¹tsen³lao⁴³, ti⁴coi²ntao⁴³ yao³-no³ xi³t⁷a³ts⁷e⁴na⁴yo⁴san³-le⁴ cho⁴ta⁴fariseos, cao⁴na⁴yo⁴san³-le⁴ Herodes. ¹⁶ Cho⁴ta⁴-le⁴ tsa³cjao¹ya³-ni³, c⁷oa⁴qui³tso²-le⁴ xi¹ncjin¹: Coi³ nca³ tsin²-na¹nio⁴xti²la⁴, coi³ nca³c⁷oa⁴qui³tso²-na¹. ¹⁷ C⁷ia⁴ nca³ Jesú^s coan³jin³-le⁴, qui³tso²-le⁴: A¹-ni³ nca³c⁷oa⁴s²in² ti³cho³va³ya³-si¹nio³ nca³ tsin²-no³ nio⁴xti²la⁴. A³ cje³ ya³-zion²³. A³ cje³ ma³cho⁴ya³-jin²no³. A³ to⁴jo³ xi¹jin³ ni⁴ma⁴-no³. ¹⁸ Tjin¹ xcon³. A¹-ni³ nca³tsi² ma³tsen³-si¹ni³no³. Tjin¹ xo⁴ño³. A¹-ni³nca³tsi²no²ya²-si¹nio³. A³ tsi² tjin¹jin³-no³. ¹⁹ C⁷ia⁴ nca³aon²jmi³ ma³-ni³cho⁴ta⁴xi³an³qui³si³xcoa⁴-le⁴je²nio⁴xti²la⁴xi³aon²ma³-ni³, jo¹tjin¹ni⁴sin⁴ma³-ni³je²nio⁴xti²la⁴čh⁷oa¹xi³tsa³c⁷e²xco¹³. Cho⁴ta⁴-le⁴qui³tso²-le⁴: Te³jao²ni⁴sin⁴coan³. ²⁰ C⁷ia⁴ Jesú^squi³tso²: C⁷ia⁴nca³ňa³to³ma³-ni³nio⁴xti²la⁴,c⁷oa⁴ňo³jmi³cho⁴ta⁴, jo¹tjin¹ni⁴sin⁴ya¹ma³-ni³je²nio⁴xti²la⁴čh⁷oa¹xi³tsa³c⁷e²xco¹³. Cho⁴ta⁴-le⁴qui³tso²-le⁴: ňa³to³ni⁴sin⁴ya¹coan³. ²¹ Jesú^squi³tso²-le⁴: A³cje³ma³cho⁴ya³-jin²no³.

Coan³nta³cho⁴ta⁴xi³xca⁴cji³ya⁴Betsaida

²² Jesú^s ji³cho² na⁴xi⁴na³nta¹ Betsaida. Cho⁴ta⁴ ja³ai³cao⁴-le⁴ jnco³ cho⁴ta⁴xi³xca⁴cji³. Tsa³c⁷e¹ts⁷oa³-le⁴ Jesú^s nca³ca²ta³si¹cao⁴nca³je²cho⁴ta⁴-ve⁴. ²³ C⁷ia⁴ Jesú^squi³scoe¹ntsja³je²cho⁴ta⁴xi³xca⁴cji³-ve⁴. Tsa³c⁷a³sje³jin³ja⁴jin³na⁴xi⁴na³nta¹. Tsa³c⁷e¹čha¹nqui³xcon⁴,tsa³ca¹son²-le⁴ntsja³, qui³sco²na³nqui³-le⁴tsa²tjin¹xi³ma³tsen³-le⁴. ²⁴ Cho⁴ta⁴-ve⁴qui³sco²tsen³nc⁷a²,

qui³tso²: Je^{32?}ve³ cho⁴ta⁴, to⁴nca³ to⁴c⁷oa⁴cjoan³ ya¹ cjoan³ xi³ si¹ma³, ma³-na³. ²⁵ Nqui²ntia³ Jesús tsa³ca¹son² ntsja³ xcon⁴, n⁷ion¹ qui³si³c⁷a³ xcon⁴. Coan³nta³ cho⁴ta⁴-ve⁴. Nta³ tsa³ve³yi³je³. ²⁶ Jesús qui³sca³ni¹ ni³?ya³-le⁴ cho⁴ta⁴-ve⁴, qui³tso²-le⁴: A³li² vi³tja³s⁷en³jin³-jin² na⁴xi⁴na³nta¹-li⁴. A³li² ?ya³ xi³ jo³ ?mi²-lai⁴ na⁴xi⁴na³nta¹-li⁴.

Pedro si¹qui²xi⁴ya³nta³Jesús

(Mt. 16:13-20; Lc. 9:18-21)

²⁷ Ji³tjo³ Jesús cao⁴ cho⁴ta⁴-le⁴, qui³ ya⁴ na⁴xi⁴na³nta¹?nti¹ xi³ nchja⁴-ni³ na⁴xi⁴na³nta¹ Cesarea de Filipo. Ya⁴ya³ ntia⁴? Jesús qui³sco²na³nqui³-le⁴ cho⁴ta⁴-le⁴, qui³tso²-le⁴: Jo¹ tso²-na³ cho⁴ta⁴, ?ya¹-nia³ an³-vi⁴. ²⁸ Cho⁴ta⁴-le⁴ qui³nchja⁴: Juan Bautista. Tjin¹ c⁷a³ xi³ Elías tso², c⁷oa⁴ tjin¹ c⁷a³ xi³ tso² nca³ jnco³ xi³ nchja⁴ya³ t⁷a³ts⁷e⁴ Ni³na¹. ²⁹ C⁷ia⁴ Jesús qui³tso²-le⁴: C⁷oa⁴ jon², jo¹ vi³xon¹³, ?ya¹nia³ an³-vi⁴. Pedro qui³nchja⁴ qui³tso²-le⁴: Ji³ ni¹³ xi³ Cristo ?mi²-li². ³⁰ Jesús tsa³c⁷e¹ne²-le⁴ nca³ ni⁴?ya³-jin² xi³ jo³ coi⁴tso⁴-le⁴ xi³ t⁷a³ts⁷e⁴.

Jesús tsa³ca³co¹ya³ xi³ t⁷a³ts⁷e⁴ cjoa⁴vi³ya³-le⁴

(Mt. 16:21-28; Lc. 9:22-27)

³¹ Tsa³c⁷e¹ts⁷ia⁴cao⁴ nca³ tsa³ca³co¹ya³-le⁴ nca³ je² ?nti¹-le⁴ cho⁴ta⁴-ve⁴ tjin¹ne²-le⁴ nca³ cjoa⁴?a³ cjoa⁴?ain³. Cho⁴ta⁴jchi¹nca³ cao⁴ cho⁴ta⁴ti¹tjon²-le⁴ na⁴?mi³, cao⁴ cho⁴ta⁴ scribano taon³ scoe⁴ nca³ je², si⁴c⁷en³-ni³ nca³ je², to⁴nca³ xi³ coan³jan²-ni³ ni⁴čhjin³ cjoa⁴?a¹ya³-ni³le⁴. ³² Jesús qui³nchja⁴tsen³ je² en¹-vi⁴. C⁷ia⁴ Pedro qui³cao⁴ t⁷a³xin² Jesús, tsa³c⁷e¹ts⁷ia⁴cao⁴ nca³ qui³nchja⁴ti³cao⁴ nca³ je².

33 To⁴nca³ Jesúś qui³si³c²o¹fa³ya³, qui³sco²tsen³-le⁴ cho⁴ta⁴-le⁴, qui³nchja⁴ti³cao⁴ Pedro, qui³tso²: Ti⁴tja¹jton³-nai¹³ Satanás nca³ tsi² ?mi³t²a³-lai⁴ cjoa⁴-le⁴ Ni³na¹, to⁴nca³ ?mi³t²a³-lai⁴ cjoa⁴-le⁴ cho⁴ta⁴. 34 C²oa⁴ qui³nchja⁴-le⁴ cho⁴ta⁴-le⁴ cao⁴ cho⁴ta⁴ncjin², qui³tso²-le⁴: To⁴?ya³-ni³ve⁴ xi³ me³-le⁴ nca³ cho⁴ta⁴-na⁴ coan⁴, ca²ta³tsjion¹con³ yao³-le⁴, ca²ta³v²a³mi³ cro²-le⁴, nta³ ca²ta³fi²t²a³-na³. 35 To⁴?ya³-ni³ve⁴ xi³ me³-le⁴ c²oa⁴sje³ntjai² ni⁴ma⁴-le⁴, to⁴si⁴cha³ ni⁴ma⁴-le⁴. To⁴?ya³-ni³ve⁴ xi³ si⁴cha³ ni⁴ma⁴-le⁴ xi³ to⁴t²a³ts²an⁴, xi³ to⁴t²a³ts²e⁴ je² en¹nta³, c²oa⁴sje³ntjai² ni⁴ma⁴-le⁴. 36 Jme¹ xi³ coi⁴njen⁴-le⁴ cho⁴ta⁴ tsa² si⁴cha³ ni⁴ma⁴-le⁴, nta³ tsa² coi⁴njen⁴-le⁴ nca³y³je³ son³?nte³. 37 A³xo⁴ jme¹ chji¹-le⁴ xi³ tsjoa¹-nca¹ni³ cho⁴ta⁴ xi³ ti⁴t²a³ts²e⁴-ni³ ni⁴ma⁴-le⁴. 38 Je² xi³ ma³soa³con³que³-na³ cao⁴ je² en¹-na⁴ nqui³xcon⁴ cho⁴ta⁴ xi³ tjin¹ nt²ai⁴-vi⁴, xi³ cho⁴ta⁴cha³jnqui³, xi³ cho⁴ta⁴-je¹, je² ?nti¹-le⁴ cho⁴ta⁴ c²oa⁴-ti⁴ coan⁴soa³con³que³ nca³ je² c²ia⁴ nca³ cjoa⁴?ai¹-ni³ cao⁴ cjoa⁴je³ya³-le⁴ n²ai³-le⁴ cao⁴ a²ncje⁴ xi³ tsje³.

9

1 Jesúś c²oa⁴-ti⁴ qui³tso²-le⁴: Xi³ cjoa⁴qui²xi⁴ xi³ xin³-no³ nca³ tjin¹ c²a³ xi³ i⁴ tjiō¹-vi⁴ xi³ tsi² sco¹t²a³ cjoa⁴vi³ya³ sa³nta³ nca³ scoe⁴ cjoa⁴te¹xo³ma³-le⁴ Ni³na¹ xi³ cjoa⁴?ai¹ cao⁴ nca³n²ion¹.

*Jesúś ts²a³ntjai²ya³-le⁴
(Mt. 17:1-13; Lc 9:28-36)*

2 Xi³ coan³ jaon³ ni⁴čhjin³ Jesúś qui³cao⁴ Pedro cao⁴ Jacobo cao⁴ Juan. Qui³mi³jon³ t²a³xin² jnco³

ni³nto³ xi³ nc²a³. Ya⁴ tjiō¹ to⁴je². Jesú^s ts²a³ntjai²ya³-le⁴ nqui³xcon⁴ nca³ je². ³ Coan³fa³te³ na³jñō³-le⁴. Cjai¹nca³ n²ion¹ coan³čhoa³. C²oa⁴²cjoan³ nch²an¹ coan³ na³jñō³-le⁴. Ni⁴jnco³-jin² xi³ c²oa⁴-s²in² va³ne¹ i⁴ son³nte³-yi⁴ nca³ c²oa⁴-s²in² n²ion¹ čhoa³ si¹čhoa³ na³jñō³. ⁴ C²oa⁴-ti⁴ coan³tsen³-le⁴ Eliás cao⁴ Moisés xi³ tjiō¹fa¹cao⁴ Jesú^s. Pedro cao⁴ Jacobo cao⁴ Juan tsa³ve³. ⁵ C²ia⁴ qui³nchja⁴ Pedro, c²oa⁴ qui³tso²-le⁴ Jesú^s: Maestro, nta³-ni¹ nca³ i⁴ ti³yo³-jin⁴vi⁴, tsa² jan² xco¹jnta² si⁴ntai³-jin⁴, jnco³ xi³ t²a³tsi⁴, jnco³ xi³ t²a³ts²e⁴ Moisés, nqui²jnco³ xi³ t²a³ts²e⁴ Eliás. ⁶ Li²coi³ coan³cho⁴ya³-le⁴ jñā³-le⁴ xi³ qui³tso²-le⁴, to⁴qui³tso³cjon¹ nca³ jan². ⁷ Ja³ai³ jnco³ yo³jvi³ xi³ qui³si³nc²ian¹-le⁴. Jnco³ jta⁴ qui³no²ya²-le⁴ ya⁴ jin³ yo³jvi³ xi³ qui³tso²: Je²-vi⁴ ²nti¹-na⁴ xi³ tsjоa³que⁴, ti⁴no¹ya³-lao⁴ nca³ je². ⁸ Nti⁴ton⁴ cho⁴ta⁴-le⁴ qui³sco²tsen³ntai³. Ni⁴ya³-jin² xi³ ti⁴tsa³ve³-ni³ xi³ ti¹jna³cao⁴ Jesú^s. To⁴jnco³ je² Jesú^s xi³ ti¹jna³. ⁹ Ti⁴a³-ni³ nca³ tjiō¹nčhoa¹jen³t²a³ ni³nto³-ve⁴, Jesú^s tsa³c²e¹ne²-le⁴ nca³ ni⁴ya³-jin² xi³ jo³ coi⁴tso⁴-le⁴ jme³ xi³ tsa³ve³. To⁴c²ia⁴ coan⁴ c²oe⁴ na⁴jmi¹ c²ia⁴ nca³ je² ²nti¹-le⁴ cho⁴ta⁴ cjoe⁴ cjoa⁴a¹ya³jin³-ni³le⁴ c²en³. ¹⁰ Je² cho⁴ta⁴-le⁴ tsa³c²e¹jin³con³ je² en¹-ve⁴, tsa³cjoa¹ya³-ni³ jme¹-ni³ xo⁴ tso²-le⁴ve⁴: Cjoa⁴a¹ya³jin³-ni³le⁴ c²en³. ¹¹ Cho⁴ta⁴-le⁴ qui³sco²na³nqui³-le⁴ Jesú^s: Jme¹-ni³ xi³ tso² cho⁴ta⁴ scribano, nca³ ma³chjen¹ nca³ Eliás ti¹tjon²-cjoa²la² cjoa⁴ai¹. ¹² Jesú^s qui³tso²-le⁴: Cjoa⁴qui²xi⁴ ti¹tjon² cjoa⁴ai¹ Eliás. C²oe⁴nta³ nqui²jnco³c²a² nca³yi³je³ cjoa⁴ jo³ cjoan³ nca³s²a⁴. Jo¹-s²in² tji¹t²a³ xi³ t²a³ts²e⁴ je² ²nti¹-le⁴ cho⁴ta⁴,

nca³ tse³ cjoa⁴ñ?ain³ cjoa^{4?}a², nca³ cho⁴ta⁴ taon³ scoe⁴ nca³ je². ¹³ To⁴nca³ c²oa⁴xin³-no³ nca³ an³ nca³ je³ja^{3?}ai³ Elías, c²oa⁴qui³si³cao⁴ jo³-s²in² coan³me³con³, jo³-s²in² tji¹t²a³ xi³ t²a³ts²e⁴.

Coan³nta³ ti³ xi³ tjin¹-le⁴ ntjao⁴ xi³ nta³jin³

(Mt. 17:14-21; Lc. 8:37-43)

¹⁴ C²ia⁴ nca³ Jesús ji³cho²con³-le⁴ cho⁴ta⁴-le⁴, tsa³ve³ nca³ li² to⁴ncjin² cho⁴ta⁴ xi³ qui³tse³ntai³-le⁴. Cho⁴ta⁴ scribano tgio¹fao¹ya³-ni³ cao⁴ je². ¹⁵ To⁴coan³xcon¹ nti⁴ton⁴-le⁴ nca³ts²i³ cho⁴ta⁴, c²ia⁴ nca³ tsa³ve³ Jesús. Qui³to²ca³nčh²oe², qui³si³ti²?nta³. ¹⁶ Jesús qui³sco²na³nqui³-le⁴: Jme¹-ni³ xi³ ti³cho⁴va²ya³-nio³. ¹⁷ Qui³nchja⁴ jnco³ xi³ ti¹jna³jin³-le⁴, qui³tso²: Maestro, ja²?ai⁴cao⁴-le²³?nti¹-na⁴ xi³ tsi² ma³-le⁴ nchja⁴, xi³ tjin¹-le⁴ ntjao⁴ xi³ nta³jin³. ¹⁸ To⁴jña³-ni³ve⁴ nca³ fi²cao⁴ nca³ je², si¹c²a³tjen⁴t²a³ na³nqui³ yao³-le⁴. Nta¹xo¹ vi³tjo³ ts²oa³, ma³nca³ya³ ni⁴ñ²ño⁴, ti¹xi²ya³. C²oa⁴ca²xin³-le⁴ cho⁴ta⁴-li⁴ nca³ ca²ta³m²aon³sje³, to⁴nca³ li²coi³ ca²ma³-le⁴. ¹⁹ Jesús qui³nchja⁴, qui³tso²-le⁴: Jon² xi³ cho⁴ta⁴ xi³ li²coi³ ma³cjain¹-no³. C²ia¹ sa³?nta³ nca³ coa²te⁴jna³cao⁴-no³. C²ia¹ sa³?nta³ nca³ si³cjain¹-no³. Nčhoa¹cao⁴-nao¹³ ti³ xi³ ti¹m²en³. ²⁰ Ji³nčhoa³cao⁴-le⁴. C²ia⁴ nca³ qui³sco²tsen³-le⁴, nti⁴ton⁴ ntjao⁴ xi³ nta³jin³-ve⁴ qui³si³cja³tse¹ ti³-ve⁴. Qui³si³c²a³tjen⁴t²a³ na³nqui³, tsa³nco¹ya³ ?nte³. Nta¹xo¹ ji³tjo³ ts²oa³. ²¹ Jesús qui³sco²na³nqui³-le⁴ n²ai³-le⁴ ti³-ve⁴: Jo¹ coan³ tjin¹ ni⁴čhjin³ nca³ c²oa⁴coan³-le⁴. N²ai³-le⁴ qui³tso²: Sa³?nta³ nca³ ?nti¹ cji³. ²² Ncjin² c²a³ ntjao⁴ xi³ nta³jin³ ca³ni¹ti¹cja¹ ?nti¹-na⁴vi⁴, l²i¹ ca³ni¹jin³, na³nta¹ ca³ni¹jin³, jme¹-ni³ nca³

si⁴2c⁷en³-si¹ni³ nca³ je². To⁴nca³ tsa² coan⁴-li², jcha⁴ma⁴ta³con²-na³jin⁴, ti⁴sen⁴cao⁴-na³jin⁴. ²³ Jesús c⁷oa⁴qui³tso²-le⁴: Tsa² coan⁴-li² nca³ coan⁴cjain¹-li², nca³yi³je³ cjoa⁴ coan⁴2-le⁴ je² xi³ ma³cjain¹-le⁴. ²⁴ Nti⁴ton⁴ n⁷ion¹ qui³nchja⁴ n⁷ai³-le⁴ ti³-ve⁴, qui³tso²: Ma³cjain¹-na³, xi³ tsi² ti⁴ma³cjain¹-ni³na³, ti⁴sen⁴cao⁴-nai¹³. ²⁵ C⁷ia⁴ nca³ tsa³ve³ Jesús nca³ coan³ncjin² cho⁴ta⁴, qui³nchja⁴ti³cao⁴ ntjao⁴ xi³ nta³jin³, qui³tso²-le⁴: Ntjao⁴ xi³ tsi² ma³-li²en¹, xi³ tsi² no²yai²³, an³ va³te³xo³ma³-le²³, ti²tjo⁴jin³-lai⁴ nca³ je², a³li² ti⁴vi³tja³s⁷en³-jin²ni³lai⁴ ni⁴ma⁴-le⁴ ti³-ve⁴. ²⁶ C⁷ia⁴ qui³squi³ntia¹ ntjao⁴-ve⁴. Cjai¹nca³ qui³si³cja³tse¹ ti³-ve⁴. Ntjao⁴-ve⁴ ji³tjo³jin³-le⁴. Ti³-ve⁴ qui³s⁷e³jna³ jo³-ni³tsa²c⁷en³. C⁷oa⁴-s⁷in²nca³ncjin² cho⁴ta⁴xi³c⁷oa⁴qui³tso²: Je³qui³jna³c⁷en³. ²⁷ To⁴nca³ Jesús qui³scoe¹-ni³ ntsja³ ti³-ve⁴, qui³si³qui³so¹tjen⁴, c⁷oa⁴ ji³so¹tjen⁴ ti³-ve⁴. ²⁸ C⁷ia⁴ nca³ je³ja³a³s⁷en³ ni³ya³ Jesús, je² cho⁴ta⁴-le⁴ qui³sco²na³nqui³ t⁷a³xin²-le⁴: A¹-ni³ nca³ tsi² coan³-si¹ni³na³jin⁴ nca³ jin⁴ nca³ qui³ch⁷a²sje³xin²-lai⁴jin⁴ ntjao⁴-ve⁴. ²⁹ Jesús qui³tso²-le⁴: Ni⁴²i⁴tse¹-jin² ma³vi³tjo³ ntjao⁴ xo⁴ cjoan³-vi⁴, to⁴cao⁴ cjoa⁴v⁷e²ts⁷oa³ cao⁴ cjoa⁴vi³jna³nchjan³.

Jesús tsa³ca³co¹ya³-nca¹ni³ xi³ t⁷a³ts⁷e⁴ cjoa⁴vi³ya³-le⁴

(Mt. 17:22-23; Lc. 9:43-45)

³⁰ C⁷ia⁴ nca³ je³ji³tjo³-ni³ ya⁴-ve⁴, ja³a³to³jin³ na³nqui³ Galilea. Li²coi³ coan³me³-le⁴ nca³ scoe⁴ cho⁴ta⁴. ³¹ Jesús tsa³ca³co¹ya³-le⁴ cho⁴ta⁴-le⁴, c⁷oa⁴qui³tso²-le⁴: Je² nti¹-le⁴ cho⁴ta⁴ c⁷oai⁴t⁷a³-le⁴ ntsja³ cho⁴ta⁴. Si⁴c⁷en³ nca³ je². C⁷ia⁴ nca³

je³c²en³, cjoa^{4?}a¹ya³-ni³le⁴ nca³ coan⁴ jan² ni⁴čhjin³.
 32 To⁴nca³ cho⁴ta⁴-le⁴ li²coi³ coan³cho⁴ya³-le⁴ je²
 en¹-vi⁴. To⁴qui³tsa³cjon¹ nca³ scoi⁴na³nqui³-le⁴.

?ya¹ xi³ coa⁴sen⁴jna³ ti¹tjon²
(Mt. 18:1-5; Lc. 9:46-48)

33 Ji³cho² ya⁴ na⁴xi⁴na³nta¹ jñña³ Capernaum
 ?mi². C²ia⁴ nca³ je³ti¹jna³ ja⁴ya³ ni³?ya³,
 Jesús qui³sco²na³nqui³-le⁴ cho⁴ta⁴-le⁴: Jme¹ xi³
 ti³cho⁴va²ya³-nio³ ya⁴ya³ ntia⁴. 34 To⁴nca³ cho⁴ta⁴-
 le⁴ to⁴tsa³ca³tio²jyo¹. C²oa⁴-s²in² tsa³cjao¹ya³-ni³
 xi¹ncjin¹ ya⁴ya³ ntia⁴, ?ya¹ xi³ coa⁴sen⁴jna³ ti¹tjon².
 35 C²ia⁴ Jesús tsa³c²e²jna³, qui³nchja⁴-le⁴ xi³ te³jao²-
 ve⁴, qui³tso²-le⁴: Tsa² ?ya³ xi³ me³-le⁴ coa⁴sen⁴jna³
 ti¹tjon², c²oe¹jna³tjen⁴nqui³-le⁴ nca³ts*?i³*, c²oa⁴
 cho⁴nta³-le⁴ nca³ts*?i³* coan⁴. 36 Jesús qui³scoe¹
 jnco³ ?nti¹, qui³si³ca¹jna³ ?ncho²va³sen³-le⁴ nca³
 je². Tsa³c²a³nc²a³. Qui³tso²-le⁴ nca³ts*?i³* cho⁴ta⁴.
 37 Je² xi³ scoe¹tjao² jnco³ ?nti¹ xi³ t²a³ts²an⁴, an³ xi³
 scoe¹tjao²-na³, c²oa⁴ je² xi³ scoe¹tjao²-na³ nca³ an³,
 a³li² an³-jian²³ xi³ scoe¹tjao²-na³, to⁴nca³ scoe¹tjao²
 je² xi³ qui³si³ca³sen¹-na³.

Je² xi³ tsi² fi²co²ntran⁴-na¹, ja⁴t²a³tsan⁴ ti¹jna³
(Lc. 9:49-50)

38 Juan qui³nchja⁴, qui³tso²-le⁴: Maestro,
 jnco³ cho⁴ta⁴ tsa³?yai³jin⁴ xi³ cao⁴ jan³?ain¹-
 li⁴ v²a³sje³xin²-ni³ nai⁴ xi³ nta³jin³ xi³ tjio¹jin³
 ni⁴ma⁴-le⁴ cho⁴ta⁴, to⁴nca³ li²coi³ fi²t²a³-na¹.
 Tsa³ca³te³chjoa²-lai⁴jin⁴, nca³ li²coi³ ñña¹ fi²t²a³-na¹.
 39 Jesús qui³tso²: A³li² vi³yo³chjoa²-jion²³. Ni⁴ya³-
 jin² xi³ tjin¹ xi³ s²in¹ cjoa⁴xcon¹ cao⁴ jan³?ain¹-na⁴,

xi³ c⁷ia⁴ nti⁴ton⁴ coan⁴-le⁴ aon³ coi⁴nchja⁴-na³.
40 Je² xi³ tsi² fi²co²ntran⁴-na¹, ja⁴t²a³tsan⁴² ti¹jna³.
41 Xi³ cjoa⁴qui²xi⁴ xi³ xin³-no³ nca³ ni⁴?i⁴tse¹-jin²
 si⁴cha³ chji¹-le⁴ to⁴?ya³-ni³ve⁴ xi³ tsjoa¹ ?i⁴tse¹-no³
 na³nta¹ xi³ t²a³ts²an⁴, nca³ cho⁴ta⁴-le⁴ Cristo nio¹³.

Tsa² tjin¹ xi³ si¹cji³tson¹-li²
(Mt. 18:6-9; Lc. 17:1-2)

42 To⁴?ya³-ni³ve⁴ xi³ si⁴ca³jnqui³ je¹ jnco³ ?nti¹ xi³
 ma³cjain¹-le⁴ t²a³ts²an⁴, cjai¹-la² nca³ nta³-le⁴ tsa²
 jnco³ la⁴jao⁴ xi³ ts²e⁴ molino s²e⁴t²a³n²ion¹nqui³
 ya¹sin³, c⁷oa⁴ si⁴c⁷a³tjen⁴jin³ nta¹chi³con³ cho⁴ta⁴
 xo⁴ cji³-ve⁴. **43** Tsa² ntsai⁴ si¹cji³tson¹-li², to⁴sa³
 ti⁴cha³t²ai³. Nqui²sa⁴ nta³ tsa² coi⁴jna³choin³ nca³
 co³to³ ntsja³ ti³soi³, cao⁴-ni³ tsa² to⁴jo³ jao² ma³
 ntsai⁴, c⁷oa⁴ nca³ cha⁴ni²jin³-li² ya⁴ infierno, ya⁴jin³
 l²i¹ xi³ tsi² coan⁴ coi⁴ts²ao³, **44** jña³ nca³ tsi² coi³
 m²en³ cho⁴nto³-le⁴, c⁷oa⁴ ni⁴c⁷ia⁴-jin² fi³ts²ao³ l²i¹.
45 Tsa² ntso⁴coi³ si¹cji³tson¹-li², to⁴sa³ ti⁴cha³t²ai³.
 Nqui²sa⁴ nta³ tsa² coi⁴jna³choin³ chi⁴?nque¹, cao⁴-
 ni³ tsa² to⁴jo³ jao² ma³ ntso⁴coi³, c⁷oa⁴ nca³
 cha⁴ni²jin³-li² ya⁴ infierno, jña³ nca³ tjin¹ l²i¹ xi³
 tsi² coan⁴ coi⁴ts²ao³, **46** jña³ nca³ tsi² coi³ m²en³
 cho⁴nto³-le⁴, c⁷oa⁴ ni⁴c⁷ia⁴-jin² fi³ts²ao³ l²i¹. **47** Tsa²
 xcoin³ si¹cji³tson¹-li², ch²a⁴sjai³. Nqui²sa⁴ nta³
 tsa² coi⁴tja¹s²ain³jin³ cjoa⁴te¹xo³ma³-le⁴ Ni³na¹
 cao⁴ to⁴jnco³ xcoin³, cao⁴-ni³ tsa² nca³ jao² ma³
 xcoin³, c⁷oa⁴ nca³ cha⁴ni²jin³-li² ya⁴ infierno,
48 jña³ nca³ tsi² coi³ m²en³ cho⁴nto³-le⁴, c⁷oa⁴
 ni⁴c⁷ia⁴-jin² fi³ts²ao³ l²i¹. **49** Nca³ts²i³ coan⁴tsje³-ni³
 cao⁴ l²i¹, nca³yi³je³ cjoa⁴tjao² si⁴2jnčha³-ni³ na⁴xa⁴.
50 Nta³-ni¹ je² na⁴xa⁴-ve⁴, to⁴nca³ tsa² je² na⁴xa⁴-ve⁴

cha⁴jta³, jo¹-s²in² coan⁴ nqui²ntia³ c²oai⁴-le⁴ jta⁴. Ca²ta³s²e³jna³jin³ ni⁴ma⁴-no³ na⁴xa⁴-ve⁴. Nch²an¹ ti⁴yo³cao⁴³ xi²nquio⁴³.

10

Jesús tsa³ca³co¹ya³ xi³ t²a³ts²e⁴ nca³ tsjion¹ xi¹ncjin¹ cho⁴ta⁴

(Mt. 19:1-12; Lc. 16:18)

¹ Jesús ji³tjo³-ni³ ya⁴-ve⁴, ja³ai³ ya⁴ jñia³ na³nqui³ xi³ Judea ²mi², c²oa⁴ ja³a³to³t²a³ nta¹je⁴ Jordán. Coan³xco¹t²a³ nqui²ntia³-le⁴ cho⁴ta⁴ncjin².

Nqui²ntia³ Jesús tsa³ca³co¹ya³-le⁴ jo³-s²in² nca³ coan³nca³-le⁴. ² Cho⁴ta⁴ fariseos ji³cho²con³-le⁴, qui³sco²na³nqui³-le⁴, nca³ ch²ao³-s²in² si⁴2cao⁴ nca³ je²: A³ tjo³nte³-le⁴ xi³ x²in⁴ nca³ tsjion¹ chjon⁴2-le⁴.

³ To⁴nca³ Jesús qui³tso²-le⁴: Jo¹-s²in² tsa³c²e¹ne²-no³ Moisés. ⁴ Cho⁴ta⁴ fariseos qui³tso²: Moisés

qui³tsjoa³nte² nca³ s²e³nta³ xon⁴ nca³ coan⁴ tsjion¹ xi¹ncjin¹. ⁵ Jesús qui³tso²-le⁴: Coi³ nca³ xi¹jin³ ni⁴ma⁴-no³ qui³squi³-no³ je² cjoa⁴te¹xo³ma³-vi⁴. ⁶ Sa³nta³ qui³s²e³nta³ son³nte³-vi⁴, Ni³na¹ tsa³c²e¹nta³ xi³ x²in⁴ cao⁴ xi³ chjon⁴2. ⁷ Coi³-vi⁴ je² x²in⁴ si⁴2ca³tio¹ n²ai³-le⁴ na⁴-le⁴, c²oa⁴ chjon⁴2-le⁴ c²oe¹jna³cao⁴.

⁸ Je² xi³ jao² coan³-ni³ nca³ chjon⁴2 nca³ x²in⁴, to⁴ma³jnco³-ni³ yao³-le⁴. C²oa⁴-s²in² nca³ li² ti⁴jao² ma³-ni³ nca³ je², to⁴nca³ to⁴jnco³ yao³ coan³-ni³. ⁹ Je² xi³ Ni³na¹ tsa³c²e¹cjao², a³li² v²a³sje³xin²-jin² cho⁴ta⁴. ¹⁰ C²ia⁴ nca³ ji³cho² ni³ya³-le⁴ cho⁴ta⁴-le⁴ qui³sco²na³nqui³ nqui²ntia³-le⁴ Jesús xi³ t²a³ts²e⁴ ti⁴coi³-ni³ cjoa⁴.

¹¹ Jesús tso²-le⁴: To⁴ya³-ni³ve⁴ xi³ tsjion¹ chjon⁴2-le⁴, xi³ cja⁴ai¹

chjon⁴² vi³xan³cao⁴, si¹cha³jnqui³t⁷a³-le⁴ chjon⁴²-le⁴.
12 Tsa² chjon⁴² xi³ tsjion¹ x⁷in⁴-le⁴, xi³ cja^{4?}ai¹ x⁷in⁴
 vi³xan³cao⁴, c⁷oa⁴-ti⁴ si¹cha³jnqui³t⁷a³-le⁴ x⁷in⁴-le⁴.

Jesús qui³si³chi³con³t⁷ain³ ?nti¹xti³
(Mt. 19:13-15; Lc. 18:15-17)

13 Cho⁴ta⁴ ja^{3?}ai³ cha³ni²t⁷a³-le⁴ ?nti¹xti³
 Jesús, jme¹-ni³ nca³ si⁴cao⁴-si¹ni³. Cho⁴ta⁴-
 le⁴ qui³nchja⁴ti³cao⁴ je² xi³ ja^{3?}ai³cao⁴. **14** C⁷ia⁴
 nca³ Jesús tsa³ve³, coan³jt³-le⁴, qui³tso²-le⁴:
 T⁷ai²nte³-lao⁴³ ca²tji³nčhoa¹con³-na³ ?nti¹xti³-ve⁴,
 a³li² v⁷e²chjoa²-jin²lao⁴³, nca⁴ c⁷oa⁴-s⁷in² cjoan³
 je² xi³ ts⁷e⁴ cjoa⁴te¹xo³ma³-le⁴ Ni³na¹. **15** Xi³
 cjoa⁴qui²xi⁴ xi³ xin³-no³, to⁴ya³-ni³ve⁴ xi³ tsi² scoe¹
 je² cjoa⁴te¹xo³ma³-le⁴ Ni³na¹ jo³-ni³ tsa² ?nti¹xti³
 scoe¹ xi³ v⁷ai²-le⁴, li²coi³coan⁴cjoa^{4?}a³s⁷en³. **16** Jesús
 tsa³c⁷a³nc⁷a³ ?nti¹xti³-ve⁴, tsa³ca¹yo³son²-le⁴ ntsja³,
 qui³si³chi³con³t⁷ain³.

Jnco³cho⁴ta⁴nchi⁴na¹
(Mt. 19:16-30; Lc 18:18-30)

17 C⁷ia⁴ nca³ Jesús ji³tjo³-ni³ nca³ coai⁴
 ya⁴³ ntia⁴², ji³nčhoa³ to³ca³nčh⁷oe² jnco³ xi³
 tsa³ca³sen²xco¹nch⁷in³ nqui³xcon⁴ nca³ je²,
 qui³sco²na³nqui³-le⁴: Maestro ntai³, jme¹
 cjoa⁴nta³ xi³ s⁷ian³ jme¹-ni³ nca³ s⁷e⁴-si¹ni³na³
 cjoa⁴vi³jna³chon³ nca³ntsjai². **18** Jesús qui³tso²-le⁴:
 A¹-ni³ nca³ cho⁴ta⁴ntai³ ?mi²-si¹ni³nai¹³, ni^{4?}ya³-jin²
 xi³ nta³, to⁴jnco³ je² Ni³na¹. **19** Je² cjoa⁴te¹xo³ma³
 ji³ ?yai³: A³li² ni²c⁷en³-jin²³, a³li² ni²che¹-jin²³, a³li²
 va³sen²nti³so³-jin²lai⁴ xi³c⁷a³, a³li² ch⁷a²na⁴cha⁴-
 jin²³, jcha⁴xcoin¹³ n⁷ai³-li⁴ na⁴-li⁴. **20** Cho⁴ta⁴-ve⁴

qui³tso²-le⁴: Maestro, je² nca³yi³je³ xi³ ?mi²-nai¹³, ña³qui³ c²oa⁴-s²in² qui³si³tjo³soan²³ jo³ sa³nta³ nca³ xtia³. ²¹ C²ia⁴ Jesús qui³sco²tsen³-le⁴ coan³tsjoa³que³, qui³tso²-le⁴: Nqui²jnco³-sa³ cjoa⁴ xi³ cha³-li². T²in³, ta⁴te²nai³ nca³yi³je³ xi³ tjin¹-li², t²ai²-lai⁴ je² xi³ yo⁴ma⁴, s²e⁴-li² cjoa⁴nchi⁴na¹ ya⁴ nc²a³jmi³. Nčhoai¹³, nčhoa¹t²a³-nai¹³, ch²a¹mi³ cro²-li⁴. ²² Coan³fao¹-le⁴ cho⁴ta⁴-ve⁴ c²ia⁴ nca³ qui³nčh²oe¹ je² en¹-vi⁴. Cjai¹nca³ fao¹-le⁴ nca³ qui³, nca³ ncjin² tso³jmi² xi³ tjin¹-le⁴. ²³ C²ia⁴ Jesús qui³sco²tsen³ntai³, qui³tso²-le⁴ cho⁴ta⁴-le⁴: A³li² to⁴c²oa⁴ci³ ñ²ain³ coan⁴le⁴ cjoa⁴a³s²en³jin³ cjoa⁴te¹xo³ma³-le⁴ Ni³na¹ je² xi³ cjoa⁴nchi⁴na¹ tjin¹-le⁴. ²⁴ Cho⁴ta⁴-le⁴ to⁴coan³xcon¹-le⁴ cao⁴ je² en¹-le⁴. To⁴nca³ Jesús qui³tso² nqui²ntia³-le⁴: Jon² xi³ ?nti¹xtio³, cjai¹nca³ to⁴ñ²ain³ fa³a³s²en³ cjoa⁴te¹xo³ma³-le⁴ Ni³na¹ je² xi³ taon⁴-le⁴ n²ion¹t²a³con³ yao³-le⁴. ²⁵ Li²coi³ to⁴jo³ ñ²ain³ nca³ cjoa⁴a³s²en³ jnco³ camello jñia³ ti⁴x²a⁴ xcon⁴ ni³nto³ cao⁴-ni³ tsa² nca³ cjoa⁴a³s²en³jin³ cjoa⁴te¹xo³ma³-le⁴ Ni³na¹ jnco³ cho⁴ta⁴nchi⁴na¹. ²⁶ Cho⁴ta⁴-le⁴ to⁴nqui²sa⁴-sa³ coan³xcon¹-le⁴, qui³tso²-le⁴ xi³ncjin¹: ?ya¹-ni³ tso²c²oa⁴ xi³ coan⁴ coi⁴tjo³ntjai². ²⁷ C²ia⁴ Jesús qui³sco²tsen³-le⁴, qui³tso²: Cho⁴ta⁴-le⁴ li²coi³ coan⁴-le⁴, to⁴nca³ Ni³na¹ coan⁴-le⁴. Nca³yi³je³ cjoa⁴ coan⁴-le⁴ Ni³na¹. ²⁸ C²ia⁴ Pedro tsa³c²e¹ts²ia⁴cao⁴ nca³c²oa⁴qui³tso²-le⁴: Coe⁴-ni³, jin⁴jin⁴ je³qui³ni²ca³toi¹⁴jin⁴ nca³yi³je³, c²oa⁴ ji³nčhoa³t²a³-lai²jin⁴ nca³ji³. ²⁹ Jesús qui³tso²: Xi³ cjoa⁴qui²xi⁴ xi³ xin³-no³, nca³ ni⁴?ya³-jin² xi³ tjin¹ xi³ qui³si³c²e¹jna³ ni³?ya³-le⁴, a³xo⁴ nts²e⁴, a³xo⁴ nti³chja³, a³xo⁴ n²ai³-le⁴, a³xo⁴ na⁴-le⁴, a³xo⁴ chjon⁴-

le⁴, a³xo⁴ xti³-le⁴, a³xo⁴ na³nqui³-le⁴, xi³ to⁴t⁷a³ts⁷an⁴, xi³ to⁴t⁷a³ts⁷e⁴ je² en¹nta³-na⁴, **30** xi³ tsi² nt⁷ai⁴-vi⁴ nca³ je² ni⁴čhjin³-vi⁴ nqui²sa⁴ ncjin² ya³ c⁷oa⁴tjin¹ c⁷oai⁴-le⁴ ni³ya³-le⁴, cao⁴ nts⁷e⁴, cao⁴ nti³chja³, cao⁴ na⁴-le⁴, cao⁴ xti³-le⁴, cao⁴ na³nqui³-le⁴, c⁷oa⁴ cao⁴ cjoa⁴ñ⁷ain³, c⁷oa⁴ c⁷ia⁴ ni⁴čhjin³ xi³ cjoa⁴ai¹ s⁷e⁴-le⁴ cjoa⁴vi³jna³chon³ nca³ntsjai². **31** To⁴nca³ ncjin² xi³ ma³ti¹tjon², c⁷ia⁴ cjoet⁷a³-ni³ coan⁴, c⁷oa⁴ je² xi³ fe³t⁷a³-ni³ ti¹tjon³ coan⁴.

Jesús tsa³ca³co¹ya³-nca¹ni³ xi³ t⁷a³ts⁷e⁴ cjoa⁴vi³ya³-le⁴

(Mt. 20:17-19; Lc. 18:31-34)

32 Ya⁴ tjio¹ma³ ya⁴ ntia⁴ nca³ tjio¹fi²mi³ ?nta³ na⁴xi⁴na³nta¹ Jerusalén. Jesús tjen⁴ti¹tjon²-le⁴ cho⁴ta⁴-le⁴. To⁴coan³xcon¹-le⁴ cho⁴ta⁴-le⁴. C⁷oa⁴ je² cho⁴ta⁴ncjin² xi³ qui³tjen⁴nqui³-le⁴ qui³tsa³cjon¹. C⁷ia⁴ nqui²ntia³ qui³cao⁴ t⁷a³xin² xi³ te³jao²-ve⁴. C⁷ia⁴ tsa³c⁷e¹ts⁷ia⁴cao⁴ nca³ qui³tso²-le⁴ je² cjoa⁴ xi³ coan⁴ti¹ain³. **33** Coe⁴-ni³, ma³nquin¹mia³² ya⁴ na⁴xi⁴na³nta¹ Jerusalén. Cho⁴ta⁴ti¹tjon²-le⁴ na⁴?mi³ cao⁴ cho⁴ta⁴ scribano scoe¹ ?nti¹-le⁴ cho⁴ta⁴, tsjoa¹-le⁴ cjoa⁴ñ⁷ain³ xi³ ts⁷e⁴ cjoa⁴vi³ya³, c⁷oa⁴ sca⁴ni²t⁷a³-le⁴ cho⁴ta⁴ xi³ li² Judío-jin². **34** Taon³ scoe⁴ ?nti¹-le⁴ cho⁴ta⁴, coa⁴le⁴, c⁷oe⁴cha¹jon³ nca³ je², si⁴2c⁷en³ nca³ je², to⁴nca³ xi³ coan⁴jan² ni⁴čhjin³ cjoa⁴ai¹ya³-ni³le⁴.

Cjoa⁴ xi³ qui³si³je¹ Jacobo cao⁴ Juan

(Mt. 20:20-28)

35 C⁷ia⁴ Jacobo cao⁴ Juan xi³ ?nti¹-le⁴ Zebedeo, ji³cho²con³-le⁴, c⁷oa⁴qui³tso²-le⁴: Maestro, coi³ xi³ me³-na³jin⁴ nca³ c⁷oa⁴s⁷iain⁴ xi³ t⁷a³tsain⁴-jin⁴

to⁴jme³-ni³ve⁴ xi³ si⁴jai¹⁴-jin⁴. ³⁶ Jesús c⁷oa⁴qui³tso²-le⁴: Jme¹-ni³ xi³ me³-no³ nca³ s⁷ian³ xi³ t⁷a³tsaon⁴³. ³⁷ Jacobo cao⁴ Juan qui³tso²-le⁴: C⁷ia⁴ nca³ s⁷e⁴-li² cjoa⁴te¹xo³ma³ cao⁴ cjoa⁴je³ya³-li⁴, t⁷ai²n⁷nte³-na³jin⁴ nca³ coi⁴yo³t⁷a³-lai²jin⁴, jnco³ nca³qui²xi⁴-li⁴ xi³jnco³ nca³scon¹-li⁴. ³⁸ C⁷ia⁴ Jesús qui³tso²-le⁴: Li²coi³ ⁷yao³ jme³ xi³ ni²jao¹³. A³ coan⁴ s⁷io⁴yao³ cho⁴tsin¹ xi³ an³ ti²vi⁴ya³, a³xo⁴ coan⁴² sa⁴te¹nta¹-nio³ cao⁴ cjoa⁴ñ⁷ain³ jo³-s⁷in² nca³ an³ ti¹sa³te¹nta¹-nia³. ³⁹ Je² xi³ jao²-ve⁴ qui³tso²-le⁴: Coan⁴-na³jin⁴. Jesús c⁷oa⁴qui³tso²-le⁴: Xi³ cjoa⁴qui²xi⁴, je² cho⁴tsin¹cjoa⁴ñ⁷ain³-na⁴ xi³ an³ ti²vi⁴ya³, s⁷io⁴ya³-nio¹³, c⁷oa⁴ jo³-s⁷in² nca³ an³ ti¹sa³te¹nta¹-nia³ cao⁴ cjoa⁴ñ⁷ain³, c⁷oa⁴-ti⁴s⁷in² sa⁴te¹nta¹-nio³. ⁴⁰ To⁴nca³ xi³ coi⁴yo³t⁷a³-nao¹³ nca³qui²xi⁴-na⁴ cao⁴ nca³scon¹-na⁴, a³li² an³-jian²³ xi³ tsjоa³-le⁴. To⁴je² xi³ ti¹jna³nta³ xi³ t⁷a³ts⁷e⁴ c⁷oai⁴-le⁴ ⁷nte³-ve⁴. ⁴¹ C⁷ia⁴ je² xi³ te³-ve⁴ c⁷ia⁴ nca³ qui³nch⁷oe¹-le⁴, tsa³c⁷e¹ts⁷ia⁴cao⁴ nca³ coan³jti³-le⁴ xi³ t⁷a³ts⁷e⁴ Jacobo cao⁴ Juan. ⁴² To⁴nca³ Jesús qui³tso²-le⁴: Jon² ⁷yao³ nca³je² xi³ cho⁴ta⁴ti¹tjon²-le⁴ cho⁴ta⁴ xi³ li² judío-jin², si¹c⁷e¹yo³nqui³ cho⁴ta⁴-le⁴ xi³ t⁷a³ts⁷e⁴ cjoa⁴te¹xо³ma³-le⁴, c⁷oa⁴ je² xi³ nca³jco⁴-le⁴ je² xi³ tjin¹-le⁴ ⁷nte³ nca³ va³te¹xо³ma³. ⁴³ To⁴nca³jin³-le⁴ nca³jon², li²coi³c⁷oa⁴coan⁴, to⁴sa³ to⁴ya³-ni³ve⁴ xi³ me³-le⁴ nca³je³ya³ c⁷oe¹yo³jin³-no³ nca³jon², ca²ta³si¹xa¹-le⁴ xi³c⁷a³. ⁴⁴ C⁷oa⁴ to⁴ya³-ni³ve⁴ nca³jon² xi³ me³-no³ nca³coi⁴ncha³ti¹tjon², cho⁴nta³-no³ nca³ts⁷io³ ca²ta³ma³ nca³je². ⁴⁵ Nta³ tsa²je² ⁷nti¹-le⁴ cho⁴ta⁴, li²coi³ja³ai³ nca³si⁴xa¹-le⁴, to⁴nca³je² xi³ si⁴xa¹, c⁷oa⁴tsjоa¹ ni⁴ma⁴-le⁴ nca³

c⁷oe⁴chji¹ntjai² ncjin² cho⁴ta⁴.

Bartimeo coan³tsen³nqui²ntia³-le⁴
(Mt. 20:29-34; Lc. 18:35-43)

⁴⁶ C⁷ia⁴ ja³ai³ na⁴xi⁴na³nta¹ xi³ Jericó ?mi². C⁷ia⁴ nca³ ji³tjo³-ni³ ya⁴ Jericó cao⁴ cho⁴ta⁴-le⁴, cao⁴ xi³ cho⁴ta⁴ncjin², Bartimeo xi³ xca⁴ cji³, xi³ ?nti¹-le⁴ Timeo, ti¹jna³ntai³ ntia⁴2, ti¹si¹je¹ caridad. ⁴⁷ C⁷ia⁴ nca³ qui³nchoe¹ nca³ ti¹jna³ Jesúz xi³ Nazaret ts²e⁴, tsa³c⁷e¹ts²ia⁴cao⁴ nca³ qui³squi³ntia¹t²a³, qui³tso²: Jesúz, ?nti¹-le⁴ David, jcha⁴ma⁴ta³con²-nai¹³. ⁴⁸ Ncjin² ma³-ni³ xi³ qui³nchja⁴ti³cao⁴ Bartimeo, jme¹-ni³ nca³ jyo¹ ca²ta³v⁷e²jna³-si¹ni³. To⁴nca³ je² to⁴nqui²sa⁴ n⁷ion¹ qui³nchja⁴: ?nti¹-le⁴ David, jcha⁴ma⁴ta³con²-nai¹³. ⁴⁹ C⁷ia⁴ Jesúz tsa³ca³sen²jna³, tsa³c⁷e¹ne² nca³ coi⁴nchja⁴-le⁴. Qui³nchja⁴-le⁴ cho⁴ta⁴xca⁴-ve⁴, qui³tso²-le⁴: Ca²ta³ma³n⁷ion¹ta³coin²³, ti⁴so¹tjain⁴, ti¹nchja⁴-li². ⁵⁰ C⁷ia⁴ Bartimeo tsa³cja³a¹xin² tso⁴nca⁴-le⁴, ji³so²tjen⁴, ja³ai³nch⁷oe² Jesúz. ⁵¹ C⁷ia⁴ Jesúz qui³tso²-le⁴: Jme¹-ni³ xi³ me³-li² nca³ si³cao⁴-le²³. Cho⁴ta⁴xca⁴-ve⁴ qui³tso²le⁴: Me³-na³ nca³ coan⁴tsen³ nqui²ntia³-na³. ⁵² Jesúz qui³tso²-le⁴: T⁷in³-la²ntai³, coi³ nca³ ma³cjain¹-li² ca²ma³nta³-ni³. Nti⁴ton⁴ coan³tsen³-le⁴, qui³cao⁴ Jesúz ya⁴3 ntia⁴2 jan¹.

11

Jesúz ja³a³s⁷en³ya⁴na⁴xi⁴na³nta¹Jerusalén
(Mt. 21:1-11; Lc. 19:28-40; Jn. 12:12-19)

¹ C⁷ia⁴ nca³ ji³cho²čhian³-le⁴ na⁴xi⁴na³nta¹ Jerusalén, jña³ nca³ Betfagé ?mi², cao⁴ xi³ Betania

?mi², ya⁴ ni³nto³ xi³ Olivos ?mi², Jesús qui³si³ca³sen¹ jao² cho⁴ta⁴-le⁴, ² c²oa⁴qui³tso²-le⁴: Ta⁴nquion¹³ ya⁴ na⁴xi⁴na³nta¹ xi³ ti¹jna³tsen³-ve⁴. Nti⁴ton⁴ nca³ coi⁴tja¹s²aon³, coan⁴sjai³-no³ jnco³ bo¹rro¹nti¹ xi³ ya⁴ ti¹jna³t²a³n²ion¹, xi³ ni⁴-sa³ ?ya³-jin² cho⁴ta⁴ tsa³c²e²jna³son²-le⁴. Chjo¹jnta¹?ñó¹³, nčhoa¹cao⁴-nao¹³. ³ Tsa² ?ya³-ni³ve⁴ xi³ jo³ coi⁴tso⁴-no³: A¹-ni³ c²oa⁴n²ian²-si¹nio³ coi³-vi⁴. C²oa⁴t²in²-lao⁴ nca³ je² Nai³-na¹ ma³chjen¹-le⁴. C²oa⁴ si⁴ca³sen¹ nti⁴ton⁴-nca¹ni³ i⁴-vi⁴. ⁴ Cho⁴ta⁴-le⁴ qui³-?ni³, coan³sjai³-le⁴bo¹rro¹nti¹-ve⁴ xi³ ya⁴ ti¹jna³t²a³n²ion¹ nti³tsin³ xo⁴ntjoa⁴, ya⁴ jñá³ nca³ fa³?a³cja¹cro²-le⁴ xi¹ncjin¹ ntia⁴², qui³sco³jnta¹n²ion¹. ⁵ Cho⁴ta⁴ ya⁴ tjio¹, jnco³ qui³tso²-le⁴: Jme¹ xi³ s²ian⁴-nio³ nca³ ti³chjo³jnta¹?ñó¹-si¹nio³ bo¹rro¹nti¹-ve⁴. ⁶ C²ia⁴ cho⁴ta⁴-le⁴ Jesús c²oa⁴qui³tso²-le⁴ jo³ qui³tso² Jesús. C²ia⁴ cho⁴ta⁴ qui³tsjоa³nte²-le⁴ nca³ coai⁴cao⁴. ⁷ Ja³?ai³cao⁴-le⁴ Jesús je² bo¹rro¹nti¹-ve⁴. Cho⁴ta⁴-le⁴ tsa³ca¹son²-le⁴ tso⁴nca⁴-le⁴. Jesús tsa³c²e²jna³son²-le⁴. ⁸ Ncjин² cho⁴ta⁴ xi³ tsa³ca¹nta³-le⁴ na³jñó³-le⁴ ya⁴ya³ ntia⁴². C²oa⁴ xi³c²a³ xca⁴-le⁴ ya¹ tsa³ca³te³. Tsa³ca¹nta³-le⁴ ya⁴³ ntia⁴². ⁹ Je² xi³ tjen⁴ti¹tjon², c²oa⁴ je² xi³ tjen⁴nqui³, n²ion¹ qui³nchja⁴, tjio¹tso²: Viva. Jo¹ to⁴nta³-le⁴ je² xi³ nčhoa¹ nca³jao³-le⁴ Nai³-na¹. ¹⁰ Jo¹ to⁴nta³-le⁴ je² cjoa⁴te¹xo³ma³-le⁴ n²ai³-na¹ David xi³ nčhoa¹. Viva xi³ nqui²sa⁴ nc²a³. ¹¹ Jesús ja³?a³s²en³ ya⁴ na⁴xi⁴na³nta¹ Jerusalén, qui³s²en³ ja⁴ya³ yo⁴nco⁴. Qui³sco²tsen³ntai³-le⁴ nca³yi³je³ tso³jmi². Coi³ nca³ je³coan³xon², ji³tjo³ nta³ na⁴xi⁴na³nta¹ Betania cao⁴ xi³ te³jao²-ve⁴.

*Qui³nchja⁴aon³ya¹ higo
(Mt. 21:18-19)*

¹² Xi³ coan³nchaon³-ni³ c⁷ia⁴ nca³ ji³tjo³-ni³ Be-tania, coan³vao³-le⁴. ¹³ Cjin³ tsa³ve³-ni¹ jnco³ ya¹ higo xi³ tjin¹-le⁴ xca⁴. Ji³cho²čhian³-le⁴ tsa² jme³ to³-le⁴ xi³ so⁴co²-le⁴. To⁴nca³ c⁷ia⁴ nca³ ji³cho²nčh⁷oe², ni⁴jme³-jin² to³ xi³ qui³so³co³-le⁴, to⁴xca⁴ ni¹, nca³ tsi² tsa² c⁷ia⁴ ni⁴čhjin³-le⁴ higo. ¹⁴ C⁷ia⁴ Jesúus qui³tso²-le⁴ je² ya¹ higo: Ni⁴ya³-jin²xi³ ti⁴squi⁴ne⁴-ni³ to³-li⁴ nca³ntsjai² ni⁴čhjin³. Cho⁴ta⁴-le⁴ qui³nčh⁷oe¹ je²-vi⁴.

*Jesúus qui³si³tsje³yo⁴nco⁴
(Mt. 21:12-17; Lc. 19:45-48; Jn. 2:13-22)*

¹⁵ Ja³?ai³ ya⁴ na⁴xi⁴na³nta¹ Jerusalén, c⁷oa⁴ Jesúus ja³?a³s⁷en³ yo⁴nco⁴. Tsa³c⁷e¹ts⁷ia⁴cao⁴ nca³ qui³ts⁷aon³sje³ je² xi³ tji¹va³te¹na³, xi³ tji¹va³tse³ ya⁴ya³ yo⁴nco⁴. Qui³sca³ni¹ti¹cja¹ ya¹mi²xa⁴-le⁴ je² xi³ tji¹si¹c⁷a³ntjai² taon⁴. Qui³sca³ni¹ti¹cja¹ ya¹xi²le⁴-le⁴ je² xi³ tji¹va³te¹na³ ni⁴se³ paloma. ¹⁶ Li²coi³ qui³tsjoa³?nte² nca³ ?ya³ xi³ ch⁷a¹ fa³?a³to³ya³cao⁴ yo⁴nco⁴. ¹⁷ Tsa³ca³co¹ya³-le⁴ qui³tso²: A³ tsi² tji¹t⁷a³ nca³ je² nt⁷ia³-na⁴ c⁷oa⁴c⁷oin¹-le⁴ nt⁷ia³ jňa³ v⁷e¹ts⁷oa³ya³ nca³ts⁷i³ cho⁴ta⁴, to⁴nca³ jon² nqui³jao³-le⁴ che¹ ti³n⁷iaon²³. ¹⁸ Cho⁴ta⁴ scribano cao⁴ cho⁴ta⁴ti¹tjon²-le⁴ na⁴?mi³ qui³nčh⁷oe¹-le⁴. Tsa³ca¹sjai³ jo³-s⁷in² si⁴2c⁷en³ nca³ je². To⁴nca³ qui³tsa³cjon¹-le⁴ Jesúus, nca⁴ nca³ts⁷i³ cho⁴ta⁴ jo³ to⁴coan³xcon¹-le⁴ cjoa⁴ xi³ t⁷a³ts⁷e⁴ cjoa⁴fa³?ai³tsjen³-le⁴. ¹⁹ C⁷ia⁴ nca³ je³coan³xon² Jesúus ji³tjo³-ni³ na⁴xi⁴na³nta¹ Jerusalén.

*Je³qui³xi²ya¹ higo
(Mt. 21:19-22)*

20 C⁷ia⁴ nca³ ta⁴njion² ya⁴ ja^{3?}a³to³-nca¹ni³ jñna³ s²e³jna³ ya¹ higo. Tsa³ve³ nca³ je³qui³xi² ya¹ higo sa^{3?}nta³ ja⁴ma⁴-le⁴. **21** C⁷ia⁴ Pedro ja^{3?}ai³tsjen³-le⁴, qui³tso²-le⁴: Maestro, coe⁴-ni³ je² ya¹ higo xi³ qui³no²cjoa⁴aon³-lai⁴. Je³qui³xi². **22** Jesús qui³tso²-le⁴: Ca²ta³ma³cjain¹-no³ t⁷a³ts⁷e⁴ Ni³na¹. **23** Xi³ cjoa⁴qui²xi⁴ xi³ xin³-no³, nca³ to⁴ya³-ni³ve⁴ xi³ c⁷oa⁴coi⁴tso⁴-le⁴ je² ni³nto³-vi⁴: Ti⁴se⁴xin²³, ca²ta³ni²c⁷a³tjen⁴jin³-li² nta¹chi³con³, tsa² v⁷e¹jnco³con³ ni⁴ma⁴-le⁴ nca³ ma³cjain¹-le⁴ nca³ c⁷oa⁴coan⁴je² xi³ tso², je² xi³ coi⁴tso⁴ c⁷oa⁴coan⁴-le⁴. **24** Coi³ nca³ c⁷oa⁴xin³-no³, nca³yi³je³ to⁴jme³-ni³ xi³ ni²-jao¹³ nca³ v⁷e²ts⁷oao³ Ni³na¹, ca²ta³ma³cjain¹-no³ nca³ c⁷oa⁴2-s²in²s²e⁴-no³, c⁷oa⁴c⁷oa⁴2-s²in² cjoa⁴ai¹-no³. **25** C⁷ia⁴ nca³ ti³ncha³nto³ nca³ v⁷e²ts⁷oao³ Ni³na¹, ti⁴cha³t⁷a³-lao⁴ tsa² jme³ xi³ tjin¹-no³ t⁷a³ts⁷e⁴ co²ntran⁴-no³, jme¹-ni³ nca³ je² N⁷ai³-no³ xi³ ti¹jna³ nc⁷a³jmi³ c⁷oa⁴-ti⁴ si⁴cha³t⁷a³-si¹ni³no³ nca³ jon² je² cjoa⁴ts⁷en⁴-no³. **26** To⁴nca³ tsa² tsi² si⁴cha³t⁷a³-lao⁴ cho⁴ta⁴, c⁷oa⁴-li⁴ je² N⁷ai³-no³ xi³ ti¹jna³ nc⁷a³jmi³ li²coi³ si⁴cha³t⁷a³-no³ cjoa⁴ts⁷en⁴-no³.

*Qui³sco²na³nqui³ xi³ t⁷a³ts⁷e⁴ cjoa⁴te¹xo³ma³-le⁴
Jesús*

(Mt. 21:23-27; Lc. 20:1-8)

27 Qui³-nca¹ni³ ya⁴ Jerusalén. C⁷ia⁴ nca³ Jesús tso²va³ya³ yo⁴nco⁴, cho⁴ta⁴ti¹tjon²-le⁴ na⁴?mi³ cao⁴ cho⁴ta⁴ scribano cao⁴ cho⁴ta⁴jchi¹nca³ ja^{3?}ai³con²-le⁴ Jesús. **28** Qui³tso²-le⁴: Jme¹ cjoa⁴te¹xo³ma³-ni³

xi³ tsjoa¹-li² ?nte³ nca³ c⁷oa⁴n⁷iain²³ je² cjoa⁴-
 vi⁴. ?ya¹-ni³ je² xi³ qui³tsjoa³-li² je² cjoa⁴te¹xo³ma³
 nca³ c⁷oa⁴s⁷ian⁴-si¹ni³. ²⁹ C⁷ia⁴ Jesús qui³nchja⁴
 qui³tso²-le⁴: C⁷oa⁴-ti⁴ ar³ sco³na³nqui³-no³ jnco³
 cjoa⁴. Ti⁴no²cjoa⁴-nao¹³, c⁷ia⁴ c⁷oa⁴xin¹-no³
 jña³-le⁴ cjoa⁴te¹xo³ma³ xi³ tsjoa¹?nte³-na³ nca³
 c⁷oa⁴-s⁷ian³ je² cjoa⁴-vi⁴. ³⁰ Je² cjoa⁴sa³te¹nta¹
 xi³ qui³s⁷in³ Juan, a³ ts⁷e⁴ nc⁷a³jmi³ ni¹, a³xo⁴
 ts⁷e⁴ cho⁴ta⁴ ni¹. Ti⁴no²cjoa⁴-nao¹³. ³¹ C⁷ia⁴
 na⁴mi³ cao⁴ cho⁴ta⁴ scribano cao⁴ cho⁴ta⁴jchi¹nca³
 tsa³cjao¹ya³-ni³, qui³tso²: C⁷ia⁴ tsa² coi⁴xoan¹
 nca³ ts⁷e⁴ nc⁷a³jmi³ ni¹, c⁷oa⁴coi⁴tso⁴-jin²ni³:
 A¹-ni³ nca³ tsi² coan³cjain¹-si¹ni³no³ xi³ t⁷a³ts⁷e⁴.
³² C⁷ia⁴ tsa² c⁷oa⁴coi⁴xoan¹ nca³ ts⁷e⁴ cho⁴ta⁴
 ni¹, jcon³-le⁴ cho⁴ta⁴na⁴xi⁴na³nta¹ nca⁴ nca³ts⁷i³
 c⁷oa⁴qui³tso² nca³ ña³qui³ cjoa⁴qui²xi⁴ nca³ Juan
 jnco³ xi³ nchja⁴ya³ t⁷a³ts⁷e⁴ Ni³na¹. ³³ C⁷ia⁴
 qui³nchja⁴-nca¹ni³le⁴ Jesús: Li²coi³ ?yai³-jin⁴. C⁷ia⁴
 Jesús qui³tso²: Ni⁴an³-jin² c⁷oa⁴xin¹-no³ jña³-le⁴
 cjoa⁴te¹xo³ma³ xi³ tsjoa¹?nte³-na³ nca³ c⁷oa⁴s⁷ian³
 je² cjoa⁴-vi⁴.

12

Cjoa⁴-le⁴ xca⁴-le⁴ to³tse⁴ cao⁴ cho⁴ta⁴ xi³ si¹xa¹son²
(Mt. 21:33-46; Lc. 20:9-19)

¹ Jesús tsa³c⁷e¹ts⁷ia⁴cao⁴ nca³ tsa³cja¹cao⁴ cao⁴
 cjoa⁴xco¹son²: Jnco³ cho⁴ta⁴x⁷in⁴ tsa³ca¹ntje² xca⁴-
 le⁴ to³tse⁴, tsa³c⁷e¹nch⁷oa¹ntai³-le⁴, tsa³nqui³ya³,
 tsa³c⁷e¹jna³nta³ jnco³ máquina xi³ si¹ts⁷ion³nqui²-
 ni³ na³nta¹-le⁴ to³tse⁴. Tsa³c⁷e¹nta³ jnco³
 xja¹nc⁷a³, qui³si³quin³ya³son²-le⁴ cho⁴ta⁴ xi³

si¹xa¹son². C²ia⁴ qui³ jñ^a³ nca³ cjin³. ² C²ia⁴ nca³ ji³cho² ni⁴čhjin³-le⁴ nca³ s⁷e³xco¹ to³tse⁴²-ve⁴, qui³si³ca³sen¹con³-le⁴ je² cho⁴ta⁴ xi³ si¹xa¹son²-ve⁴ jnco³ cho⁴nta³, jme¹-ni³ nca³ tsjoa¹-si¹ni³le⁴ tso³jmi²-ve⁴ xi³ je² v⁷a³cao⁴-le⁴. ³ To⁴nca³ je² cho⁴ta⁴ xi³ si¹xa¹son² qui³tsoa³ cho⁴nta³-ve⁴, qui³si³qui²aon³, qui³sca³ni¹cji³tia³. ⁴ Je² nai³-le⁴ ti⁴qui³si³ca³sen¹ nqui²jnco³-nca¹ni³ cho⁴nta³. To⁴nca³ nqui²ntia³ cho⁴ta⁴-ve⁴ to⁴la⁴jao⁴ tsa³c⁷e¹-le⁴, qui³si³qui²aon³ jco⁴, qui³ts⁷aon³tjen⁴nqui³ cao⁴ cjoa⁴ts⁷en⁴. ⁵ Je² nai³-le⁴ti⁴qui³si³ca³sen¹ nqui²jnco³-nca¹ni³ cho⁴nta³. Cho⁴ta⁴-ve⁴ ña³qui³ qui³si³c⁷en³-ni¹ nca³ je². Ncjin² xi³ c⁷oa⁴qui³si³cao⁴, tjin¹ xi³ to⁴qui³si³qui²aon³-ni³, c⁷oa⁴ tjin¹ xi³ ña³qui³ qui³si³c⁷en³-ni³. ⁶ Je² nai³-le⁴ to⁴jo³ tjin¹-sa³le⁴ jnco³ nti¹ xi³ tsjoa³que³, c⁷oa⁴-ti⁴ qui³si³ca³sen¹ nca³ je². Je² xi³ je³t⁷a³-ni³. Scoe⁴xcon¹ ti³-na⁴, qui³tso². ⁷ To⁴nca³ je² cho⁴ta⁴-ve⁴ xi³ si¹xa¹son²-ve⁴, qui³tso²-le⁴ xi¹-ncjin¹: Je²-vi⁴ xi³ c⁷oai⁴cjoa⁴tjao²-le⁴ xca⁴-le⁴ to³tse⁴²-vi⁴. Tjian¹ si⁴c⁷en³-nia¹ jme¹-ni³ nca³ cjoa⁴tjao²-le⁴ tsan⁴ coan⁴-ni³. ⁸ Qui³tsoa³ ti³-ve⁴, qui³si³c⁷en³ nca³ je², qui³si³c⁷a³tjen⁴ t⁷a³xin². ⁹ Je² nai³-le⁴ xca⁴-le⁴ to³tse⁴²-ve⁴, jme¹ xi³ si⁴2cao⁴-ni³ tso²c⁷oa⁴ je² cho⁴ta⁴-ve⁴. Cjoi⁴nčhoa³ c⁷oa⁴ si⁴2qui³xo²ya³ je² cho⁴ta⁴ xi³ si¹xa¹son²-ve⁴, c⁷oa⁴ xca⁴-le⁴ to³tse⁴²-le⁴ tsjoa¹son²-le⁴ xi³ cja⁴ai¹. ¹⁰ A³ tsi² tsa³c⁷e²xquiao³ xon⁴ Escritura: Je² la⁴jao⁴ xi³ qui³si³c⁷a³tjen⁴ cho⁴ta⁴ xi³ v⁷e¹nta³ ni³ya³, je²-vi⁴ xi³ coan³ la⁴jao⁴xi⁴nqui⁴. ¹¹ Je² Nai³-na¹ c⁷oa⁴qui³s⁷in³ je²-vi⁴, ña¹ to⁴ma³xcon¹-na¹ nca³ ya³². ¹² Cho⁴ta⁴ti¹tjon²-le⁴ na⁴mi³ cao⁴ cho⁴ta⁴

scribano cao⁴ cho⁴ta⁴jchi¹nca³ tsa³ca¹sjai³ jo³-s²in² tsoa⁴ Jesú^s, nca⁴ coan³cho⁴ya³-le⁴ nca³ c²oa⁴qui³tso² je² cjoa⁴xco¹son²-ve⁴ xi³ t²a³ts²e⁴ nca³ je², to⁴nca³ qui³tsa³cjon¹-le⁴ cho⁴ta⁴na⁴xi⁴na³nta¹. Coi³ nca³ qui³si³c²e¹jna³ Jesú^s, c²oa⁴ qui³-ni³.

*Ca²ta³v²e¹chji¹-le⁴ taon⁴sa¹ César
(Mt. 22:15-22; Lc. 20:20-26)*

13 Qui³sca³ni¹nčh²oe² Jesú^s c²a³ cho⁴ta⁴ xi³ ts²e⁴ cho⁴ta⁴ fariseos cao⁴ xi³ ts²e⁴ cho⁴ta⁴ herodianos, jme¹-ni³ nca³ si⁴qui³njen³-si¹ni³ cao⁴ en¹-le⁴. **14** C²ia⁴ nca³ ji³cho²con³-le⁴ Jesú^s, qui³tso²-le⁴: Maestro, ²ya³-ni¹jin⁴ nca³ ji³ xi³ tjin¹-li²cjoa⁴qui²xi⁴. Ni⁴ya³-jin² xi³ jcon³-lai⁴, nca³ tsi² tsa² cho²tsen³-lai⁴ jo³ cji³ cho⁴ta⁴, to⁴nca³ cjai¹nca³ nta³ va³co²yai³ ntia⁴-le⁴ Ni³na¹ cao⁴ xi³ cjoa⁴qui²xi⁴. A³ nta³ tjin¹ nca³ c²oe¹chji¹-le⁴ taon⁴sa¹ César, a³xo⁴ mai³. A³ c²oai⁴-le⁴ a³xo⁴ tsi² tsa² c²oai⁴-le⁴. **15** C²ia⁴ Jesú^s nca³ tsa³ve³ nca³ cho⁴ta⁴jao²ncjain¹, c²oa⁴qui³tso²-le⁴: A¹-ni³ nca³ cho¹t²a³-si¹ni³nao¹³. Nčhoa¹cao⁴-nao¹³ taon⁴-ve⁴, jme¹-ni³ nca³ sco³tsen³-si¹ni³le⁴. **16** Ja³?ai³cao⁴-le⁴ taon⁴-ve⁴. Jesú^s qui³tso²-le⁴: ²ya¹ ts²e⁴ je² xco¹son²-vi⁴, c²oa⁴ je² en¹ xi³ tjiot²a³. C²oa⁴ cho⁴ta⁴-ve⁴ qui³tso²-le⁴: Ts²e⁴ César. **17** Jesú^s qui³tso²-le⁴: T²ai²-lao⁴³ César je² xi³ ts²e⁴ César, c²oa⁴ t²ai²-lao⁴³ Ni³na¹ je² xi³ ts²e⁴ Ni³na¹. Cho⁴ta⁴-ve⁴ to⁴coan³xcon¹-le⁴ je²-vi⁴.

*Xi³ t²a³ts²e⁴ cjoa⁴fa³a²ya³-le⁴ xi³ c²en³
(Mt. 22:23-33; Lc. 20:27-40)*

18 C'ia⁴ ja^{3?}ai³con³-le⁴ cho⁴ta⁴ saduceos, je² xi³
 tso² nca³ tsin² cjoa⁴fa^{3?}a²ya³-jin². Qui³sco²na³nqui³-
 le⁴, c⁷oa⁴qui³tso²-le⁴: 19 Maestro, Moisés qui³squi³-
 na¹, tsa² jnco³ nts²e⁴ coi⁴ya¹, xi³ si⁴c⁷e¹jna³ chjon⁴²-
 le⁴, c⁷oa⁴ tsa² tsin²-le⁴ xti³-jin² xi³ si⁴ca³tio¹, c⁷ia⁴ je²
 nts²e⁴ ca²ta³cjoe¹tja²chjon⁴²-le⁴, c⁷oa⁴ ca²ta³s²e³-le⁴
 xti³ nca³jao³-le⁴ nts²e⁴. 20 Ña³to³ coan³ xi³ ti⁴nts²e⁴-
 ni³. Je² xi³ ?nti¹tjon² qui³s²e³-le⁴ chjon⁴², c⁷en³ x²in⁴-
 ve⁴, c⁷oa⁴ ni⁴jnco³-jin² xti³ qui³s²e³-le⁴. 21 Je² nts²e⁴
 xi³ ma³jao²-ni³ qui³scoe¹tja² chjon⁴²-le⁴, c⁷oa⁴-ti⁴
 c⁷en³ nca³ je², c⁷oa⁴-ti⁴ ni⁴jnco³-jin² ?nti¹ qui³s²e³-
 le⁴. C⁷oa⁴ je² xi³ ma³jan²-ni³ tsa³c⁷e²jna³cao⁴-nca¹ni³
 chjon⁴²-ve⁴, c⁷oa⁴-ti⁴s²in² coan³t²ain³. 22 Xi³ ña³to³
 nts²e⁴ tsa³ca³tio²cao⁴ chjon⁴²-ve⁴. C⁷oa⁴ ni⁴jnco³-
 jin² xti³ qui³s²e³-le⁴ nca³ts²i³. Xi³ je³t²a³-ni³ c⁷oa⁴-
 ti⁴ c⁷en³ chjon⁴²-ve⁴. 23 C'ia⁴ nca³ cjoa⁴a²ya³-na¹
 tso²c⁷oa⁴, ?ya¹ ts²e⁴ coan⁴ chjon⁴²-ve⁴, nca⁴ je² xi³
 ña³to³-ve⁴ tsa³ca³tio²cao⁴ chjon⁴²-ve⁴. 24 C'ia⁴ Jesús
 qui³tso²-le⁴: A³ tsi² ma³sca¹ya³-no³ nca³ tsi² ?yao³
 xon⁴ Escrituras, c⁷oa⁴-ti⁴ li²coi³ ?yao³ nca³n?ion¹-
 le⁴ Ni³na¹. 25 C'ia⁴ nca³ cjoa⁴a²ya³-le⁴ xi³ c⁷en³,
 li²coi³ coi⁴xan³, c⁷oa⁴ li²?ya³ xi³ si⁴qui³xan³, to⁴nca³
 c⁷oa⁴ cjoan³ jo³-ni³ a²ncje⁴ xi³ tjio¹ nc²a³jmi³.
 26 Je² cjoa⁴ je²-vi⁴ nca³ cjoa⁴a²ya³-le⁴ xi³ c⁷en³, a³
 tsi² tsa³c⁷e²xquiao⁴ libro-le⁴ Moisés, jo³-s²in² nca³
 Ni³na¹ tsa³cja¹cao⁴ ya⁴jin³ ya¹na³?ya¹, nca³ qui³tso²:
 An³ nia¹³ Ni³na¹-le⁴ Abraham, Ni³na¹-le⁴ Isaac,
 c⁷oa⁴ Ni³na¹-le⁴ Jacob. 27 Ni³na¹ a³li² Ni³na¹-le⁴
 c⁷en³-jin², to⁴nca³ ts²e⁴ xi³ tjio¹con³. Jon² cjai¹nca³
 ma³sca¹ya³-no³.

Je² cjoa⁴te¹xo³ma³ xi³ ti¹tjon²
(Mt. 22:34-40)

28 Jnco³ cho⁴ta⁴ scribano ja^{3?}ai³con³-le⁴ Jesús, qui³nch⁷oe¹-le⁴ nca³ tgio¹fao¹ya³-ni³, tsa³ve³ nca³ nta³ qui³nchja⁴ Jesús, qui³sco²na³nqui³-le⁴: Jñā¹-le⁴ cjoa⁴te¹xo³ma³ xi³ ti¹tjon² cao⁴-ni³ nca³yi³je³. **29** Jesús qui³nchja⁴: Je² cjoa⁴te¹xo³ma³ xi³ ti¹tjon² cao⁴-ni³ nca³yi³je³: Ti⁴no¹yao³ cho⁴ta⁴ Israel, je² Nai³-na¹ Ni³na¹-na¹ to⁴jnco³ ma³-ni³. **30** Ca²ta³ma³tsjoa³chai³ tso²c⁷oa⁴ je² Nai³-na¹ Ni³na¹-li⁴. Ca²ta³ma³tsjoa³cha³-ni³ nca³yi³je³ ni⁴ma⁴-li⁴, cao⁴ nca³yi³je³ cjoa⁴tsjoa³-li⁴, cao⁴ nca³yi³je³ cjoa⁴fa^{3?}ai³tsjen³-li⁴, cao⁴ nca³yi³je³ nca³n?ion¹-li⁴. Je²-vi⁴ je² ni¹ cjoa⁴te¹xo³ma³ xi³ ti¹tjon². **31** C⁷oa⁴ je² xi³ ma³jao²-ni³ c⁷oa⁴-ti⁴s²in²ni³ je²-vi⁴. Ca²ta³ma³tsjoa³chai³ xi³c⁷a³ jo³-ni³ nca³ ti⁴ji³-ni³. Tsin² cjoa⁴te¹xo³ma³ xi³ cja⁴ai¹, xi³ nqui²sa⁴ ti¹tjon² cao⁴-ni³je²-vi⁴. **32** C⁷ia⁴ je² cho⁴ta⁴ scribano qui³tso²-le⁴: Nta³ tjin¹, Maestro, cjoa⁴qui²xi⁴ xi³ ca²si³-ve⁴ nca³ to⁴jnco³ Ni³na¹, tsin² xi³ cja⁴ai¹. **33** C⁷oa⁴ nca³ tsjoa³cha³² nca³ je² cao⁴ nca³yi³je³ ni⁴ma⁴-na¹, cao⁴ nca³yi³je³ cjoa⁴fa^{3?}ai³tsjen³-na¹, cao⁴ nca³yi³je³ cjoa⁴tsjoa³-na¹, cao⁴ nca³yi³je³ nca³n?ion¹-na¹, nca³ tsjoa³cha³² xi³c⁷a³ jo³-s²in² nca³ tsjoa³cha³² yao³-na¹, je²-vi⁴ xi³ to⁴nqui²sa⁴-sa³ chji¹-le⁴ cao⁴-ni³ tsa² nca³yi³je³ cjoa⁴tjao² xi³ ña³qui³ ti² nca³yi³je³, cao⁴ cho⁴ xi³ ni²c⁷en³ nca³ c⁷oai⁴t⁷a³-le⁴² Ni³na¹. **34** C⁷ia⁴ Jesús nca³ tsa³ve³ nca³ je² cho⁴ta⁴ qui³nchja⁴ cao⁴ cjoa⁴chji⁴ne⁴, qui³tso²-le⁴: A³li² cjin³-jin² ti³jnai³ cjoa⁴te¹xo³ma³-le⁴ Ni³na¹. Ni^{4?}ya³-jin² xi³ ti⁴ma³n?ion¹ni³con³ nca³ scoi⁴na³nqui³-sa³le⁴.

*Xi³t⁷a³ts⁷e⁴ nti¹-le⁴ David
(Mt. 22:41-46; Lc. 20:41-44)*

35 Jesús tsa³ca³co¹ya³ ya⁴yo⁴nco⁴, c⁷oa⁴qui³tso²: Jo¹-s⁷in²ni³ nca³ c⁷oa⁴tso²-ni³ cho⁴ta⁴ scribano nca³ Cristo ⁷nti¹-le⁴ David. *36* Ti⁴je²-ni³ David c⁷oa⁴qui³tso² cao⁴ Espíritu Santo: Je² Nai³-na¹ qui³tso²-le⁴ Nai³-na⁴. Ti⁴jna³t⁷a³-nai¹³ nca³qui²xi⁴-na⁴ sa³nta³ nca³ si³c⁷e¹yoa³ co²ntran⁴-li⁴ ya⁴nqui³ ntso⁴coi³. *37* Ti⁴je²-ni³ David Nai³-na⁴ tso²-le⁴. Jo¹-s⁷in²ni³ nca³ ⁷nti¹-le⁴ ma³-le⁴. Nca³ts⁷i³ cho⁴ta⁴na⁴xi⁴na³nta¹ qui³nch⁷oe¹ cao⁴ cjoa⁴tsjоa³ jo³ qui³tso² Jesús.

*Jesús tsa³ca³co¹ya³ xi³t⁷a³ts⁷e⁴ cho⁴ta⁴ scribano
(Mt. 23:1-36; Lc. 11:37-54; 20:45-47)*

38 C⁷oa⁴-s⁷in² tsa³ca³co¹ya³-le⁴: Ti⁴coi²nta⁴-lao⁴ yao³-no³ cho⁴ta⁴ scribano xi³ tsjоa³-le⁴ v⁷a³mjen³ cao⁴ na³jño³jncho³, c⁷oa⁴ tsjоa³-le⁴ nca³ cho⁴ta⁴ si⁴ti²nta³-le⁴ ya⁴ nti⁴tsin⁴-ve⁴. *39* C⁷oa⁴ tsjоa³que³ je² ya¹xi¹le⁴ xi³ ti¹tjon² ya⁴ nt⁷ia³ sinagoga, c⁷oa⁴ je² ⁷nte³ xi³ ti¹tjon² ya⁴ jña³ cjen² s⁷oi¹. *40* Je² fa³yo³ntjai² nt⁷ia³-le⁴ ya¹nchjin¹c⁷an³ xi³ c⁷en³ x⁷in⁴-le⁴. To⁴chji³ne³-ni³ tse³² v⁷e¹ts⁷oa³. Je² xi³ c⁷oa⁴cjoan³ nqui²sa⁴ tse³ cjoa⁴ñ⁷ain³ s⁷e⁴-le⁴.

*Xi³t⁷a³ts⁷e⁴taon⁴xi³tsa³qui³ncha¹jnco³chjon⁴xi³
c⁷en³x⁷in⁴-le⁴
(Lc. 21:1-4)*

41 Jesús tsa³c⁷e²jna³ jña³ nca³ qui³jna³ ca²xa⁴ xi³ si³ncha¹ taon⁴ limosna. Qui³sco²tsen³ jo³-s⁷in² nca³ cho⁴ta⁴na⁴xi⁴na³nta¹ tsa³qui³ncha¹ taon⁴ ca²xa⁴-ve⁴. Ncjин² ma³-ni³ cho⁴ta⁴nchi⁴na¹ xi³ tse³ taon⁴ tsa³qui³ncha¹. *42* C⁷ia⁴ ji³cho² jnco³

chjon⁴²c⁷an³ xi³ je³c⁷en³ x⁷in⁴-le⁴, c⁷oa⁴ xi³ yo⁴ma⁴.
⁷nti¹ qui⁴cha⁴si³ne² tsa³qui³ncha¹ xi³ to⁴choa³
 chji¹-le⁴. ⁴³ C⁷ia⁴ Jesús qui³nchja⁴-le⁴ cho⁴ta⁴-le⁴,
 c⁷oa⁴qui³tso²-le⁴: Xi³ cjoa⁴qui²xi⁴ xi³ xin³-no³ nca³
 je² chjon⁴²c⁷an³ xi³ je³c⁷en³ x⁷in⁴-le⁴, c⁷oa⁴ xi³
 yo⁴ma⁴, nqui²sa⁴ tse³ tsa³qui³ncha¹ cao⁴-ni³ tsa²
 nca³ts⁷i³ xi³ tsa³qui³ncha¹ ca²xa⁴. ⁴⁴ Nca⁴ nca³ts⁷i³
 tsa³qui³ncha¹ je² xi³ v²a³nqui³-le⁴, to⁴nca³ nta³ tsa²
 yo⁴ma⁴ je² chjon⁴²-vi⁴ tsa³qui³ncha¹ nca³yi³je³ xi³
 tjin¹-le⁴ xi³ t⁷a³ts⁷e⁴ xi³ cjen².

13

Jtsao⁴nqui³yo⁴nco⁴

(Mt. 24:1-28; Lc. 21:5-24)

¹ C⁷ia⁴ nca³ ji³tjo³-ni³ yo⁴nco⁴, jnco³ cho⁴ta⁴-
 le⁴ Jesús qui³tso²-le⁴: Maestro, coe⁴-ni³, jme¹-
 si³ cjoan³-ni³ la⁴jao⁴, jme¹-si³ cjoan³-ni³ nt⁷ia³-vi⁴.
² Jesús qui³tso²-le⁴: A³ ti³?ya³-nio¹³ je² nt⁷ia³y²ai³-
 vi⁴. Jtsao⁴nqui³ nca³yi³je³, li²coi³ ti⁴sa⁴tio²son²-ni³le⁴
 xi¹ncjin¹ la⁴jao⁴.

Choa⁴xi³s⁷e⁴c⁷ia⁴nca³me³coan⁴jnco³

³ Jesús ya⁴ tsa³c⁷e²jna³ ni³nto³ xi³ Olivos
 ?mi². Qui³sco²tsen³t⁷a³ yo⁴nco⁴. Pedro, Jacobo,
 Juan, cao⁴ Andrés qui³sco²na³nqui³ t⁷a³xin²-
 le⁴ Jesús. ⁴ C⁷oa⁴t⁷in²-na³jin⁴: C⁷ia¹-ni³ve⁴ nca³
 c⁷oa⁴coan⁴. Jme¹ choa⁴ xi³ s⁷e⁴ c⁷ia⁴ nca³
 me³coan⁴jnco³ nca³yi³je³ je² cjoa⁴-vi⁴. ⁵ Jesús
 qui³nchja⁴, tsa³c⁷e¹ts⁷ia⁴ nca³ c⁷oa⁴qui³tso²-le⁴:
 Ti⁴coi²ntao⁴ yao³-no³ jme¹-ni³ nca³ ni⁴?ya³-jin²
 xi³ c⁷oa⁴na⁴cha⁴-si¹ni³no³. ⁶ Nca⁴ ncjin² xi³ cjoa⁴?ai¹
 xi³ jan³?ain¹-na⁴ y²a³, xi³ c⁷oa⁴coi⁴tso⁴: An³ nia¹³

Cristo. C'oa⁴na⁴cha⁴-le⁴ ncjin² cho⁴ta⁴. ⁷ To⁴c²ia³-ni³ve⁴ nca³ coi⁴no¹yao³ nca³ tjin¹ cjoa⁴jchan¹, c²oa⁴-ti⁴ c²oa¹mjen³ en¹ nca³ tjin¹ cjoa⁴jchan¹, a³li² c²oa⁴-jin² ma³-no³, nca⁴ ma³chjen¹ nca³ c²oa⁴coan⁴, to⁴nca³ cje³fe³t²a³-jin². ⁸ Coi⁴so¹tjen⁴ne² na⁴xi⁴na³nta¹ co²ntran⁴-le⁴ xi³ cja⁴?ai¹ na⁴xi⁴na³nta¹, c²oa⁴ cjoa⁴te¹xo³ma³ coi⁴so¹tjen⁴ne² co²ntran⁴-le⁴ xi³ cja⁴?ai¹ cjoa⁴te¹xo³ma³. C²oa⁴ chaon¹ cjoa⁴?a² ncjin²?nte³. Cji³nčha¹ coan⁴ cao⁴ cjoa⁴-si³. Je² cjoa⁴-vi⁴ to⁴c²oe⁴ts²ia⁴ cjoa⁴ñ?ain³. ⁹ Jon² ti⁴coi²ntao⁴ yao³-no³ nca³ sca⁴ni²t²a³-no³ cho⁴ta⁴xa¹, ya⁴ nt²ia³ sinagoga coa⁴-no³ ya¹jt³. Ja⁴nqui³xcon⁴ gobernador cao⁴ cho⁴ta⁴ti¹tjon² coi⁴no²cjoa⁴-no³ xi³ to⁴t²a³ts²an⁴ nca³ c²oai⁴-lao⁴ nca³ je² je² en¹-no³. ¹⁰ Ti¹tjon² ma³chjen¹ nca³ je² en¹nta³ xi³ t²a³ts²e⁴ Cristo ca²ta³fi²son²-le⁴ nca³ts²i³ cho⁴ta⁴. ¹¹ C²ia⁴ nca³ cjoa⁴?ai¹cao⁴-no³ nca³ sca⁴ni²t²a³-no³ cjoa⁴te¹xo³ma³, a³li² c²oa⁴-jin² ma³-no³ to⁴nqui³-ni³ jme³ xi³ coi⁴xon¹³, ni⁴ni²cja³?ai³tsjen³-jion²³. S²e⁴-no³ cjoa⁴fa³?ai³tsjen³ c²ia⁴ hora-ve⁴, coi³ xi³ ti⁴no²cjoao⁴. A³li² jon²-jion²³ xi³ coi⁴no²cjoao⁴, to⁴je² Espíritu Santo xi³ coi⁴nchja⁴. ¹² Ti⁴je²-ni³ nts²e⁴ sca⁴ni²t²a³ nts²e⁴ nca³ si⁴2c²en³, c²oa⁴ je² xi³ n²ai³ sca⁴ni²t²a³ nti¹-le⁴ nca³ si⁴2c²en³. Xi³ xti³-le⁴ coi⁴so¹tjen⁴ne²-le⁴ xi³jcha¹-le⁴, sca⁴ni²t²a³ nca³ si⁴2c²en³. ¹³ Nca³ts²i³ cho⁴ta⁴ coan⁴jt³que³-no³ xi³ to⁴t²a³ts²an⁴, to⁴nca³ je² xi³ jcho¹cjoa⁴-le⁴ sa³?nta³ xi³ cjoet²a³-ni³, je²-vi⁴ coi⁴tjo³ntjai²-ni¹. ¹⁴ To⁴nca³ c²ia⁴ nca³ jchao⁴ je² xi³ ch²ao³ cjoan³, xi³ si¹qui³xo²ya³, xi³ s²e⁴jna³ ?nte³ jñña³tsi² va³quin²-le⁴, c²ia⁴ je² xi³ tji¹ ya⁴ Judea, ca²ta³ma³nca³

jin³jñā¹. (Je² xi³ v⁷e¹xquia⁴ jo³ qui³tso² Daniel xi³ qui³nchja⁴ya³ t⁷a³ts⁷e⁴ Ni³na¹ ca²ta³ma³cho⁴ya³-le⁴.) ¹⁵ Je² xi³ ya⁴ ti¹jna³son²nc²a³ nt⁷ia³-le⁴, a³li² vi³to³jen³-jin² ni⁴fa³a³s⁷en³-jin², nta³ tsa² tjin¹ xi³ me³-le⁴ scoe¹ ja⁴ya³ nt⁷ia³-le⁴. ¹⁶ Je² xi³ ti¹jna³ jin³jñā¹ jan¹, a³li² ya¹ts⁷in⁴ si⁴c²o¹fa³ya³-ni³ nca³ scoe¹ tso⁴nca⁴-le⁴. ¹⁷ Ma⁴-xo¹ni³ je² ya¹nchjin¹ xi³ ?nti¹ y⁷a³, c⁷oa⁴ je² xi³ ?nti¹ si¹ca³qui³ coi³ ni⁴čhjin³-ve⁴. ¹⁸ T⁷e²ts⁷oao³ tso²c²oa⁴ nca³ tsi² coi⁴yo¹³ c⁷ia⁴ nca³ chan⁴nch⁷an¹. ¹⁹ C⁷ia⁴ ni⁴čhjin³-ve⁴ cjai¹nca³ to⁴s⁷e⁴ cjoa⁴ñ⁷ain³. Ni⁴-sa³ jnco³ c²a³-jin² c⁷oa⁴ma³ jo³ sa³nta³ nca³ Ni³na¹ tsa³ca¹nta³ son³nte³, ni⁴to⁴c²ia⁴-jin² c⁷oa⁴coan⁴-nca¹ni³. ²⁰ Tsa² je² Nai³-na¹ li²coi³ qui³si³?nti¹ya³ coi³ ni⁴čhjin³-ve⁴, ni⁴jnco³-jin² cho⁴ta⁴ xi³ coi⁴tjo³ntjai², to⁴nca³ xi³ t⁷a³ts⁷e⁴ je² cho⁴ta⁴ xi³ Ni³na¹ tsa³cja³a¹jin³, qui³si³?nti¹ya³ coi³ ni⁴čhjin³-ve⁴. ²¹ C⁷ia⁴tsa² jnco³ cho⁴ta⁴ c⁷oa⁴coi⁴tso⁴-no³: Coe⁴-ni³, i⁴ ti¹jna³-vi⁴ Cristo, a³xo⁴tsa² coi⁴tso⁴, coe⁴-ni³, ya⁴ ti¹jna³-ve⁴, a³li² ma³cjain¹-jin²no³. ²² Cjai¹nca³to⁴ coi⁴so¹tjen⁴ cho⁴ta⁴nti³so³ xi³ Cristo coi⁴tso⁴-le⁴ yao³-le⁴, c⁷oa⁴ xi³ je² xi³ nchja⁴ya³ t⁷a³ts⁷e⁴ Ni³na¹ coi⁴tso⁴-le⁴ yao³-le⁴. Tse³ choa⁴ cao⁴ cjoa⁴xcon¹ xi³ tsjoa¹. C⁷oa⁴-s⁷in² xin² ntia⁴² fi²cao⁴, nta³ tsa² je² xi³ Ni³na¹ tsa³cja³a¹jin³, tsa² coan⁴-le⁴. ²³ Ti⁴coi²ntao⁴³ nca³ jon², to⁴nqui³-ni³ c⁷oa⁴xin³-no³ nca³yi³je³.

?nti¹-le⁴ cho⁴ta⁴ cjoa⁴?ai¹

(Mt. 24:29-35, 42-44; Lc. 21:25-36)

²⁴ To⁴nca³ c²ia⁴ ni⁴čhjin³-ve⁴ nca³ cjoet⁷a³ je² cjoa⁴ñ⁷ain³-ve⁴, ts⁷oi¹ s⁷e⁴nzion²-ni¹, c⁷oa⁴ sa¹ li²coi³ ti⁴si⁴²i³sen³-ni³. ²⁵ C⁷oa⁴ ni³ñ³ jtsao⁴-ni³ nc²a³jmi³,

c²oa⁴ je² l¹i¹ xi³ tjin¹-le⁴ nc²a³jmi³ jtin¹ya³-ni¹.
 26 C²ia⁴ scoe⁴ je² ⁷nti¹-le⁴ cho⁴ta⁴ xi³ cjoa⁴?ai¹jin³-ni³ yo³jvi³, cao⁴ tse³ nca³n?ion¹ cao⁴ cjoa⁴je³ya³.
 27 C²ia⁴ je² ⁷nti¹-le⁴ cho⁴ta⁴ si⁴ca³sen¹ a²ncje⁴-le⁴, c²oa⁴ c²oe⁴xco¹ cho⁴ta⁴-le⁴ xi³ tsa³cja³?a¹jin³, c²oe⁴xco¹-ni³ nca³ ño³ xi⁴nqui⁴-le⁴ son³?nte³, c²oa⁴ nca³qui³jnta² son³?nte³, c²oa⁴ nca³qui³jnta² nc²a³jmi³. 28 Cho¹t⁷a³yao³ je² xi³ va³co¹ ya¹ higo-ve⁴. C²ia⁴ nca³ ya¹ntsja³ c²oe⁴jts⁷en¹, c²ia⁴ nca³ xca⁴ n^čhoa¹-le⁴, ⁷ya³-nio¹³ nca³ je³ti¹jna³čhian³ chan⁴jtsi¹. 29 C²oa⁴-ti⁴s²in² nca³ jon² c²ia⁴ nca³ jchao⁴³ nca³ c²oa⁴cji³ma³ je² cjoa⁴-vi⁴. Ca²ta³yao³ nca³ je² ⁷nti¹-le⁴ cho⁴ta⁴ je³ti¹jna³čhian³, ja⁴jčho³ xo⁴ntjoa⁴. 30 Xi³ cjoa⁴qui²xi⁴ xi³ xin³-no³, nca³ tsi² tsa² coi⁴ya² cho⁴ta⁴ xi³ tjio¹ nt⁷ai⁴-vi⁴ sa³?nta³ nca³yi³je³ je² cjoa⁴-vi⁴ cjoec²oa⁴coan⁴. 31 Nc²a³jmi³ cao⁴ son³?nte³ cjoet⁷a³-ni¹, to⁴nca³ je² en¹-na⁴ li²coi³ cjoet⁷a³. 32 To⁴nca³ xi³ cjoic²cho²ca³ je² ni⁴čhjin³-ve⁴, c²oa⁴ je² hora-ve⁴ nca³ c²oa⁴coan⁴, li²ya³ xi³ ve³, ni⁴je²-jin² a²ncje⁴ xi³ ts⁷e⁴ nc²a³jmi³, ni⁴je²-jin² ⁷nti¹-le⁴ Ni³na¹, to⁴jnco³ je² N²ai³-na¹ xi³ ve³. 33 Ti⁴coi²ntao⁴³, ti⁴yo³chon³?ntao³, t⁷e²ts⁷oao³, nca⁴li²coi³ ?yao³ c²ia⁴-ni³ve⁴ nca³ c²oa⁴coan⁴. 34 Jo³-ni³jnco³ cho⁴ta⁴ xi³ cjin³ qui³. Tsa³c²e¹jna³ ni³?ya³-le⁴, tsa³c²e¹ne²-le⁴ cho⁴?nta³-le⁴ nca³ jnco¹ qui³tsjоa³-le⁴ xa¹-le⁴. Tsa³ca³te¹xo³ma³-le⁴ je² xi³ si¹coi²nta⁴ xo⁴ntjoa⁴. Ti⁴jna³chon³?ntai³, qui³ts²-le⁴. 35 Tjen⁴ya³to³con² ti⁴yo³, nca⁴ tsi² ⁷yao³ c²ia⁴ cjoa⁴?ai¹je² nai³-le⁴ nt⁷ia³, tsa²s²ai⁴nqui³xon², a³xo⁴ va³sen³ni⁴tjen⁴, c²ia⁴ nca³ squi¹?ntia¹ cha¹xi³cha¹, a³xo⁴ nca³ ta⁴njion²ya³, 36 jme¹-ni³ nca³ tsi²

sa³yo³fe²-si¹nio³ c²ia⁴ nca³ cjoa^{4?}ai¹ nti⁴ton⁴. ³⁷ Je² cjoa⁴ xi³ xin³-no³ nca³ jon², c²oa⁴xin¹-le⁴ nca³ts²i³: Tjen⁴ya³to³con² ti⁴yo³.

14

Cho⁴ta⁴ tsa³ca¹sjai³ jo³-s²in² nca³ si⁴2c²en³ Jesú
(Mt. 26:1-5; Lc. 22:1-2; Jn. 11:45-53)

¹ Jao² ni⁴čhjin³ to⁴nqui³-ni³ nca³ qui³ts²ia⁴ s²oi¹pa²xco⁴, c²oa⁴ ni⁴čhjin³ nca³ tsa³cjen² nio⁴xti²la⁴ xi³ tsin²-le⁴ na^{4?}yo⁴san³-jin², je² cho⁴ta⁴ti¹tjon²-le⁴ na^{4?}mi³ cao⁴ cho⁴ta⁴ scribano tsa³ca¹sjai³ jo³-s²in² nca³ tsoa⁴che¹ nca³ si⁴2c²en³ Jesú. ² C²oa⁴qui³tso²: A³li² c²ia⁴2 ni⁴čhjin³-le⁴ s²oi¹, jme¹-ni³ tsi² cjoa⁴si³ s²e⁴-si¹ni³ i⁴ na⁴xi⁴na³nta¹.

Chjon⁴2 qui³tsjo²jon³ yao³-le⁴ Jesú
(Mt. 26:6-13; Jn. 12:1-8)

³ Jesú ti¹jna³ya³ ni³ya³-le⁴ Simón ya⁴ na⁴xi⁴na³nta¹ Betania. Simón tjin¹-le⁴ ch²in³ nca³ ti¹fi²nto³jon³ yao³-le⁴. C²ia⁴ nca³ ti¹jna³t²a³ ya¹mi²xa⁴, ja³ai³nčh²oe² jnco³ chjon⁴2 xi³ y²a³ jnco³ ti⁴2xo²lo⁴ xi³ tjia¹-le⁴ si²ti⁴ nardo xi³ ña³qui³ coi³, xi³ cjaí¹nca³ chji¹-le⁴. Tsa³ca³cjan¹ ti⁴2xo²lo⁴-ve⁴, tsa³c²e¹ten⁴son² jco⁴. ⁴ Tjin¹ c²a³ xi³ coan³jti³-le⁴, qui³tso²: A¹-ni³ nca³ qui³si³qui³tson¹-si¹ni³ si²ti⁴-ve⁴. ⁵ Coan⁴2 nca³ sa³te¹na³ tsa²caí³-ni³. Sa³nta³ ts²a³to³ jan² ciento vi²xo⁴ coi⁴tjo³ chji¹-le⁴. Coan⁴2 c²oai⁴-le⁴ cho⁴ta⁴yo⁴ma⁴ taon⁴-ve⁴ tsa²caí³-ni³. Qui³nchja⁴ti³cao⁴ chjon⁴2-ve⁴ xi³ c²oa⁴qui³s²in³. ⁶ To⁴nca³ Jesú qui³tso²: Ca²ta³v²e²-no³. A¹-ni³ nca³ ni²jti³-si¹ni³lao⁴3. Cjaí¹nca³ to⁴nta³-ni¹ nca³ c²oa⁴-s²in² ca²si¹cao⁴-na³. ⁷ Je² cho⁴ta⁴yo⁴ma⁴

coa⁴tio⁴cao⁴ntsjai²-no³. To⁴c⁷ia⁴²-ni³ me³-no³
 coan⁴-no³ nta³ si⁴cao⁴ nca³ je². To⁴nca³ an³ li²coi³
 nca³ntsjai² coa²te⁴jna³cao⁴-no³. **8** Je² chjon⁴²-ve⁴
 c⁷oa⁴ca²s⁷in¹ jña³ sa³nta³ tjen⁴ ca²ma³-le⁴, nca³
 to⁴nqui³-ni³ qui³tsjo²jon³ yao³-na⁴ xi³ t⁷a³ts⁷e⁴ nca³
 coa²jna⁴ñe³. **9** Xi³ cjoa⁴qui²xi⁴ xi³ xin³-no³, to⁴jña³-
 ni³ nca³qui³jnta² son³nte³ nca³ coi⁴no²cjoa⁴ya³-
 ni³ en¹nta³-vi⁴, c⁷oa⁴ti⁴-s⁷in² s⁷e⁴ en¹ nca³ c⁷oa⁴-
 s⁷in² ca²si¹cao⁴-na³, jme¹-ni³ nca³ c⁷oa⁴-s⁷in²
 cjoa⁴ai¹tsjen³-ni³le⁴ cho⁴ta⁴ xi³ t⁷a³ts⁷e⁴.

*Judas tjin¹jnco³con³nca³sca⁴ni²t⁷a³Jesús
 (Mt. 26:14-16; Lc. 22:3-6)*

10 C⁷ia⁴ Judas Iscariote, jnco³ xi³ te³jao²-ve⁴,
 ja³ai³con³-le⁴ cho⁴ta⁴ti¹tjon²-le⁴ na⁴mi³, jme¹-ni³
 nca³ c⁷oe⁴t⁷a³-si¹ni³le⁴ na⁴jmi¹ xi³ t⁷a³ts⁷e⁴ Jesús.
11 Cho⁴ta⁴ti¹tjon²-le⁴ na⁴mi³ nca³ qui³nčh⁷oe¹-le⁴,
 coan³tsjoa³-le⁴. Qui³tsjoa³ ts⁷oa³ nca³ tsjoa¹-le⁴
 taon⁴. Judas tsa³ca¹sjai³ jo³-s⁷in² nca³ sca⁴ni²t⁷a³
 Jesús.

Jesús tsa³cjen²cao⁴cho⁴ta⁴-le⁴je²pa²xco⁴

12 Xi³ ti¹tjon² ni⁴čhjin³-le⁴ s⁷oi¹ nio⁴xti²la⁴ xi³
 tsin²-le⁴ na⁴yo⁴san³-jin², c⁷ia⁴ nca³ xi¹jten⁴ njin¹-le⁴
 va³rre² xi³ t⁷a³ts⁷e⁴ s⁷oi¹pa²xco⁴, cho⁴ta⁴-le⁴ Jesús
 qui³tso²-le⁴: Jña¹-ni³ nca³ me³-li² nca³ coa⁴nquin¹
 c⁷e²ntai³-jin⁴ jme¹-ni³ nca³ chi⁴ne⁴-si¹ni³ je² va³rre²
 xi³ ts⁷e⁴ pa²xco⁴. **13** Jesús qui³si³ca³sen¹ jao² cho⁴ta⁴-
 le⁴, c⁷oa⁴qui³tso²-le⁴: Ta⁴nquion¹³ ya⁴na⁴xi⁴na³nta¹,
 ya⁴ sa⁴te¹jion³ jnco³ cho⁴ta⁴x⁷in⁴ xi³ y⁷a³ jnco³
 ni³sa³na³nta¹. Tain¹tjen⁴nqui³-lao⁴³. **14** Ya⁴ jña³
 cjoa⁴a³s⁷en³ nca³ je², c⁷oa⁴t⁷in²-lao⁴³ je² xi³ ts⁷e⁴

nt⁷ia³: Maestro xo⁴ tso²: Jñā¹ ti¹jna³ je² cuarto
jña³ nca³ coa²cjen⁴ cao⁴ cho⁴ta⁴-na⁴ je² pa²xco⁴.
15 Je² xi³ ts⁷e⁴ nt⁷ia³ coa⁴co²-no³ jnco³ cuarto
xi³ je³, xi³ ti¹jna³ son²nc⁷a³, xi³ je³chon³nta³. Ya⁴
t⁷e²ntao³ xi³ t⁷a³tsan⁴. 16 Qui³ cho⁴ta⁴-le⁴, ji³cho²
ya⁴ na⁴xi⁴na³nta¹, c⁷oa⁴-s⁷in² coan³sjai³-le⁴ jo³
qui³tso²-le⁴ Jesús. Tsa³c⁷e¹nta³ je² pa²xco⁴-ve⁴.
17 C⁷ia⁴ nca³ je³coan³xon², Jesús qui³cao⁴ xi³ te³jao²-
ve⁴. 18 C⁷ia⁴ nca³ tsa³ca³tio²t⁷a³ ya¹mi²xa⁴, tjen⁴
nca³ tjio¹cjen², Jesús c⁷oa⁴qui³tso²: Xi³ cjoa⁴qui²xi⁴
xi³ xin³-no³, jnco³ xi³ jon² xi³ coi⁴chi³cao⁴-nao¹³
xi³ sca⁴ni²t⁷a³-na³. 19 Cho⁴ta⁴-le⁴ coan³fao¹-le⁴.
Qui³tso²-le⁴ jnco¹jnco¹: A³ an³ nia¹³. Xi³c⁷a³, a³
an³ nia¹³, c⁷oa⁴-ti⁴ qui³tso². 20 Jesús qui³tso²-le⁴:
Je² jnco³ xi³ te³jao²-ve⁴ xi³ ti¹si¹ca³nchi⁴cao⁴-
na³ ja⁴ya³ čhoa⁴. 21 Xi³ cjoa⁴qui²xi⁴ je² ?nti¹-le⁴
cho⁴ta⁴ coai⁴ jo³-s⁷in² nca³ tji¹t⁷a³ xi³ t⁷a³ts⁷e⁴.
To⁴nca³ ma⁴-xo¹ni³ je² cho⁴ta⁴-ve⁴ xi³ sca⁴ni²t⁷a³
je² ?nti¹-le⁴ cho⁴ta⁴. Nqui²sa⁴ nta³-ni¹ tsa² tsi²
qui³tsin³ cho⁴ta⁴-ve⁴. 22 C⁷ia⁴ nca³ tjio¹cjen²,
Jesús qui³scoe¹ nio⁴xti²la⁴, qui³si³chi³con³t⁷ain³,
qui³si³xcoa⁴, qui³tsjoa³-le⁴, qui³tso²: Chjoao¹³, je²-
vi⁴ yao³-na⁴ ni¹. 23 Qui³scoe¹ cho⁴tsin¹, qui³tsjoa³
cjoa⁴nta³, qui³tsjoa³-le⁴. Nca³ts⁷i³ qui³ts⁷i³ya².
24 Jesús qui³tso²-le⁴: Je²-vi⁴ njin¹-na⁴ ni¹ xi³ ts⁷e⁴
cjoa⁴cho⁴tse⁴ xi³ qui³s⁷e³n⁷ion¹, xi³ xi¹jten⁴ xi³
t⁷a³ts⁷e⁴ ncjin² cho⁴ta⁴. 25 Xi³ cjoa⁴qui²xi⁴ xi³ xin³-
no³ nca³ tsi² ti⁴sc⁷oi⁴-nia³ na³nta¹to³tse⁴ sa³nta³
c⁷ia⁴ ni⁴čhjin³-ve⁴ c⁷ia⁴ nca³ sc⁷oi⁴ nqui²jnco³c⁷a²-
nia³ ya⁴ cjoa⁴te¹xo³ma³-le⁴ Ni³na¹.

Pedro c⁷oe¹jna³ma³cao⁴Jesús

(Mt. 26:30-35; Lc. 22:31-34; Jn. 13:36-38)

26 C⁷ia⁴ nca³ je³qui³se³ t⁷a³ts⁷e⁴ Ni³na¹, ji³tjo³ ?nta³ ni³nto³ Olivos. 27 C⁷ia⁴ Jesús qui³tso²-le⁴: Nca³ts⁷io³ jtsao⁴t⁷a³xion²³ xi³ t⁷a³ts⁷an⁴ coi³ ni⁴tjen⁴-vi⁴, nca³ tji¹t⁷a³: Si³qui²oan³ je² xi³ co³nta³ cho⁴, c⁷oa⁴ va³rre² nca³ i⁴ nca³ jan¹ coai⁴. 28 To⁴nca³ coan⁴scan³-ni³ nca³ cjoa⁴a²ya³-na³, cjoi¹ ti¹tjon²-no³ ya⁴ ?nta³ na³nqui³ Galilea. 29 C⁷ia⁴ Pedro qui³tso²-le⁴: Nta³ tsa² nca³ts⁷i³ jtsao⁴t⁷a³xin², an³ ma³jain². 30 Jesús qui³tso²-le⁴: Xi³ cjoa⁴qui²xi⁴ xi³ xin³-le²³ nca³ je² ni⁴tjen⁴-vi⁴ nt⁷ai⁴, jan² c⁷a³ coi⁴jna³ma³cao⁴-nai¹³ to⁴nqui³-ni³ nca³ squi¹ntia¹ jao² c⁷a³ cha¹xi³cha¹. 31 To⁴nca³ Pedro nqui²sa⁴ n⁷ion¹ qui³tso²: Nta³ tsa² ma³chjen¹ nca³ coi³ya²cao⁴-le²³, li²coi³ coa²te⁴jna³ma³cao⁴-le²³. Ti⁴c⁷oa⁴qui³tso²-ni³ nca³ts⁷i³.

Jesús v⁷e¹ts⁷oa³ya⁴ Getsemaní

(Mt. 26:36-46; Lc. 22:39-46)

32 Ji³cho² ja⁴?nte³ xi³ Getsemaní ?mi², Jesús qui³tso²-le⁴ cho⁴ta⁴-le⁴: Ti⁴yo³ i⁴-vi⁴, tjen⁴ an³ c⁷oe³ts⁷oa²³. 33 Qui³cao⁴ Pedro, Jacobo, cao⁴ Juan. Jesús tsa³c⁷e¹ts⁷ia⁴ nca³ ja³tse³xcon¹, c⁷oa⁴ n⁷ion¹ qui³si³cjao¹jin³. 34 C⁷oa⁴qui³tso²-le⁴: N⁷ion¹ fao¹-le⁴ ni⁴ma⁴-na⁴, sa³nta³ cjoa⁴vi³ya³. Cho¹yao³ i⁴-vi⁴, ti⁴yo³chon³ntao³. 35 Qui³ ti¹tjon² i⁴tse¹-sa³, tsa³ca²jna³ tsa³cjan² t⁷a³na³nqui³, tsa³c⁷e¹ts⁷oa³ tsa² coan⁴ ca²ta³fa³a³to³-le⁴ horave⁴. 36 C⁷oa⁴qui³tso²: Abba N⁷ai³-na⁴, ji³ ma³-li² nca³yi³je³ cjoa⁴. Chja⁴a²xin²-nai¹³ je² cjoa⁴ñ⁷ain³, to⁴nca³ li² je²-jin² xi³ an³ me³-na³, to⁴je² xi³ ji³

me³-li². 37 Ja^{3?}ai³-nca¹ni³ coan³sjai³-le⁴ Pedro, Jacobo, cao⁴ Juan nca³ cjio³fe². Jesúis qui³tso²-le⁴ Pedro: Simón, a³ so³jna³fe²-ni¹³. A³ tsi² tsa² ma³ nca³ ca²vi³jna³chon^{3?}ntai³ jnco³ hora. 38 Ti⁴yo³chon^{3?}ntao³, t²e²ts²oao³, jme¹-ni³ nca³ tsi² jtsao⁴jin³-si¹ni³no³ je¹, c²ia⁴ nca³ ch²ao³ si⁴cao⁴-no³. Je² espírituna¹ ti¹jna³nta³, to⁴nca³ je² yao³-na¹ tsin²-le⁴ nca³n²ion¹-jin². 39 Nqui²jnco³c²a² qui³-nca¹ni³, tsa³c²e¹ts²oa³, qui³tso²-nca¹ni³ xi³ ti⁴coi³-ni³ en¹. 40 Ti⁴ja^{3?}ai³-nca¹ni³, nqui²jnco³c²a² coan³sjai³-le⁴ nca³ cjio³fe², nca⁴ xcon⁴ qui³s²e³chjoa²ntso¹, c²oa⁴ li²coi³ ve³ jo³ coi⁴tso⁴-le⁴ Jesúis. 41 Jesúis ja^{3?}ai³ xi³ coan³jan²-ni³ c²a³, qui³tso²-le⁴: Sa¹yo³fao²³ nt²ai⁴, ti⁴cja¹yao³. Je³ji³cho² hora. Coe⁴-ni³ je² nti¹-le⁴ cho⁴ta⁴ cha³ni²t²a³-le⁴ ntsja³ cho⁴ta⁴ts²en⁴. 42 Ti⁴so¹tjaon⁴, tjian¹. Coe⁴-ni³ je² xi³ tsa³c²e¹t²ain³ na⁴jmi¹ xi³ t²a³ts²an⁴ je³ti¹jna³čhian³.

Qui³tsoa³Jesúis

(Mt. 26:47-56; Lc. 22:47-53; Jn. 18:2-11)

43 To⁴jo³ ti¹nchja⁴-sa³ Jesúis c²ia⁴ nca³ ja^{3?}ai³ nti⁴ton⁴ Judas, jnco³ xi³ te³jao²-ve⁴. Ja^{3?}ai³cao⁴ cho⁴ta⁴ncjin² xi³ y²a³ qui⁴cha⁴ y²a³ ya¹, ja^{3?}ai³-ni³ t²a³ts²e⁴ cho⁴ta⁴ti¹tjon²-le⁴ na⁴mi³, cho⁴ta⁴ scribano, cao⁴ cho⁴ta⁴jchi¹nca³. 44 Judas xi³ tsa³c²e¹t²ain³ na⁴jmi¹ xi³ t²a³ts²e⁴ Cristo, je³qui³tsjoa³-le⁴ cho⁴ta⁴ jnco³ choa⁴, qui³tso²: Je² xi³ an³ c²oe³ntso³a²³, je² ni¹-ve⁴. Ti⁴ntoao⁴ nca³ je², nta³ ta⁴nquin¹cao⁴. 45 C²ia⁴ Judas ja^{3?}ai³, nti⁴ton⁴ ji³nčhoa³t²a³čhian³-le⁴ Jesúis, qui³tso²-le⁴: Maestro, Maestro. Tsa³c²e¹ntso³a³. 46 C²ia⁴ cho⁴ta⁴ qui³tsoa³n²ion¹-ni³ ntsja³. 47 Jnco³ xi³

ti¹jna³ ya⁴-ve⁴, tsa³c²a³sje³ qui⁴cha⁴. Tsa³ca¹-le⁴
cho⁴nta³-le⁴ na⁴?mi³ti¹tjon². Tsa³ca³te³t²a³ xo⁴ño³.
48 Jesú斯 qui³nchja⁴, qui³tso²-le⁴: A³ ca²vi²tjo⁴-nio³
cao⁴ qui⁴cha⁴, cao⁴ ya¹ nca³ coi⁴ntoa⁴-nao¹³.
49 Nchaon³nchaon³ tsa³ca²te⁴jna³cao⁴-no³ nca³
tsa³ca³co³ya²³-no³ ya⁴? yo⁴nco⁴. C'oa⁴ li²coi³
qui³ntoa³-nao¹³, to⁴nca³ ca²ta³ma³jnco³ jo³ tso²
xon⁴ Escrituras. 50 C'ia⁴ nca³ts*i*³ cho⁴ta⁴-le⁴
qui³tsjion²con³, tsa³nca³. 51 To⁴nca³jnco³cho⁴ta⁴xti³
qui³tjen⁴nqui³-le⁴, ti¹jna³je¹ jnco³ sábana nca³
qui³jna³jt². Cho⁴ta⁴ qui³tsoa³ nca³ je². 52 To⁴nca³
cho⁴ta⁴xti³-ve⁴ tsa³c²e¹jna³ sábana, qui³jt² nca³
tsa³nca³-le⁴ cho⁴ta⁴-ve⁴.

Qui³cao⁴-le⁴ cho⁴ta⁴ti¹tjon²-le⁴ na⁴?mi³ Jesúś

(Mt. 26:57-68; Lc. 22:54, 67-71; Jn. 18:12-14, 19-

24)

53 Cho⁴ta⁴ncjin²-ve⁴ qui³cao⁴ Jesúś. Qui³con³-
le⁴ je² xi³ na⁴?mi³ti¹tjon². Coan³ña³ nca³ts*i*³
cho⁴ta⁴ti¹tjon²-le⁴ na⁴?mi³, cho⁴ta⁴jchi¹nca³,
cao⁴ cho⁴ta⁴ scribano. 54 To⁴nca³ Pedro qui³
co³tsen³tjen⁴nqui³-le⁴ sa³nta³ nca³ ji³cho²
ja⁴ya³ nti³tsin³-le⁴ je² xi³ na⁴?mi³ti¹tjon². Ya⁴
tsa³c²e¹jna³cao⁴ cho⁴nta³. Ti¹si¹so³-ni³le⁴ l'i¹ yao³-
le⁴. 55 Je² cho⁴ta⁴ti¹tjon²-le⁴ na⁴?mi³ cao⁴ nca³ts*i*³
cho⁴ta⁴xa¹ tsa³ca¹sjai³ en¹ xi³ coai⁴ne²-ni³le⁴ Jesúś,
jme¹-ni³ nca³ si⁴2c²en³, to⁴nca³ li²coi³ qui³sa³co³-
le⁴. 56 Ncjin² xi³ en¹nti³so³ tsa³c²e¹nta³ne² Jesúś,
to⁴nca³ cja⁴-ai¹ cja⁴-ai¹ qui³tso² nca³ jnco¹ jnco¹.
57 C'ia⁴ tsa³qui³ncha³nto³ c²a³, qui³tsjoa³ en¹nti³so³
xi³ t²a³ts²e⁴ Jesúś, qui³tso²: 58 Jin⁴-jin⁴ qui³no²ya²-
lai⁴jin⁴ nca³ c²oa⁴qui³tso²: An³ si³qui³xo²ya³ je²

yo⁴nco⁴-vi⁴ xi³ ntsja³ qui³si³nta³-ni³, c⁷oa⁴ to⁴jan²
 ni⁴čhjin³ c⁷oe³nta³-nia³ xi³ nqui²jnco³ xi³ tsi² ntsja³
 s⁷e⁴nta³-ni³. ⁵⁹ Ni⁴c⁷oa⁴-jin²s⁷in² coan³nco¹son² en¹-
 le⁴. ⁶⁰ C⁷ia⁴ je² xi³ na⁴?mi³ti¹tjon² tsa³qui³ncha³nto³
 jin³va³sen³, qui³sco²na³nqui³-le⁴ Jesús, qui³tso²: A³
 tsi²jme³ en¹ xi³ no²cjoi⁴. Jo¹ tso²-ni³ je² en¹ xi³
 tsjoa¹ je² cho⁴ta⁴-vi⁴ co²ntran⁴ tsi¹. ⁶¹ To⁴nca³ Jesús
 jyo¹ tsa³c⁷e²jna³, ni⁴jme³-jin² en¹ xi³ qui³nchja⁴.
 Je² na⁴?mi³ti¹tjon² nqui²ntia³ qui³sco²na³nqui³-le⁴,
 qui³tso²-le⁴: A³ tsi² tsa² ji³ xi³ Cristo xi³ ?nti¹-le⁴
 je² xi³ to⁴nta³. ⁶² Jesús qui³tso²-le⁴: An³ nia¹³.
 Jcha⁴-nio¹³ ?nti¹-le⁴ cho⁴ta⁴ nca³ ti¹jna³ nca³qui²xi⁴-
 le⁴ nca³n⁷ion¹-le⁴ Ni³na¹, nca³ cjoa⁴?ai¹jin³-ni³
 yo³jvi³-le⁴ nc⁷a³jmi³. ⁶³ C⁷ia⁴ je² na⁴?mi³ti¹tjon²
 tsa³ca³sen¹jnta³ na³jño³-le⁴, c⁷oa⁴qui³tso²: Jme¹-
 sa³ testigo xi³ ma³chjen¹-na¹. ⁶⁴ Je³ca²no²yao²³
 nca³ ca²nchja⁴aon³-le⁴ Ni³na¹: Jo¹ vi³xon¹³.
 C⁷ia⁴ nca³ts²i³ qui³tsjoa³-le⁴ Jesús cjoa⁴ñ⁷ain³,
 c⁷oa⁴qui³tso² nca³ va³quin²-le⁴ cjoa⁴vi³ya³. ⁶⁵ Tjin¹
 c⁷a³ xi³ tsa³c⁷e¹ts²ia⁴cao⁴ nca³ tsa³c⁷e¹čha¹jon³ Jesús.
 Tsa³ca¹jtsa³ ncjain¹, tsa³c⁷e¹-le⁴, c⁷oa⁴qui³tso²-le⁴:
 Ti⁴no²cjoa⁴yai³. Je² xi³ cho⁴nta³ qui³si³jtsin³a³
 ncjain¹.

Pedro tsa³c⁷e²jna³ma³

(Mt. 26:69-75; Lc. 22:55-62; Jn. 18:15-18, 25-27)

⁶⁶ Pedro ya⁴ ti¹jna³nqui³ nti³tsin³ jan¹. Ja³?ai³
 jnco³ tso²ti³ xi³ si¹xa¹-le⁴ na⁴?mi³ti¹tjon². ⁶⁷ Je²
 tso²ti³-ve⁴ c⁷ia⁴ nca³ tsa³ve³ Pedro nca³ ti¹si¹so³
 yao³-le⁴, qui³sco²tsen³a³, qui³tso²-le⁴: C⁷oa⁴-ti⁴ ji³
 to⁴jnco³ tsa³qui³jna³coai⁴ Jesús je² cho⁴ta⁴ nazareno.
⁶⁸ To⁴nca³ Pedro tsa³c⁷e²jna³ma³, qui³tso²:

Li²coi³ ⁷ve³xcoan³, li²coi³ ma³cho⁴ya³-na³ jo³ si³. Ji³tjo³ sa^{3?}nta³ ja⁴jcho³ xo⁴ntjoa⁴. Qui³squi^{3?}ntia¹ cha¹xi³cha¹. ⁶⁹Je² tso²ti³ xi³ si¹xa¹-le⁴ na^{4?}mi³ti¹tjon² ti⁴tsa³ve³-nca¹ni³ Pedro, tsa³c²e¹ts²ia⁴cao⁴ nca³ c²oa⁴qui³tso²-le⁴ cho⁴ta⁴ xi³ ya⁴ tgio¹: Je² cho⁴ta⁴-vi⁴ ts²e⁴ Jesú. ⁷⁰To⁴nca³ Pedro mai³ ti⁴qui³tso²-nca¹ni³. Xi³ coan³jnco³tjo²-ni³ je² cho⁴ta⁴ xi³ ya⁴ tgio¹ qui³tso² nqui²jnco³c²a²-le⁴ Pedro: Xi³ cjoa⁴qui²xi⁴ ji³ ni¹³ cho⁴ta⁴-le⁴ Jesú, nca⁴ ji³ ni¹³ cho⁴ta⁴ galileo. Je² en¹-li⁴ c²oa⁴tso². ⁷¹Pedro tsa³c²e¹ts²ia⁴ nca³ qui³tso²: Ni³na¹ ca²ta³tsjoa¹-na³ cjoa⁴ñ?ain³ tsa² tsi² c²oa⁴tjin¹ en¹-na⁴. Ña³qui³ qui³tsjoa³ en¹-le⁴. Li²coi³ ⁷ve³xcoan³ cho⁴ta⁴ xo⁴cji^{3?}-vi⁴ xi³ vi³xon¹³ nca³ jon². ⁷²Cha¹xi³cha¹ qui³squi^{3?}ntia¹ xi³ coan³jao² c²a²-ni³. Pedro ja^{3?}ai³tsjen³-le⁴ je² en¹-le⁴ Jesú jo³ qui³tso²-le⁴: Jan² c²a³ coi⁴jna^{3?}ma³cao⁴-nai¹³ to⁴nqui³-ni³ nca³ squi^{1?}ntia¹ jao² c²a³ cha¹xi³cha¹. C²ia⁴ nca³ qui³si³cja^{3?}ai³tsjen³ je²-vi⁴, qui³squi^{3?}nta¹.

15

*Qui³cao⁴-le⁴ Pilato Jesú
(Mt. 27:1-2, 11-14; Lc. 23:1-5; Jn. 18:28-38)*

¹ Nca³ ta⁴nzion² c²ia⁴ nca³ je³coan³ junta, cho⁴ta⁴ti¹tjon²-le⁴ na^{3?}mi³, cho⁴ta⁴jchi¹nca³, cho⁴ta⁴ scribano, cao⁴ nca³ts²i³ cho⁴ta⁴xa¹. Qui³cao⁴ Jesú xi³ tji¹t²a³n²ion¹, qui³ ca³ni¹t²a³-le⁴ Pilato. ²Pilato qui³sco²na³nqui³-le⁴: A³ ji³ ni¹³ cho⁴ta⁴ti¹tjon²-le⁴ cho⁴ta⁴ judíos. Jesú qui³tso²-le⁴: C²oa⁴tjin¹ xi³ si³-ve⁴. ³Cjai¹nca³ ncjin² je¹ tsa³ca¹nqui³ Jesú cho⁴ta⁴ti¹tjon²-le⁴ na^{4?}mi³. ⁴Pilato nqui²jnco³c²a² ti⁴qui³sco²na³nqui³-nca¹ni³le⁴: A³ tsi² jme³ en¹

xi³ no²cjoi⁴. Coe⁴-ni³ jo³ nca³ ncjin² cjoa⁴ xi³
 va¹nqui³-li². ⁵ To⁴nca³ Jesús li²coi³ qui³nchja⁴ nta³
 tsa² c⁷oa⁴ti¹?mi²-le⁴. Jo¹ to⁴coan³xcon¹-le⁴ Pilato.
⁶ C⁷ia⁴ nca³ s⁷oi¹je³ Pilato si¹c⁷e¹jna³ntai¹ntsjai²
 jnco³ preso nca³ xqui⁴no¹, to⁴ya³-ni³ve⁴ xi³
 cho⁴ta⁴na⁴xi⁴na³nta¹ qui³si³je¹. ⁷ Ti¹jna³ cjoa⁴ñ?ain³
 jnco³ cho⁴ta⁴ xi³ Barrabás ?mi², cao⁴ mi²yo⁴-le⁴
 xi³ tsa³qui³so¹tjen⁴ cao⁴ cjoa⁴si³. Qui³si³c⁷en³ c⁷en³
 ja⁴jin³ cjoa⁴si³-ve⁴. ⁸ Cho⁴ta⁴ncjin² ja³?ai³con³-
 le⁴ Pilato. Tsa³c⁷e¹ts⁷ia⁴ nca³ qui³si³je¹-le⁴ nca³
 c⁷oa⁴-s⁷in² si⁴2tjo³son²-nca¹ni³le⁴ jo³-s⁷in² nca³ntsjai²
 xi³ t⁷a³ts⁷e⁴. ⁹ Pilato qui³tso²-le⁴: A³ me³-no³
 nca³ si⁴2c⁷e¹jna³ntai¹-no³ je² cho⁴ta⁴ti¹tjon²-
 le⁴ cho⁴ta⁴ judíos. ¹⁰ Pilato tjin¹jin³-le⁴ nca³
 to⁴cjoa⁴xin²ta³con²³-le⁴ nca³ cho⁴ta⁴ti¹tjon²-le⁴
 na⁴?mi³ ji³cho² ca³ni¹t⁷ta³-le⁴ Jesús. ¹¹ To⁴nca³
 cho⁴ta⁴ti¹tjon²-le⁴ na⁴?mi³ tsa³qui³ncha¹?a³ nca³ts⁷i³
 cho⁴ta⁴ nca³ to⁴sa³ ca²ta³si¹c⁷e¹jna³ntai¹-le⁴
 Barrabás. ¹² Pilato nqui²jnco³c⁷a² qui³tso²-
 nca¹ni³le⁴: Jme¹ xi³ me³-no³ tso²c⁷oa⁴ nca³ s⁷ian³ xi³
 t⁷a³ts⁷e⁴ je² cho⁴ta⁴-vi⁴ xi³ ?mi²-lao⁴3 cho⁴ta⁴ti¹tjon²-
 le⁴ cho⁴ta⁴ judíos. ¹³ Cho⁴ta⁴ nqui²ntia³ tsa³c⁷e¹jta³:
 Cro² tja³t⁷ai³. ¹⁴ To⁴nca³ Pilato qui³tso²-le⁴: Jme¹
 cjoa⁴ts⁷en⁴ xi³ qui³s⁷in³?ni³. Cho⁴ta⁴ nqui²sa⁴
 tsa³c⁷e¹jta³: Cro² tja³t⁷ai³. ¹⁵ Pilato me³-le⁴
 si¹ñia³con³ cho⁴ta⁴na⁴xi⁴na³nta¹, coi³ cjoa⁴-vi⁴
 qui³si³c⁷e¹jna³ntai¹-le⁴ Barrabás. C⁷oa⁴ c⁷ia⁴ nca³
 je³tsa³ca¹-le⁴ Jesús, qui³sca³ni¹t⁷a³ jme¹-ni³ nca³
 s⁷e⁴t⁷a³-si¹ni³ cro².

So³nta²do⁴ qui³si³tsjoa³t⁷ain³ Jesús

16 C'ia⁴ so³nta²do⁴ qui³cao⁴ Jesús ya⁴ ?nte³-le⁴ cho⁴ta⁴xa¹ti¹tjon² xi³ ?mi² Pretorio. Qui³nchja⁴ma³ñña³-le⁴ nca³ts*i*³ so³nta²do⁴. **17** Qui³si³c²a³cja¹ Jesús na³jño³jco³. Tsa³c²e¹jna³son² jco⁴ jnco³ corona na³?ya¹. **18** Tsa³c²e¹ts²ia⁴cao⁴ nti⁴ton⁴ nca³ qui³si³ti²nta³: Ti²?nta³-li², cho⁴ta⁴ti¹tjon²-le⁴ cho⁴ta⁴ judíos. **19** Tsa³ca¹ntjai² ya¹ jco⁴. Tsa³c²e¹čha¹jon³ nca³ je², jo³ tsa³qui³ncha³xco¹nch²in³t²a³-le⁴ jo³-ni³ xi³ tsa³ve³xcon¹. **20** C'ia⁴ nca³ je³qui³si³tsjoa³t²ain³, tsa³c²a³sje³xin²-le⁴ na³-jño³jco³-le⁴. Qui³si³c²a³cja¹-ni³ na³jño³ xi³ ts²e⁴, c'ia⁴ ji³tjo³cao⁴ nca³ coa³t²a³ cro².

Tsa³ca¹t²a³cro²Jesús

(Mt. 27:57-61; Lc. 23:50-56; Jn. 19:38-42)

21 Qui³si³c²a³nc²a³ cjoa⁴n²ion¹ xi³ ya⁴ ja³a³, xi³ ja³?ai³-ni³ nqui³chao³-le⁴, (je² Simón xi³ cho⁴ta⁴ cireneo, n²ai³-le⁴ Alejandro cao⁴ Rufo) jme¹-ni³ nca³ c²oa⁴-si¹ni³ cro²-le⁴ Jesús. **22** Qui³cao⁴ Jesús ja⁴?nte³ Gólgota, xi³ tso²-ni³ je² ?nte³jco⁴c²en³. **23** Qui³tsjoa³-le⁴ vino xi³ ti¹ts²o¹jin³-le⁴ mirra, to⁴nca³ Jesús li²coi³ qui³ts²i³. **24** C'ia⁴ nca³ je³tsa³ca¹t²a³ cro², qui³si³c²a³vi¹ na³jño³-le⁴, qui³si³sca¹cao⁴ ?ya³-ni³ xi³ c²oa⁴ nca³ jnco¹jnco¹. **25** Las nueve nca³ ta⁴nzion² c'ia⁴ nca³ tsa³ca¹t²a³ cro². **26** C²oa⁴ son²jco⁴ tsa³c²e¹t²a³ xi³ tsa³ca¹nqui³ Jesús: Cho⁴ta⁴ti¹tjon²-le⁴ cho⁴ta⁴ judíos. **27** C²oa⁴-ti⁴ tsa³ca¹t²a³ cro² Jesús jao² cho⁴ta⁴che¹ xi³ tsa³qui³ncha¹ jnco³ nca³qui²xi⁴-le⁴, c²oa⁴ xi³jnco³ nca³scon¹-le⁴. **28** C²oa⁴-s²in² coan³jnco³ je² en¹ Escritura xi³ tso²: Cao⁴

cho⁴ta⁴ts⁷a³ntjai²cjoa⁴ coan³xqui⁴cao⁴ nca³ je².
 29 Je² xi³ ya⁴ ja^{3?}a³to³ qui³nchja^{4?}aon³-le⁴, jo³
 nca³ tsa³c⁷e¹jco⁴ qui³s⁷in³, qui³tso²: Jan⁴. Ji³
 xi³ qui³si³ nca³ si⁴qui³xo²jain³ yo⁴nco⁴ xi³ ts⁷e⁴
 Ni³na¹, c⁷oa⁴ nca³ jan² ni⁴čhjin³ c⁷oe¹nta³-ni³,
 30 ch⁷a⁴sje³ntjai² yao³-li⁴, ti²tjo⁴jen⁴-lai⁴ cro²-ve⁴.
 31 Ti⁴c⁷oa⁴qui³s⁷in³-ni³ cho⁴ta⁴ti¹tjon²-le⁴ na⁴mi³,
 cao⁴ cho⁴ta⁴ scribano qui³si³tsjoa³t⁷ain³ nca³ i⁴
 nca³ jan¹ qui³tso²-le⁴ xi¹ncjin¹: Tsa³c⁷a³sje³ntjai²
 xi³ cja⁴ai¹, to⁴nca³ li²coi³ ma³-le⁴ v⁷a³sje³ntjai²-ni³
 yao³-le⁴. 32 Je² Cristo, cho⁴ta⁴ti¹tjon²-le⁴ cho⁴ta⁴
 Israel, ca²ta³vi³tjo³jen³t⁷a³ cro² nt⁷ai⁴-vi⁴, jme¹-
 ni³ nca³ jcha⁴-si¹nia³², c⁷oa⁴ coan⁴cjain¹-si¹ni³na¹.
 C⁷oa⁴-ti⁴ je² xi³ ya⁴ to⁴jnco³ tjen⁴v⁷a³t⁷a³ cro²
 qui³nchja⁴ti³cao⁴ Jesús. 33 C⁷ia⁴ nca³ ji³cho²ca³
 nchi³sen³, coan³njion² nca³qui³jnta² son^{3?}nte³,
 sa^{3?}nta³ las tres nca³ ma³xon². 34 C⁷ia⁴ nca³ las
 tres nca³ ma³xon² Jesús n⁷ion¹ qui³nchja⁴, qui³tso²:
 Eloi, Eloi, lama sabactani, xi³ tso²-ni³: Ni³na¹-na⁴,
 Ni³na¹-na⁴, a¹-ni³ nca³ ca²njion³ta³con²-si¹ni³nai¹³.
 35 Xi³ je³qui³nčh⁷oe¹-le⁴ c⁷a³ xi³ ya⁴ tjiō¹, qui³tso²:
 Coe⁴-ni³ nchja⁴-le⁴ Elías. 36 Jnco³ cho⁴ta⁴ qui³to²ca³,
 qui³si³ca³nchi⁴-ni³ tsa⁴nca⁴, qui³si³c⁷e¹jna³jco³
 ya¹na⁴xo⁴, qui³si³c⁷i³, qui³tso²: Ca²ta³v⁷e², cho¹tsen³-
 le⁴² tsa² cjoa⁴ai¹ Elías nca³ cjoa⁴a²xin² Jesús.
 37 To⁴nca³ Jesús n⁷ion¹ qui³squi^{3?}ntia¹, qui³cha³jta³.
 38 C⁷ia⁴ je² na³jño³ xi³ qui³tjen⁴chjoa² ya⁴ya³
 yo⁴nco⁴ coan³va³sen³ya³. Ji³nčhoa³-ni³ jco⁴ sa^{3?}nta³
 t⁷a³na³nqui³ qui³xi³jnta¹jen³. 39 Je² xi³ nca³jco⁴-
 le⁴ so³nta²do⁴ xi³ ya⁴ tsa³ca³sen²jna³t⁷a³-le⁴ Jesús,
 c⁷ia⁴ nca³ tsa³ve³ nca³ ntia³ qui³cha³jta³ Jesús,

qui³tso²: Xi³ cjoa⁴qui²xi⁴ je² cho⁴ta⁴-vi⁴ ?nti¹-le⁴ Ni³na¹ ni¹. **40** C⁷oa⁴-ti⁴ tgio¹ c⁷a³ ya¹nchjin¹ xi³ cjin³ tgio¹co³tsen³-ni³le⁴. María Magdalena, c⁷oa⁴ María xi³ na⁴-le⁴ Jacobo xi³ ma^{3?}nti¹ cao⁴ José, c⁷oa⁴ Salomé tgio¹ jin³-le⁴ nca³ je². **41** Je² ya¹nchjin¹ qui³t⁷a³-le⁴, qui³si³sin³-le⁴ Jesús c⁷ia⁴ nca³ to⁴jo³ tsa³c⁷e²jna³ ya⁴ na³nqui³ Galilea. C⁷oa⁴ ncjin²-sa³ ya¹nchjin¹ xi³ ña³tjen⁴ ji³nčhoa³mi³ cao⁴ Jesús ya⁴ na⁴xi⁴na³nta¹ Jerusalén.

Qui³sca³ni¹s⁷e³nqui³tsjo¹

(Mt. 27:57-61; Lc. 23:50-56; Jn. 19:38-42)

42 C⁷ia⁴ nca³ je³coan³xon², coi³ nca³ je² vísperale⁴ c⁷ia⁴ nca³ tsa³c⁷e¹nta³ xi³ t⁷a³ts⁷e⁴ ni⁴čhjin³ ni²cja¹ya³, **43** José xi³ Arimatea ts⁷e⁴, jnco³ cho⁴ta⁴xa¹ xi³ cjai¹nca³ tjin¹-le⁴ cjoa⁴qui²xi⁴, xi³ c⁷oa⁴-ti⁴ qui³sco²ya³-le⁴ cjoa⁴te¹xo³ma³-le⁴ Ni³na¹, coan³n⁷ion¹con³ nca³ ja^{3?}a³s⁷en³nčh⁷oe² Pilato, qui³si³je¹-le⁴ yao³-le⁴ Jesús. **44** Pilato to⁴coan³xcon¹-le⁴ nca³ je³c⁷en³. Qui³nchja⁴-le⁴ je² xi³ nca³jco⁴-le⁴ so³nta²do⁴-ve⁴, qui³sco²na³nqui³-le⁴ tsa² je³c⁷en³. **45** Je² xi³ nca³jco⁴-le⁴ so³nta²do⁴ qui³tsjoa³-le⁴ cjoa⁴qui²xi⁴. C⁷ia⁴ nca³ Pilato tsa³ve³, qui³tsjoa³-le⁴ José yao³-le⁴ Jesús. **46** José tsa³ca³tse³ jnco³ sábana, tsa³cja^{3?}a¹xin² Jesús, tsa³ca¹jte¹ sábana, qui³sca³ni¹s⁷en³nqui³ tsjo¹ jña³ qui³tjo³-?ai²cja¹ jnco³ na⁴xi⁴. Jnco³ la⁴jao⁴ qui³sca³ni¹ti¹cja¹ jčho³xo⁴ntjoa⁴-le⁴ tsjo¹. **47** María Magdalena, cao⁴ María xi³ na⁴-le⁴ José, tsa³ve³ jña³-ni³ nca³ ti¹qui³jna³ñai³.

16

*Jesús ja³a²ya³-ni³le⁴
 (Mt. 28:1-10; Lc. 24:1-12; Jn. 20:1-10)*

¹ C'ia⁴ nca³ je³ja³a³to³ ni⁴čhjin³ ni²cja¹ya³, María Magdalena, María na⁴-le⁴ Jacobo, cao⁴ Salomé, tsa³ca³tse³ xqui³ xi³ nta³ njen³, jme¹-ni³ nca³ cjoa⁴ai¹ si¹ca³jon³-si¹ni³le⁴ yao³-le⁴ Jesús. ² C'ia⁴ nca³ ni⁴čhjin³ tai²nco⁴ nca³ cjai¹nca³ ta⁴njion²ya³, xi³ qui³s²e³sen¹, ji³nčhoa³ jňa³ qui³jna³ tsjo¹-ve⁴. ³ Qui³tso²-le⁴ xi¹ncjin¹: ⁷ya¹-ni³ve⁴ xi³ cjoa⁴a²xin²-na¹ je² la⁴jao⁴ xi³ qui³jna³jčho³ xo⁴ntjoa⁴-le⁴ tsjo¹. ⁴ C'ia⁴ nca³ qui³sco²tsen³, tsa³ve³ la⁴jao⁴-ve⁴ xi³ je³qui³tji³ t⁷a³xin²-le⁴ tsjo¹-ve⁴. Cjai¹nca³ to⁴je³ cji³ la⁴jao⁴-ve⁴. ⁵ Qui³s²en³ tsjo¹-ve⁴. Tsa³ve³ jnco³ cho⁴ta⁴xti³ xi³ ti¹jna³ nca³qui²xi⁴-le⁴. Ti¹jna³jte¹ jnco³ na³jňo³jnčho³ xi³ čhoa³ cji³. Ya¹nchjin¹ qui³tsa³cjon¹. ⁶ To⁴nca³ je² c⁷oa⁴qui³tso²-le⁴: A³li² vi³jcon³-zion²³, ti³ma³fa³sjai³-nio¹³ Jesús xi³ ts⁷e⁴ Nazaret, xi³ qui³s²e³jna³t⁷a³ cro². Ca²fa³a¹ya³-ni³le⁴, li²coi³ i⁴ ti¹jna³-vi⁴. Cho¹tsen³-lao⁴i⁴ ⁷nte³-vi⁴ jňa³ nca³ tsa³ca³jna³. ⁷ Ta⁴nquion¹³ tso²c⁷oa⁴, c⁷oa⁴t⁷in²-lao⁴i⁴ cho⁴ta⁴-le⁴ cao⁴ Pedro nca³ je² ti¹fi² ti¹tjon²-no³ ya⁴ Galilea. Ya⁴ jchao⁴ nca³ je², jo³-s²in² nca³ qui³tso²-no³. ⁸ Ya¹nchjin¹ ji³tjo³ nti⁴ton⁴-ni³ tsjo¹-ve⁴. Jo³ qui³to²ca³, jo³ ja³tse³ yao³-le⁴, jo³ coan³xcon¹-le⁴. Ni⁴ya³-jin² xi³ jo³ qui³tso²-le⁴, nca⁴ n⁷ion¹ tgio¹tsa³cjon¹.

*María Magdalena tsa³ve³Jesús
 (Jn. 20:11-18)*

9 Jesús ja^{3?}a²ya³-ni³le⁴ nca³ tai²nco⁴ ni⁴tjen⁴ya³. Ts²a³tsen³ ti¹tjon²-le⁴ María Magdalena xi³ tsa³c⁷a³sje³xin²-le⁴ ña³to³ nai⁴² xi³ nta³jin³. **10** Qui³ María Magdalena, tsa³c⁷e¹-le⁴ na⁴jmi¹ je² xi³ tsa³ca³tio²cao⁴ Jesús. Fao¹-le⁴ cho⁴ta⁴-ve⁴, tjio¹qui^{3?}nta¹. **11** C⁷ia⁴ nca³ qui³nčh⁷oe¹ nca³ ti¹jna³con³ Jesús, c⁷oa⁴ nca³ María tsa³ve³ nca³ je², cho⁴ta⁴-le⁴ li²coi³ coan³cjain¹-le⁴.

Jao² cho⁴ta⁴-le⁴ tsa³ve³ Jesúis

(Lc. 24:13-35)

12 To⁴nca³ coan³scan³-ni³ cja^{4?}ai¹ cji³ yao³-le⁴ nca³ qui³si³c⁷a³tsen³-le⁴ jao² cho⁴ta⁴ xi³ tjio¹fi² ntia⁴² nqui³chao³. **13** Qui³si³c⁷o¹fa³-ni³ nca³ jao². Qui³c⁷e¹-le⁴ na⁴jmi¹ xi³c⁷a³. C⁷oa⁴-ti⁴ li²coi³ coan³cjain¹-le⁴.

Jesúis tsa³c⁷e¹ne²-le⁴ cho⁴ta⁴-le⁴

(Mt. 28:16-20; Lc. 24:36-49; Jn. 20:19-23)

14 Xi³ je³t⁷a³-ni³ Jesúis qui³si³c⁷a³tsen³-le⁴ yao³-le⁴ je²xi³ti⁴je²-ni³te³jnco³cho⁴ta⁴-le⁴c⁷ia⁴nca³tjio¹t⁷a³ ya¹mi²xa⁴. Qui³nchja⁴ti³cao⁴ nca³ c⁷oa⁴-s⁷in² xi¹jin³ ni⁴ma⁴-le⁴, nca³ tsi² coan³cjain¹-le⁴ jo³ qui³tso² je² xi³ tsa³ve³ Jesúis c⁷ia⁴ nca³ ja^{3?}a²ya³-ni³le⁴. **15** C⁷oa⁴qui³tso²-le⁴: Ta⁴nquion¹³ nca³qui³jnta² son^{3?}nte³. Ti⁴no²cjoa⁴ya³jin³-lao⁴³ nca³ts⁷i³ cho⁴ta⁴ je²en¹nta³ xi³ t⁷a³ts⁷an⁴. **16** Je² xi³ coan⁴cjain¹-le⁴, c⁷oa⁴ xi³ sa⁴te¹nta¹-ni¹, coi⁴tjо³ntjai²-ni¹. To⁴nca³je² xi³ tsi² coan⁴cjain¹-le⁴, s⁷e⁴-le⁴ cjoa⁴ñ⁷ain³. **17** Je² xi³ coan⁴cjain¹-le⁴, c⁷oa⁴s⁷in⁴² je² choa⁴ je²-vi⁴: Cao⁴ jan^{3?}ain¹-na⁴ c⁷oa⁴sje³xin² nai⁴² xi³ nta³jin³, c⁷oa⁴ coi⁴nchja⁴ en¹ xi³ cja^{4?}ai¹. **18** Sco¹mi³tjen⁴ ye⁴, c⁷oa⁴ tsa² sc⁷oi¹ tso³jmi² xi³ si¹c⁷en³, li²jo³ si⁴²cao⁴.

Coa⁴yo³son²-le⁴ ntsja³ je² xi³ tjiō¹m²en³, coan⁴nta³-ni¹.

Jesús qui³tjoe¹mi³ nc²a³jmi³
(Lc. 24:50-53)

¹⁹ Je² Nai³-na¹, c²ia⁴ nca³ je³tsa³cja¹cao⁴ cho⁴ta⁴-le⁴ qui³tjoe¹mi³ nc²a³jmi³. Tsa³c²e²jna³ nca³qui²xi⁴-le⁴ Ni³na¹. ²⁰ Ji³tjo³ je² cho⁴ta⁴-le⁴ve⁴, qui³nchja⁴ya³ nca³qui³jnta² ?nte³. Je² Nai³-na¹ qui³si³xa¹cao⁴ nca³je², ña³qui³ qui³si³qui²xi⁴ya³nta³ en¹-le⁴ cao⁴ choa⁴ xi³ qui³s²in³. C²oa⁴ ca²ta³ma³.

**Xon⁴-le⁴ ni³na¹ xi³ t?a³ts?e⁴ Jesucristo
New Testament in Mazatec, Huautla
(MX:mau:Mazatec, Huautla)**

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

69c7ee6e-d3c3-563f-a672-6ad58122d8ed